

詩  
持  
一  
集  
全





閩中魏惟度先生評選

後學翁相業  
須讀此書

# 詩持全集

枕江堂藏板

詩持一集自序

歸震川云文章為天地之元氣得其氣者與天

地同流詩固有韻之文章也自皇娥作歌後未

嘗稍熄亦猶四時之氣運行而不窮然是氣也

養之自我則純矣無旁委焉堅勇以持之無寒

儉焉博習以資之無苦難焉游泳嘯歌以涵育

之譬諸為人自幼自老自莊自妍自夷自異絕

無矯拂於其間斯其氣得焉矣今之學為詩者

不然大意起於為名名心勝則世之權足以榮

詩持一集

自序

枕江堂



言  
辱毀譽於我而我不能自制其榮辱毀譽之權  
委蛇婉轉以將之時爲工媚時爲艱深時爲險  
僻時爲放宕縱橫與世以可議之端世亦因得  
而議之曰此其乖於三百篇之旨也非詩之教  
也則其氣餒矣其何以觀風會之歸爲性情之  
正也哉然或者曰治世之音和以平亂世之音  
嗛以殺子夏氏嘗言之矣高廷禮之選唐詩也  
曰初曰盛曰中晚本世運之遞降而詩亦隨之  
若必一以正始之音則青蓮飄逸已啟中唐門

戶少陵鑽研早闢晚唐谿徑俱可置不錄矣奚  
可哉而余曰非也詩有才與情焉有法與調焉  
騁於才者軌以法有其情者協以調法得矣蘊  
藉以淡之調合矣風致以美之則無論其爲漢  
魏爲三唐爲宋元明皆可以入正宗又奚問其  
世代之升降人心之純雜音韻之和戾也哉方  
今

天子聖明崇尚風雅時進元老大臣雍雍廟廊  
之上賡韻賦詩如高念東沈繹堂二先生皆荷



言詩一集  
殊遇坐見卿雲八伯之風正吾輩讀書養氣以  
鼓吹休明之一日也其可曰詩僅韻事也哉吾  
於是集已三刻矣悠悠知己其拭目俟之

康熙辛亥中秋前五日閩三山魏憲惟度題

時寓金閫之虎丘山房



凡例

是集刻於潭陽自甲子至丙戌總二十三年之  
風雅僅得兩卷丙午攜入京師紙貴一時而  
板亦漫滅矣茲悉照原本廣至辛亥閱稿四  
百餘家得詩三千餘首至精以嚴旅次吳門  
囊中羞澁漸次告成尚有遺珠再容輯補  
唐人之選唐詩者六家各矜所尚原不相襲故  
能並行天壤今之選家動相詆毀曰某也以  
顯貴登某也以師友錄某某多而某某少如



言持一集  
聚訟焉故是集所選得之先輩遺稿者十之  
三得之寒士逸篇者十之七其他大家有專  
集行世者寧以見少獲罪亦甚避此訕謗矣  
是選畧有評騭以快一時心目未敢遂爲定見  
近閱諸家刻本不曰輯定卽曰彙訂雖不敢  
直任選者之功於天下名稿仍有所去取則  
此謙光也直惜墨如金而已知我罪我何庸  
心焉

于鱗云唐無五言古詩遂開百二十年口實故  
今日詞壇習近體者多習古風者少曰唐時  
猶難之間有爲古風者一入時選膜不相關  
竟置之矣寥寥千載誰復進而求諸三百篇  
乎進而求諸漢魏樂府乎故是選所載於古  
風尤多

選詩貴得其大全偏師短銳不與焉如尚才情  
者不遵法度論格調者不尚性靈用浮華而  
少蘊藉重工巧而乖風致者皆非全也無可  
選也胡元瑞筆叢有曰唐代詩選詩刪皆不



及廷禮品彙者謂其全也故是選兢兢以偏  
至貽譏

天下之大才人之廣卽御穆駿駕義車以求之  
亦難以遽盡故是集所載吳越爲多齊魯次  
之燕趙次之秦晉又次之楚蜀兩粵又次之  
滇黔吾閩抑又次之如曰彙十五國之風爲  
六十載全書也則願俟之異日云

余是選旣竣卽有補石倉之舉各家一册板式  
悉照石倉舊本廣輯 昭代上邇啟禎爾宗  
伯曹能始先生未竟之業不論顯晦存歿直  
接十二代宗上誠盛事也有志千秋者乞以  
全稿郵寄白下共商剗劂焉

閩兩峯居士魏 憲惟度書

於虎丘客邸





詩持一集目錄

卷之一

王思任 季重 二十四首

張明弼 公亮 二十二首

魏文焮 德章 二十一首

陳子龍 臥子 十四首

夏允彝 彞仲 六首

王崇簡 敬哉 五首

田種玉 公琢 四首



梁清遠 葵石 五首

王熙 胥庭 五首

魏喬介 石生 四首

陳昂 白雲 四首

梁清標 玉立 四首

宋徵輿 轅文 十首

曾異撰 弗人 十三首

黃淳耀 蘊生 七首

黃景昉 東厓 十二首

目錄終

詩持一集 卷之一

閩中魏 憲惟度評選

梁谿顧 宸修遠參閱

王思任 季重 山陰人所著有爾爾集避園擬存集

謝鶴

見賜揚州鶴。何人不羨清。一江寒影到午夜。感思驚。暫。檄。琴。相。待。終。要。松。與。盟。緱。山。乘。此。會。爲。報。只。吹。笙。  
檄琴要松清思妙想

漂母祠



老母但知餓。英雄不必知。一言哀孫處。千古拜兒時。楚漢水仍去。淮揚塚亦宜。寄聲飯多者。貧士少餐之。

起語未經人道

### 過太白先生墓酌而喚之

秀骨冷青山。行人望禾黍。生乘明月來。死剩清風去。陽冰篆尚存。力士靴何處。夜臺無酒家。還起共我語。

### 于忠肅墓

涕割西湖水。于墓對岳墳。孤烟埋碧血。太白黯

妖氛社稷留。還我頭顱擲。與君南城得意骨。何處暮楊聞。

### 衢江道中

百里皆盧橘。三家亦水湄。溪喧春自按。岸險樹交支。鳥語深林碎。魚行淺灘遲。遊山不及老。靈運許心知。

### 石礁偶憇

百丈岡如席。松根愛石眠。殘陽山倒赤。天際水流烟。貧佛荒崖寄。孤舟斷壁牽。更憐鷗近客。數



點白沙邊。

平水寄松

沿溪輕棹去。不盡是灣灣。伴鶴涼風遠。扁舟紅  
葉閒。露香來暗竹。碧影下秋山。明月無多重。勞  
君併載還。

落想不凡出詞多雋

鄒園

名園得山水。況是惠山泉。萬綠團聲色。丹青借  
醉眠。鶴行松雨後。猿嘯石風前。一局敲殘罷。仙  
家更似禪。

不知何處綠。相通入樓臺。獸石迎溪舞。魚花撥  
雨開。墮盃俱翠嶂。浸席是玫瑰。苔逕造吾家事。還  
當日日來。

復步問水亭

我來一清步。猶未拾寒烟。燈外兼星外。沙邊更  
檻邊。孤山供好月。高鴈語空天。辛苦西湖水。人  
還卽熟眠。

結借西湖寓嘲冷妙

夏夜

村居仍判郭。竹綴已將林。野老忘箕踞。頑兒學



詩集  
笑吟盃行爭月淺雲臥側天深秋色明宵到梧  
桐作意尋

宿歐兜禪室

雲臥年年望而今積翠中一燈昏佛影萬葉下  
秋空客夢驚天半鷄聲在海東錢塘門尚避何  
事不朦朧

訪虎跑泉

卜日訪泉來山花特地開僧投黃葉寺鐘遶白  
雲隈一嶺通江細千峰抱佛回泉聲懸樹杪漸

入道人盃

贈裘應薇備禦太未

劃天紫電曜冰眸屢捷弓韜挾壯翰綵筆干霄  
曾賦海輕裘嘯月更登樓魚麗八陣蹲高帳犀  
甲三衢扼上遊鵲印年來斗許大知君骨滿好  
封侯

贈梁懸藜兵使

稜層鶴骨照冰壺幾鎮回翔起壯圖特借豫章  
求棟柱暫移廊廟駐江湖庾樓月靜人三楚廬



嶽。雲。深。鳥。二。孤。王。粲。雖。貧。仍。有。賦。應。分。鱗。鮓。醉  
春。酤。五六句新雋

題徐合明山居

三。楹。茅。屋。萬。竿。封。綠。雪。寒。光。一。片。濃。人。在。讀。書  
深。處。樂。客。來。問。字。暫。時。逢。石。香。枕。壑。漁。歌。醉。梅  
老。環。籬。鶴。步。鬆。遮。莫。東。鄰。多。市。貴。何。如。曬。犢。作  
家。傭。

遊慈雲寺贈僧

寒。光。染。墨。凍。溪。冰。溪。路。穿。岡。不。記。層。虎。過。新。泥  
樵。語。澁。鴉。窺。古。澗。鹿。苔。凝。千。山。殘。葉。飄。孤。磬。一  
槿。梅。花。伴。冷。僧。人。外。偶。來。如。隔。世。雪。風。壓。處。綠  
雲。崩。

睢陽祠

孤。城。百。戰。未。曾。寒。豈。料。雲。深。白。晝。漫。幾。陣。鼓。鼙  
催。士。怒。一。天。風。雨。哭。兵。殘。頭。銜。萬。醜。睛。猶。動。血  
冷。千。年。心。未。乾。城。去。祠。存。終。是。恨。每。聞。月。下。有  
人。歎。結泣鬼神

至歷下恰雨

寺。寺。一。集 卷之一 五 枕江堂



一官車耳廿年塵。西謫東遷未隱淪。三匝又依  
華。不注中原欲認李。于鱗龍蛇有骨隨。雲老海  
嶽初交得雨新。爲問古亭惟歷下。濟南名士幾  
彬彬。

方正學先生墓

西風何處弔英魂。萬歎先生覺未冤。一箇心堅  
留是字。千秋口實遂難言。追陪叩馬終多事成  
就。龍逢亦至恩。此語尊前知曲折。低頭空自拜  
黃昏。

五六句真正學知己

當年大節未能稱。此日荒堆價豈增。十族有魂  
依碧月。九原無媿付青燈。江流過葉俱成淚。野  
鳥攀松盡化藤。皓魄萬年應不散。朝朝暮暮對  
鍾陵。

浣沙石

有色酬知己。無顏落姓名。如何一片石。癡絕想  
江聲。

是水是鹽是月是指不可思議

宿石氏山樓

莠花正欲然。春鳥先鷄起。瑣聒酒眠人。醒來聽



言持一集  
六  
山雨

得樓字

卜得城隅最僻幽。無人閒踏小滄洲。門前月靜山俱睡。愛聽書聲出竹樓。

張明弼 公亮 金壇人

雙燕離

雙燕去。雙鴻來。燕鴻爾何隙相避。如相猜。吳宮日暮秋風生。羅幌無人。但月明。乍辭語。燕正苦。寂初聽。啼鴻若有情。美人獨坐。泪如霧。幾見鴻

來與鴈度。燕鴻不相遇。狂夫不相顧。若得燕鴻同一處。世上應無別離路。

酷似太白自采石騎鯨後無此妙手

春閨詞

君爲燕地客。妾駐吳山雲。燕吳闊三載。歸音了不聞。昨夜妾夢君。遙知君亦當。夢妾君夢妾時。有何言。妾夢君來語未畢。君語未終欲去頻。將無君心有他人。君心若無他人。在那得見妾無。逡巡或是君邊。妾亦在。妾有何術能分身。有人



言一集  
無人三千里。千夢不如一歸真。勿拔堦前草。草  
拔還復生。不恨草生易。祇恨無人行。且尋絳桃  
閣。桃開行復落。若能君早三日歸。猶見紅花映  
面薄。侍兒未知情。嗚嗚彈玉箏。箏聲似言歸。未  
成搯斷箏絃。不願聽。十回飲酒不盡掬。佯醉入  
帷。仰視屋。想幻如秋雲。

湖上酌酒別山

我意已別山。山意未別我。青青雲上眉。遙向行  
人鎖。引盃勸山翠。翠影從盃墮。飲酒併吞山。山

在胸中坐。

于無情處說出有情見先生胸次  
不同

夢歸

夢中知慕歸。歸共家人語。語音猶可聞。寤已失  
所據。若云夢非我。誰見我。夢處若云夢是我。爾  
時胡不去。是我我非是。鵲聲窗外曙。

輾轉反側如見其枕上時

陳朝檜

神仙等飛藥。寒雲留其核。遺蛻落陳朝。千霜閉  
靈骨。鐵爪攫空青。健筵掃星月。崛強天壤間。不



言一集  
聽春氣發。我來瞻禮餘。蒼然薄毛髮。握若真卿  
拳。嗅同伯夷蕨。似與上古人。俯仰通候謁。楓子  
生桐孫。桃蟲蝕桂蠹。雖有三日姿。未免一朝掘。  
何如抱雪霜。欲與天地沒。

寫出陳檜孤高狷潔如一高士非流輩可擬

### 虞山對月有懷

昨我別君時。初月似君眉。君言此後如相思。遙  
指月光以爲期。還愁月向君邊滿。長懸缺月照  
妾帷。我今獨宿虞山下。可有圓暉伴君夜。他人

告我只一月。茅山虞山月不別。豈有我處似規  
圓。却到君邊同玉缺。始知君今見我客中波。我  
亦對君幃前雪。君我遙遙相處心。千里百里一  
輪結。月光兮月光。君應知我腸。願君梯我上月  
旁。手書相思字。俾君兩相望。平聲不然但使君一

月。我一月。各分一月。棲兩鄉。或令我上弦。君下  
弦。割蟾割兔。各生光。何忍共此徑尺明。叶同心

同意成殊方。殷勤告月求。月助寒鵲徙枝天。欲  
曙明月無言向西去。

與月絮絮言之月却向西去矣奈何奈何



有約

人語歇。夜光生。燭氣雜。簾影桐花碎。月明鼓樓西。畫橋北。思君念君遲。君色門早開。君早來。四月夜正短。無爲久徘徊。

情深矣。可奈何。其傷美人之遲暮耶。

人啖人歌

庚辛之際。客有爲予言齊魯中州啖人之事者。因歌以當哭。

泰山飛黃河塵。天子明聖人啖人。野草無根木無殼。煮石作糜石難鑿。五日不食願空嚼。飢兒語父飢媳語姑。我死他人定我刳。餘骨烏鴉相

歡。噉他人何親。父姑何疎。願以吾肉存爾軀。所嗟餒久徒存膚。不能充爾三日舖。父姑若念我願將殘骨沉溝渠。勿令他人磨碎供夕餽。前時流賊殺人三千一燻一燿。忽爾盡焉。昨來土寇掠人作糧。朝炊肋脇。暮膾膀胱。桁間懸頭髮到地。碟底斷指如葱長。但延顛頤領腹。誰將滋味詳。稿人怯食如鍼鎗。凶人慣食同牛羊。天下太平好異味。烹男炮女請君嘗。餓鬼鬍髻出湯火。鬼身刻劃聯刀剝。人食百物還食人。相生相啖誰



言一集  
能。躲。天。地。無。人。亦。清。燹。歿。不。穿。土。壙。生。不。鋤。土。  
皮。但。恐。寂。寞。天。地。悲。高。山。大。澤。盈。狐。狸。朝。中。夔。  
契。知。不。知。猶。議。催。科。汰。未。奇。

此古今不經有之變吾鄉戊巳之間亦如之  
留此詩以代監門一疏

### 山雲歌贈同行

粵東路。百山千山無數。山頭不絕雲。雲亦慕。  
其羣前。雲葉葉方迎我。後雲枝枝復送君。送君。  
直過虎門渡。我欲將雲入夢去。花田美人邈無。  
處。雲兮雲兮將奈汝。

先生詩每于呼雲語片  
處寓其幽思

### 愁中過山陰時監軍入東陽

古。人。已。歿。不。甯。活。今。人。雖。生。不。足。謀。胡。千。岩。之。  
獨。秀。見。萬。壑。之。恒。流。東。山。何。處。蘭。渚。將。荒。哀。今。  
人。之。易。老。怨。古。事。之。難。忘。高。山。高。山。呼。汝。而。汝。  
不。荅。兮。竟。恣。意。以。青。蒼。

呼山靈與語四顧無徒可知起處狠甚

### 淮上泛月有贈

淮。雲。青。不。盡。淮。月。涼。奈。何。攜。醉。弄。雲。月。酒。氣。歇。  
微波。君。輩。如。月。光。我。若。清。淮。水。月。光。不。下。淮。魚。



龍暗○中死○安得○淮水○化滄○溟長○邀明○月遊○其裏○  
豪邁○自縱○青蓮○後身○

曉行

客○心○容○易○警○望○曉○已○先○馳○路○白○鷄○聲○急○林○寒○馬○  
跡○危○枯○株○疑○鬼○立○暗○霧○出○人○遲○忽○憶○香○閨○裏○晨○  
光○亦○切○帷○  
句○句○是○曉○行○

雲林春集得鶯字

城○市○若○爲○情○相○將○碎○玉○京○宿○花○依○小○蝶○穿○樹○逐○  
流○鶯○讌○罷○春○無○跡○人○歸○月○有○聲○預○愁○仙○闥○閉○塵○

世復縱橫

五六句不可解而可解妙妙

寄周介生

玉柱華陽誰與羣○才名四海兩知聞○江東此日  
能無我○硯北于今獨有君○香以秋蘭爲石友○聲○  
將怨鳥作奇文○遙知榕樹枝間月○長接洮湖似○  
鬢雲○

夜集宋喜公郭外別業

春來曾得幾開襟○况有鄒枚共話心○千樹銜燈○  
疑月動○一川帶火似蛟沉○宵光難辨花疎密○星○



影猶知水淺。溪此夕與君經兩別。仙源有許再相尋。  
新聲舊調得錢劉之神

悲燕南

齊魯年來殺氣橫。旅人回望暗魂驚。誰家破竈生烟縷。何處寒燈照哭聲。綠野斷雲封絕壁。黃昏苦月弔空城。平生半握憂人髮。一步前時白一莖。  
留爲史詩不堪多讀

四月望夕懷家

此夕難堪對月光。半天夏色近秋霜。亂中新句

干戈氣夢裏。江雲兒女香。何處無錢買酒。誰家有月便揮觴。傳聞茅洞通峨岱。獨自還鄉路轉長。

湖上雜詠

莫羨崑丘是下都。玉山琳閣在西湖。叢叢柳影迷歌榭。曲曲蘭香入妓艫。匝徑紫烟天亦醉。沸空清響谷將愚。此生不得餘杭郡。浪被人呼作

大蘇

是湖上實錄

中秋寄周簡臣



言集  
獨夜清光誰與期。故人千里坐相思。知君亦在  
月光下。兩地銜盃話舊時。

荅汪然明

我是浮丘一散仙。性情只在水雲邊。玉皇香案  
勞人處。不及西湖弄晚烟。

咏鏡愁和黃皆令吳岩子女士

殘月空幃白漸收。起來攬鏡拭青油。妾眉纔斂  
君同斂。或是人愁影亦愁。

浣紗江

霸越亡吳事已非。浣紗溪上暮烟微。夜深水底  
半規月。疑是吳宮香魄歸。

魏文煇

德章

南臺福清人所著有石室私抄

匡廬天池寺眺望

鴻造肇名山。巨靈運神擘。廬阜振奇拔。彩錯森  
畫戟。勢接南斗懸。影落明湖碧。紛披輕雲重。去  
天不盈尺。聯綿控九疑。泓澗瞰七澤。緬邈洪厓  
子。精鍊留窟宅。中有青蓮池。恍疑瀛海闢。靈根  
茁瑤華。石髓流丹液。我昔夢遊之。茲焉恣心適。



手攜胡。藤。足躡。謝公。屐。深巖。半銜。日。鳥。道。斷。  
行。迹。欣。逢。五。老。迎。笑。揖。披。霞。客。雙。劍。倚。蒼。旻。飛。  
瀑。灑。青。壁。黛。色。淨。林。巒。烟。容。變。朝。夕。名。花。簇。奇。  
姿。古。樹。盤。怪。石。泠。泠。松。壑。鳴。杳。杳。人。寰。隔。香。風。  
吹。我。裳。遐。舉。凌。九。陌。宴。坐。愜。心。幽。賞。翫。豈。有。斲。  
玄。覽。懷。遠。公。勝。事。謝。往。昔。媿。我。係。世。纓。悞。逐。風。  
塵。役。凌。晨。別。松。關。回。首。片。雲。白。

鎮江阻風同年申紫崖太守見招

羈。棲。值。時。燠。落。日。滯。孤。舟。客。路。長。征。倦。悄。然。茲。

淹。留。幸。接。故。人。飲。晤。言。結。綢。繆。層。城。薄。清。漢。俯。  
抱。大。江。流。中。有。雙。玉。闕。宛。若。瀛。海。洲。曠。然。對。佳。  
境。兼。之。芳。序。秋。澹。雲。起。高。嶼。新。月。上。銀。鈎。延。眺。  
忘。日。夕。眷。戀。情。獨。優。披。豁。恣。探。賞。徘徊。滌。煩。憂。

登妙峰

周。覽。恣。名。山。茲。峰。信。高。妙。羣。山。如。逐。鹿。合。杏。成。  
奔。峭。翼。翼。龍。鳳。翔。於。焉。結。精。要。彩。錯。獻。多。姿。寂。  
歷。含。衆。竅。躡。屐。託。興。尋。振。衣。窮。遊。眺。巖。花。幽。自。  
開。嶺。猿。坐。相。嘯。江。橫。素。練。明。日。淨。青。山。貌。散。步。



言持一集  
入禪關。空對寒山笑。緬矣懷康樂。興生臨海嶠。  
千古仰清芬。期與爾同調。  
結出懷古有餘情

酬楊明田民部天津見寄

仙署俯長流。崇墉控上遊。雲開江樹曉。濤撼海  
門秋。思逸枚生筆。盃酣謝朓樓。乘槎吾有興。遲  
爾訪牽牛。  
三四陡健

淮河雨夕

桂棹倚淮流。蕭條序已秋。悲風吹古樹。微雨灑  
孤舟。遠火時明滅。流螢自去留。客懷愁不寐。飛

夢阻滄洲

五六寫雨夕妙景

白石曉行

策馬立山家。紆迴鳥道賒。翠嵐迷險路。清露濕  
閒花。澗淺分金溜。溪流擁篆沙。迢迢遠行邁。孤  
劍向天涯。

題王斗坡瓏上蓮華石室蟠龍窩

高人結遐賞。選勝在茲峰。玩世愚名谷。藏身臥  
有龍。步邀蘿逕月。坐嘯海天風。之子超玄度。逍  
遙伴赤松。  
五六仙品



恭謝恩封

紫誥煌煌出建章。小臣恭捧倍趨跄。龍飛玉簡。恩波重虎拜。金書御墨香。謬忝微班無報塞。新承殊寵有輝光。清時莫展涓埃力。徒誦斯干祝聖皇。

是唐人應制詩

舟次廣陵寄懷清源兵憲丁南溪省使李

內菴王弘宇

憶自分攜作畫遊。清源遙望暮雲浮。省郎玉節臨芳署。幕府雕旂繞畫樓。弱柳和烟籠水國。片帆飛雨下揚州。知君共飲鰲磯月。獨立蒼茫送遠眸。

淮上別酬馬同江度支

飛帆落日渡黃河。仙侶相逢載酒過。縱飲不妨時潦倒。劇談無問夜如何。沙因衝雨生寒漲。水爲乘風起夕波。千里故人傷遠別。淮揚回首暮雲多。

氣雄力厚盛唐名作

訪秦兩溪給諫

林鶯谷口啼春曉。傳說西庄給事居。宅傍青山



言持一集  
供杖履堂開綠野近樵漁。自應劉向多封事。謾  
擬揚雄早著書。爲訪東山高臥處。清時未許久  
懸車。

中秋同李內菴王弘宇二省使清源讌集  
驅車塵外散幽情。異地欣逢解榻迎。坐對笙歌  
兼鳥語。頻傳盃斝向花傾。虹飛百尺銀橋落。月  
上。千峰天柱明。盡日喜追仙侶後。此身疑已在  
蓬瀛。  
寫景雄闊

都下送田上舍歸閩

英妙君稱瑚璉器。早從上國列儒流。田何卒業  
還東去。司馬雄文事遠遊。曉日鶯聲傳太液。春  
風樹色滿皇州。送君遙向三山外。目斷飛鴻一  
倚樓。

旅次寄懷戴龍臺二首

沙合橋邊草閣幽。道人長此對沙鷗。清潭月落  
龍初醒。曲徑松陰鶴自留。謝眺青山千嶂雨。陶  
潛黃菊一庭秋。憐余空滯周南客。惆悵江雲一  
倚樓。



言一集  
遂初亭榭入江隈。卜築清幽掃徑苔。潮湧月明金瑣渡。春深花滿越王臺。棹歸遠浦迷烟樹。笛弄前邨落曉梅。憶昔有懷頻訪戴。沉沉夜雨動深盃。

送馮少洲兵憲之陝右

才高當宁著賢聲。分陝西馳出帝京。曉色離亭津樹合。夕陽駐馬夏雲生。城臨渭水縈秦塞。險絕潼關列漢旌。遙識軍麾清朔漠。磨崖早已勒鴻名。

送職方大夫宋濟川督學西蜀

朝奉天書下玉墀。文旌西指望峨眉。雲迷潞渚征鴻渺。路入巴江遠棹移。訪古尚傳諸葛陣。留題定擬少陵詩。知君文武才名重。綸閣從容想論思。  
先輩典型總以雄渾取勝

棘闈夜坐

鎖院沉沉玉漏長。捲簾獨坐下天香。風傳鼓角人俱寂。月度河梁夜未央。閣上青藜懸太乙。空中瑞氣閔文昌。九重袞冕方前席。會看夔龍集。



建章

歸州吊屈原昭君詩一首 并序

歸州為漢秭歸邑。在荆楚西裔。屈原王  
嬭故居處也。或以才見疎。或以色被毀。  
卒為楚江之魂。異域之鬼。悲哉。嗚呼。古  
今賢豪類此多矣。過而吊之。

秭歸山水孕英奇。翻使丹心玉貌悲。  
長恨湘江沉白骨。空留青塚怨蛾眉。  
是非變亂成孤憤。今古興讒誤一辭。  
行客臨風弔遺跡。朦朧月色夜

魂知

二句總提三四分說五六論斷以懷古  
結之一絲不亂真佳律也

秋日陳雙山劉少麓葉芝山陳木岩枉顧  
道山草亭奉和雙山來韻

天末風吹雜樹鳴。空山搖落送秋聲。  
臺連古刹諸天近。地接隣霄列嶂明。  
伐徑結茅宜小隱。開樽投轄共怡情。  
登高作賦羣公事。愧我濡毫獨後成。

與劉少麓王雲竹陳後洲林雙臺鄭龍津  
登越王臺



澹澹長江春水來。釣龍人去有荒臺。江空日抱  
鼉鼉窟。臺迴風高鶴。鶴迴鼓瑟卽今悲。帝子江  
籬時復薦山巖。羣公多暇延清賞。潦倒狂歌逸  
典催。

陳子龍

臥子

大樽華亭人

初入剡中

夙昔耽奇異。久負名山期。詎意肅于役。心賞獲  
在茲。高峰疊遙巘。曲徑沿迴溪。沉沉迷積靄。翠  
翠含輕暉。洩雲岫時沒。急雨灘屢移。青蘿被修  
坂。絳樹灼陰崖。迴互見別趣。登峰各異姿。頃人  
昔考卜。荒途恒若斯。心跡旣杳冥。衡宇亦參差。  
抗懷慙末尚。尚志徵前規。終焉協要妙。遲暮良  
可悲。

陟桐岩嶺

耽幽自忘倦。遇險若貽安。尋源無盡澗。躋峻轉  
餘巒。千盤上風磴。百折啓雲關。丹楓媚綺麗。碧  
嶂竦巒岈。含霧林樾潤。翳日藤蘿寒。回視萬壑  
底。更見羣峰攢。升嶠意凌越。憑虛神汗漫。陌阡



布零露。問井出人間。懷靈豈存境。觀道託殊觀。  
獨立招予美。痲矣摧令顏。

明秋曲

楚江娟娟媚。遙夕玉鴈金鳧亂深碧。紅鯉撥刺  
丹楓飛翠帶。神娥江上宅。素波不動雕雲前。銀  
河啼鳥涼風天。雙槩美人向明鏡。空光襲鬢相  
鮮。妍綺樓照夜屏風曲。霜花欲洗芙蓉綠。蘭房  
白繞簫管停。羅帳輝輝弄寒玉。幽夢沉吟欲待  
誰。天塗寥廓星參差。須臾月墮香羅薄。雜英滿

欄人不知。

白玉蟾仙品彷彿似之

劍術行

西風蕭條吹渭水。咸陽日暮黃雲起。遠村燈火  
桑葉飛。解鞍下馬星光裏。老翁猿臂鬚眉蒼。紫  
襖黑衣慘綠裳。舞倦高原一長嘯。風烟哀淡天  
荒涼。雙蛇白尾各騰上。雷霆夾鬪神飛揚。松栢  
紛紛葉欲下。紅霞出霧開清光。神靈變化從何  
始。少年曾事嬋娟子。天女手授石室中。靈篆玄  
文百餘字。採練日月收清輝。左蹲蒼龍右青兕。



七。七。之。期。合。神。度。窈。然。滅。影。向。天。倚。劍。成。只。在。  
 虛。無。間。駟。風。馳。景。千。餘。里。常。居。少。室。三。花。巖。幾。  
 度。洛。陽。五。都。市。聞。言。把。袖。意。已。傾。生。平。我。亦。能。  
 崢。嶸。九。關。虎。豹。日。無。賴。天。下。壯。夫。皆。不。平。借。君。  
 龍。文。志。一。決。深。山。大。澤。為。我。行。老。翁。笑。汝。何。太。  
 愚。此。曹。天。命。難。力。爭。報。仇。雪。恥。非。我。事。逍。遙。人。  
 世。歸。蓬。瀛。竦。身。遙。望。暮。光。滅。門。外。寒。深。三。尺。雪。  
 段段敘述中極變幻可為後學津梁

石齋先生築講壇于大滌山

即玄蓋洞天也

明湖連暮靄。積翠萬重山。九折泉聲亂。千峰雲。  
 氣閑。尋真窮石室。卜築掩松關。尚有蒼生慮。高。  
 談夜未還。

夫子辭金馬。君恩萬里遊。講壇依日月。福地少。  
 春秋。窈窕岩花落。空濛玉乳流。此中堪大隱。何。  
 計訪披裘。

傳聞玄蓋洞。遠接具區流。尚與人間近。疑從天。  
 外遊。玉芝丹竈夜。石鼓碧雲秋。不見羣真會。相。  
 携到十洲。



言集  
三山迷漢使。更起白雲壇。環珮天風滿。旌旗海日殘。草侵羣帝靜。月度九霄寒。惆悵乘鸞女。焚香獨夜闌。

越署春雨

高閣俯風湍。春光入望闌。雨從丹嶂落。城壓翠屏寒。津樹啼鶯暗。山花送客殘。不堪千里目。金鼓動江干。

七夕渡曹娥江

佳期今又見。旅思日應加。秋水芳洲淨。朝雲桂

楫斜。虹橋連海市。玉珮照江花。彷彿奔龍會。迢迢漢影遮。

寄李舒章宋轅文

夢到江南曲巷斜。楚雲何處莫愁家。憐予憔悴金臺馬。羨爾殷勤玉樹花。薇帳夜香迎翠羽。朱樓春雨按紅牙。惟應高唱臨風度。明月懷中憶絳紗。

風華典雅大家氣度自別几庸

八月大風雨遊泖塔

層湖黯淡路漫漫。孤嶼登臨怯羽翰。曉霧東連



滄海。白霜。楓西。接洞庭。丹夢。隨風。雨。銀河。近人。

在烟波。玉佩寒。欲擬招魂。秋草外。夜深猶自倚

闌干。如登塔巔。烟波萬里。

賦春古意

賤妾新居紅粉樓。狂夫偏逐冠軍侯。三春無草

黃河曲。六月飛霜青塚頭。秦地烟花連夜發。邊

庭音信隔年收。縱然奪得燕支塞。十五容顏不

可留。

初聞遣卒戍漁陽。又報徵兵赴朔方。邊柝亂傳

千里。月苑砧重拂。九秋霜。帛書望斷黃榆塞。錦

字空裁白玉堂。不見誰家麟閣上。年年遠海失

鴛鴦。

附舟過吳淞懷陳大樽先生

少慕三吳十二家。先生挺出壯中華。雄文倒

海今司馬。大節擎天古女媧。立馬西湖留藻

荇。谷林蒼祀先生。生于七賢祠。掛帆青浦拜蒹葭。采風不見

新祠宇。落日孤烟問水涯。

夏允彝

彝仲

環公雲間人



詠懷

萬里不徒往。積風輕羽翰。皤皤渭上叟。俟時良  
 亦難。五世藏金盡。天下驚報韓。棲棲懷玉士。永  
 歎韋編殘。霖雨自西郊。陰靄日漫漫。寧知蛟龍  
 騰。澤敷翻洪瀾。未有期許

幽人

寂寞高岡泉。乘雲去為雨。大翮雲垂天。風輕不  
 刷羽。至人亦何為。鹿豕恣狎侮。縱意豈其樂。順  
 物良用苦。偃蹇麟鳳姿。培折天下矩。煎石未粘

天析薪不缺斧。側首叫皇義。攜杖馴貔虎。寢足  
 休內機。志大不妄怒。污泥畜靈虬。人世焉得取。

江南贈別

江南烟水闊。城市亦蒼涼。魂斷花飛瓣。心傷草  
 膩香。鳥翻洲渚白。帆帶荻蘆黃。京洛風塵遠。尊  
 鱸應未忘。  
 儘費推敲

雨

溟濛原樹合。心遠動無涯。墮鳥餘烟惑。歸雲滯  
 影賒。肥添山意重。綠覆水容斜。杳雜愁難次。沉



沉圻晚霞

立春

新雲雖窈窕。霜雪不辭春。花柳更相慕。清光若厭人。年華多寂寞。日月半風塵。莫學情如水。芳時最損神。

說立春有別致

千山澗中

暗綠賚山晝。不明水痕初。沒荻無聲雲。能覆岸鷗衣。煖竹肯携暉。鳥夢輕汲女。改瓶羞斷綆。漁兒踏鯉貫。花莖春橋此。曲多風樂別。有傷心問

濯纓

先生詩多異采惜不多見

附 雲間弔夏瑗公偕其子存古殉節 魏憲

濱海頻年訪古遺。長歌河上憶吾師。公靖節于河

獨將七尺爭天地。孰鑄雙忠上鼎彝。學海波

瀾文有禁。公有文詞林悽惻哭留詩。公同朝暨諸門

士俱有輓章。吳航直接吳淞水。萬里棠陰百代思。

公會為吾閩長樂令

王崇簡 敬哉 宛平人所著有青箱堂詩集

送朱遂初備兵固原 子幼隨先大夫備兵關西



言持一集  
四海稱知己。如君交獨深。河山千里夢。風雨百年心。歎別鶯花晚。銜盃感慨侵。相思芳草歇。幾度望青岑。

迢遞西秦路。當年侍宦遊。送君今日去。感我昔時愁。絕塞荒山寺。孤城落日秋。烽烟銷勝算。明月滿高樓。

初秋過紫竹禪院

梵宇秋郊迥。空亭俯短牆。雲深山岫白。野曠稻花黃。老樹吟風葉。雙樓照夕陽。遲回荒沼上。隨

步是荷香。

贈別李蓼園孝廉

偶來詩酒混人間。瀕去相逢夢裏顏。又入江鄉尋釣侶。何如燕市閉松關。蒹葭霜老雲迷浦。薜荔風輕月滿山。若到洞巖最深處。桃花如記幾重灣。

剪綵爲花天工失巧

秋深

烟林窈窕晚模糊。苔色蒼然海鶴癯。小閣花繁燈影艷。疎窗蕉老雨聲枯。多愁不寐宵憑酒。五



言持一集  
嶽思遊夢按圖。何事幽懷頻悵望。琴床茶臼。傷  
高梧。每多清況。使人流連。

田種玉

公琢

宛平人

豐臺看芍藥

四月燕山草樹齊。携朋載酒帝城西。棠梨結實  
牡丹謝。獨看芍藥滿前谿。芍藥豐臺此日盛。十  
畝五畝花爲徑。朱霞簇簇舞晴空。霓裳對對臨  
明鏡。別有嬌藥含清馨。迎風萬點如春星。淡質  
乍疑湘水畔。傾城那數沉香亭。我徒尋芳興未  
倦。藉草眠花花覆面。睥睨獨看老樹鶯。往來並  
數雕梁燕。歸來聯騎踏香塵。醉眼看花別樣新。  
蘭亭金谷知何似。灌花叟是當年人。

遊海淀

清秋人意豁。引興到郊西。金谷昔輝映。濠梁今  
品題。插天石劔矗。拂地柳絲齊。靜晤疑身隱。芟  
香滿袖攜。

送王農山先生給假歸里

澄清海內羨登車。拂袖于今正歲華。弟子扶風



依絳帳。尊壘粟里對黃花。天空放鶴。山城外。月  
白。觀濤江水涯。愛國祇憑回首處。玉珂常傷五  
雲斜。

歸里還朝總國恩。年來江左重于門。功名盛世  
夔龍會。譽望清流模楷存。雪後白綸吟隴上。風  
前朱履醉平原。山林廊廟均攸賴。進退還看吾  
道尊。

輕逸之致如玉樹臨風

梁清遠 葵石 真定人

題眉居伯新築

小築臨城闕。棲遲聊寄閒。澄波通太液。青靄接  
西山。石壁蕉陰潤。藥欄花影寒。此真云秀野。亦  
作午橋觀。

同蒼巖公白遊城南

清流貫雲木。水際有人家。顏徑侵芳草。疎籬罨  
落花。天晴霞散影。野靜鴈依沙。景物看如此。行  
吟日已斜。  
五六儲王妙句

秋懷



暉暉斜日照金臺。何處啼烏帶影來。太液亂流  
衣帶繞西山。晚翠畫屏開。中原豺虎增郊壘。四  
野歸鴻戀草萊。極目關河無限思。漫歌五噫有  
餘哀。

送宋玉叔備兵秦州

鳳城風煖雪初晴。遙望輶車使者行。絳帳諸生  
遲問字。戟門小隊待談兵。擁旄曉度祁山影。吹  
角宵連渭水聲。萬里金湯龍劍在。豈徒詞賦擅  
西京。

聲調體格俱軼中晚

雨晴

陰陰草閣無炎暑。忽看晴霞繞翠微。曙色滿林  
寒鴈度。藤花拂徑候蟲飛。洞簫客舍吹明月。霜  
杵蓬門振夕暉。不見鄉書頻悵望。渾河野漲幾  
時歸。

王熙

胥庭

宛平人

詠史

毛生昔淪沒。囊錐蔽光耀。寄食平原門。三年不  
被召。奮身在末行。微受公子誚。當時十九人。側



言持一集  
目皆含笑。一定楚趙盟。碌碌誰同調。

送張繡虎歸里

長安之子去。大雅一時稀。風鶴驚猶在。尊鱸興不違。夕陽催旅鴈。木葉落征衣。越土今何似。湖干可樂飢。

雅秀可餐

汾湖野眺

萬家穫稻野光秋。游子臨湖雙淚流。西北羣山橫大漠。東南一水隔皇州。叢皇僻地猶風葉。獨鴈歸飛更遠洲。百戰昔悲燕趙地。故園今只見雲浮。

五六得野眺真景

送同年冀太守半偈任襄陽

寒風萬木冷河橋。極目南天路轉遙。前引雙旌揮赤羽。新乘五馬勒金鐮。紅雲京闕增鄉思。白日湘江對落潮。此地猶歌大堤曲。習家池上醉花朝。

送別鐵山宗伯



言歸幾纜海邊槎。十月清霜聽曉笳。適意故宜  
彭澤柳。謀生且種邵平瓜。風寒烟霧孤帆迴。人  
遠關山落照斜。莫惜臨岐頻把袂。應憐客夢自  
天涯。

魏喬介

石生

貞菴栢鄉人所著有嶼觴詩集

咏杜

老杜才名高萬丈。誰云刪後更無詩。此豈人力  
之所爲。山川風雨發其姿。玲瓏刊盡琅環秘。飢  
寒迫出奇崛詞。文章自不關花鳥。性命深沉乃  
出之。亦知不祥造物忌。原非富貴飲啄資。但快  
狂言喙三尺。安問令名垂來茲。

讀老杜而原本其性命歸功于山川風雨豈區區于吟咏得之乎知相國寤寐寢食于斯直揭出與天下後世共之功堪不朽

桃源行

便得吉

淵明自謂羲皇人。作爲詩記擬避秦。秦人宋人  
一而已。詐力篡殺不足詢。柴桑自有桃源渡。洞  
口雲深落英聚。鷄犬尚有古音聲。衣裳不作新  
制度。此中避世可千年。春花秋月自涓涓。峽中



言集  
不知人何事。世人遙望惟青山。山色溪光終不改。武陵白雲自相待。却笑時人欲問津。避秦之宅竟安在。

讀書不揣當日時勢。別具手眼。亦盲者拍肩相隨矣。相國數語。斷定足醒千年之迷。

春日過蘆溝橋

桑乾直下連滄海。天矯青龍接御隄。寥落長空寒過鴈。朦朧烟樹曉聞鷄。香山晴氣歸雙闕。榆塞風霜上馬蹄。咫尺五雲頻眺望。春風已到帝城西。

唐人佳製。絕非纖巧者可幾。

吳駿公贈余有自是漢廷真諫議。蕭王陌上賦東都之句。賦此荅之。

雄譚相視客懷孤。竹檻高齋鳥共呼。燕市悲歌多酒侶。延州風雨半平蕪。文成絕調空春雪。道有冰心在玉壺。北面丹書須帝佐。豈因作賦重三都。

陳昂 白雲 莆田人

暮過毘陵

毘陵城外路。芳草夕陽西。海氣除山影。鐘聲散



馬蹄雨乾林葉起。潮漲浦雲低。客本餐霞侶。關河歎久稽。

冬日薄暮

晚來偶出口。不棄剡溪澄。天地一分日。谿山數尺。冰梅寒如獨客。峰遠似孤僧。倦鳥幽枝上。霜凝夢共凝。  
竟陵神似

武陵道中

洞庭東去亂山蒼。風入松杉釀夜涼。鷗鳥坐隨流水遠。峽獮行惹白雲香。平橋酒幔遲明月。黃葉柴扉駐夕陽。欲問武陵源上路。桃花依舊失漁郎。

過洞庭

垂楊堤外風泠泠。萬里烟波載客星。海鶴遠含孤雨白。江門無數亂峰青。興來作賦酬明月。睡起吹笙過洞庭。人代不知何甲子。滄洲魚鳥已忘形。

梁清標

玉立

蒼巖真定人

寄懷王敬哉年兄



兩年聯珮鳳池頭。把臂論交想勝遊。花下開樽  
頻問字。月中聞笛醉登樓。故人魚素經時隔。大  
陸風烟入暮愁。三徑知君長自掃。可能寂寞憶  
羊求。

寄懷魏石生給諫

遺笏家聲自昔聞。中原朋好獨推君。燈前各掩  
思親泪。闕下猶傳諫獵文。寤寐懷人懸皎厲。風  
塵許我附青雲。黃花濁酒登高日。待爾啣盃坐  
夕曛。

送田髯淵歸水西草堂

陰陰津樹孝廉船。愁擁詩囊落照前。久識謝莊  
當獨步。誰憐越石讓先鞭。人歸烟雨江南棹。客  
散風雲薊北天。行矣著書三泖曲。漢廷終誦子  
虛篇。  
雄健中有婉秀

古意

邊城戍卒枕琯戈。草白沙黃獵騎多。報道將軍  
行塞外。層冰夜渡黑羊河。

宋徵輿

轅文

雲間人所著有林屋全集



古離別

千里復千里。問君何時歸。君言在戰場。欲歸苦無期。道路修且廣。高山復間之。浮雲有時止。鴻鴈不能飛。悲哉遠征人。勞生欲何爲。君友日以少。君年日以老。紅顏易淪芳。華秋將槁人。命若朝霜歡會苦。不早但願枯蓬枝。化爲女蘿草。

關山月

玉門遮不住。月色到阜蘭。影入金微小。光生鐵甲寒。山前人早見。閨裏夢同看。落去長城外。清

輝亦未殘。

塞上曲

橫吹朝朝急。哀笳夜夜聞。傳烽侵皓月。捲甲臥寒雲。冰合狐踪密。山高鴈陣分。不知身萬里。猶自將孤軍。  
峭勁處老氣無敵

重題張幼量古劔

可憐千歲後。還得萬金名。色照蒼苔古。光隨碧月生。奉環嬌玉女。開匣走山精。寄語張公子。延津莫漫行。  
五六匪夷所思



下灘

孤舟下石灘。雙槳出雲端。浪影分花落。濤聲激雪寒。亂山皆曲向。飛渡怯迴看。千里無諸國。天南自鬱盤。

古意

碧玉堂西紅粉樓。樓中思婦憶涼州。何當鴛枕三年夢。散作龍城萬里愁。秦地烟花明月夜。胡天沙草白雲秋。離魂不識金微路。願逐交河水北流。  
三四整鍊

梨嶺和范樹鏃原韻

林巒相向疊危梯。梨嶺平看閩嶠齊。瀑布懸流溪雪冷。浮山中斷海雲低。重重芳樹縈車蓋。片片仙雲拂馬蹄。遠望只愁春色盡。東風吹過萬花西。  
如見梨嶺真圖

早春訪夏瑗公先生于村居

在崑山  
之陰

十年卜築問山農。婉孌崑岑對九峰。幽徑竹溪人不到。芳湖草淺鴈相逢。春雲偏覆空庭雪。霽日先輝半嶺松。莫問武陵溪口路。柴桑尊酒且



詩林一集  
從容

重遊高園和上木作

百尺芳湖盡日寒。畫廊曲曲對清瀾。朱鱗躍岸  
浮花影。白鷺遊空入鏡看。樓外山雲移野樹。簾  
前珠露滴湘蘭。杖藜偏說重遊好。黃鳥啼時雨  
色乾。

贈李完之

歷歷交情二十年。有盃常醉落花前。干戈滿地  
還相訪。風雨同登釣客船。

曾異撰

弗人

疾官人所著有紡授堂集

放歌爲林守一丁丑初度

巫祝無加于人壽。九如之頌猶罵詛。仙佛長生  
存者誰。朝菌亦生椿亦死。多男多壽富且貴。人  
之所欲彼不與。惟有不朽之文章。人不授之天  
子不胎之父。滄桑不能變文心。大力難負隻字  
徙。裸跣乾坤我爲冕。黼毛血烝黎我爲鼓。鹵原  
玉高呼。賈馬邪許。曹鏞陶肉。陵旗武鼓。白笑孟  
呻。李棟杜礎。千載二韓前。非後愈。千載二姬固。



妹邕女石金梨竹我分身。名山大川我臟腑。莊

周持籌海屋中。東方偷兒夜窺戶。彭鏗浪有八

百年。至今不見留。一語青牛不授言。五千雖日

猶龍亦歿鼠。河洛神龜背無畫。閉氣支牀等鯁

鱖。區區少壯穉老間。一身前後劃今古。雄長鷄

柵俛競粒。附庸螻邦暝分土。雖以千歲為春秋。

稱觴亦如行。出祖蹙矣哉林生。百年未半辰向

午。壽矣哉林生。天地為客爾為主。百代作者誰

不祧。爾今置身何處所。何人不視不如左。瞽何

男。不陽不如遷腐。百獸穆穆蔚者惟虎。千秋墨

墨爾燧後炬。長歌把盞持君鬚。生也長年孰過

此。林生更酌牽襦襜。日軾與轍見二子。

十四夜坐梅

尚未至林下。高枝意已狂。竹間如可見。松裡亦

分光。花重鴉聲白。月來人影香。坐闌深袖手。懶

拂兩眉霜。

秋日樓居

百尺掛城頭。何人許上樓。到門山是客。當水閣



言持一集  
如舟柳短不勝月。蟬譁未分秋。索居家寥落甚。猶  
得病相求。

開正二日林守一携書過斗中園次韻

出郭新春雨。避人折脚床。吾紋親展幼。梅片夾  
書香。天地還吾老。文章讓汝狂。好將千頃綠。收  
入筆花光。  
幼字奇妙

至後過法海寺爾和禪房同慵和尚次韻

入寺冬新霽。寒輕似早春。百年天下士。此日佛  
前人。閒失忙中我。病分僧半身。不辭來往數。家

只在西鄰。

三四說學佛人有生色

客石巢夜坐

紅燭鬚眉影。蒼然不忍看。夜蟲親客久。飢鼠話  
山寒。老至擁書急。燈深認字難。如何三十九。今  
歲又將闌。

林伯吹攜素秋問梅遲我不至書懷

翠袖梅間好。閒身病不宜。寒君此夜約。憶我少  
年時。月出霜無影。燈親花上眉。相思坐達旦。待  
爾寄南枝。



二月十五夜過法海寺同慵生爾和坐月  
 春三病失半。并夜准三春。一客和僧影。聞鐘倚  
 樹人。茶香勻石氣。月魄在花身。靜對清光滿。方  
 知佛有鄰。

謁林劍溪先生祠

建文皇帝出都城。易主依然是我明。背闕舌甘  
 輸十族。懸梁頭一掛。雙貞車書已拱。今天下魂  
 魄猶飛舊北平。遺恨幾時流得盡。劍溪奔怒尚  
 砰砰。

毅魄雙懸日月明。龍淵霜氣滿天橫。雉經南闕  
 今夫婦馬首。西山昔弟兄。人到百年誰後死。事  
 無兩是媿先生。危樓南向忠魂在。三歎時聞中

夜聲。

吾閩祀先生于清涼臺當以三四為祠  
 聯

雨中懷友人

獨自倚樓。獨自言離羣。白鶴失高原。霏霏有雨  
 似無雨。數數開門難。出門得意詩文看。也厭向  
 明窗。几坐如昏。知君此際還相憶。滿把黃花立  
 小園。



言一集  
印帖 有懷李元仲作

三徑秋深滿草萊。空山獨自笑顏開。文章得意輕身藥。書劍無聊醉後盃。何事木犀香不去。有心蘿月睡還來。蕭條竹榻微霜下。一夜相思庾嶺梅。

五月閑居

五月蘭芽獨自紉。沸鑪霽水共晴新。每因病劇還思過。偏爲交多却畏人。老大割鬚聊學少。文章強項未稱臣。楊雄奇字無端甚。惹得門前載

酒頻

三四學問語

黃淳耀

蘊生

嘉定人所著有陶菴詩集

望廬嶽

我生癖山水。蠟屐饒幾兩。十載思匡廬。髣髴勞意匠。揚瀾左里間。歸櫂今始漾。大澤收烟虹。青天削屏障。堂堂韓白軍。落落侯伯狀。變化根虛無。尊嚴合雄放。朝昏無端倪。欲語但惆悵。三日經潯陽。一雨助清漲。雨止生白雲。山山氣騰上。劃然躋巖腰。懸亘億千丈。如彼萬國琛。明堂受



無讓傍豁四五峰。偃蹇失背向一峰。獨中立。肅  
穆類圭塲。忽見白龍飛。乃是巖瀑颺。想像萬壑  
雷。壯夫色凋喪。羈遲千里外。心跡兩遭妨。近愧  
猿鶴幽。遠慚仙釋曠。名山如故人。欲別手難抗。  
夜夢騎茅龍。陵歷頗奔壯。晨興獨長謠。懷哉未  
能暢。  
每多奇想得望中情形

螢

旅夜風燈滅。疎螢亦有情。對飛開更闔。獨坐晦  
還明。書卷如憎少。房櫳只益清。井闌相似處。歸

夢最能生。

句句是螢詠物高手

朱魚

爲與凡魚異。翻令尺水藏。數頭成伴侶。半豹具  
文章。遠害身長活。娛人趣暗傷。好教空闊去。爾  
我本相忘。  
許多身世之慨

九日登虞山遇雨宿興福禪院二首

每到林巒覺眼明。登高况是客中情。山當木落  
先疑雨。院有僧期不願晴。欹枕靜聽鐘鼓報。推  
窗遙指澗泉生。可憐一夜清無寐。心在前峰夢



未成。

潭影悠悠日。夜空一宵雷雨氣。鴻濛啜茶共說。

無生話。禮足還瞻蓋世雄。僧出栢鳥帽白。衣真

往事。黃花翠竹想遺風。出門獨向秋山笑。身在。

曹谿一滴中。

春風

柳向西偏一線斜。東風嫋嫋自天涯。捲開白日。初消凍閣。住輕陰。為養花。駘蕩祇堪嬉。燕雀顛狂。莫遣動泥沙。陌頭吹得韶光去。獨有羅敷最

歎嗟。

春雨

幾日春光到眼明。鳴鳩聒聒又嫌晴。霏微自潤。花間色。沾灑虛聞葉上聲。蚯蚓上堦如得意。笋萌穿土欲妨行。底須把酒登山去。小艇橫波也。有情。得雨中妙景。

黃景昉

太穉。東厓晉江人所著有甌安館詩。

曹娥廟

上虞古縣大如斗。春風繡簇堤前柳。烟斷千年。



無復知不見。男兒傳不朽。纖纖幼女貌如花。雙  
燕墮鬟貼新鴉。玉顏遲向波心歿。當年嫁與阿  
誰家。波心婉轉那可訴。血污蛟龍不敢怒。繇來  
河伯畏貞誠。從此行人早晚渡。只憐五月錢江  
水。白馬朱衣碧空起。二江隔岸東西流。丈二將  
軍一女子。我來重問山陰墅。日暮倩指摹碑所。  
中郎題字右軍書。不話風流話淒楚。風流淒楚  
終成塵。古瓦參差剡水濱。湖君孝女洛神賦。香  
霧瀟瀟共愁人。

清華園小雨

溪塘小漲溪流曲。石脚苔衣連夜綠。手弄荷珠  
不送人。戲剝新房彈屬玉。侯家朱閣玉雙飛。酒  
客停歌緩緩歸。錯看沙痕愁雨冷。繇來山路溼  
人衣。結是小雨妙妙

望南臺追懷黃布衣先生

觀井畫圖新。春風筍水濱。亂離歸故里。巾履集  
同人。魂魄猶依沛。詩書盍避秦。至今山鳥響。猶  
似影逡逡。說出布衣不凡處



題李孝伯花隱別業

巷僻車窮處。誰期宛委通。入門驚竹翠。隨地見花紅。白璧邗關使。青樽綺里翁。酒行觴政肅。知未損家風。

三四  
是花隱

常州贈別

雪擁高城客路賒。不禁思汝倍思家。尚看一夜常州月。已分三春北地沙。席上誰同玉麈尾。市中自愛白羊車。懸知雄劍終當會。記向姑蘇問莫邪。

經李淮撫廢園

逢人猶說舊淮揚。故苑遙隣帝闕旁。有水臨門深閉閣。何年乘月夏登床。大臣引過羞田竇。執法持平美漢唐。莫遽婆娑悲老樹。豆萁終頃未全荒。

感慨和平

立秋日仝傅子認王何稱林爲磐郭闇生

穿蓮東湖分得蓮字

曲水旁城好放顛。荷香十里葉田田。爲驚鳥夢停歌扇。故拂花鬢落酒船。詩思清如秋乍起。湖



光雅與客相憐。紅裙白紵尋常唱。我愛峰頭玉井蓮。  
得中唐人秀骨

賦得夏木囀黃鸝

匹馬傍堤隨意行。綠陰深處足流鶯。誰教刀尺催金縷。試聽笙簫下玉清。油壁青驄薄暮約。雙柑斗酒少年情。上林遊客獨佳興。為愛薰風曲裏聲。

雪封梅蘂

滿園珠綴傍瑤臺。是雪是梅客費猜。深鎖暗香防蝶見。巧遮綠萼待春開。粧成玉貌仍非粉。凍合冰心總未灰。誰信風光關得住。試憑歌管一吹回。  
有言外之感

陳綠厓大叅見示楚蜀遊草題贈

怒濤莫怪狎天吳。蚤歲航遊賦二都。橫把月高看作雪。卓將江險劃為湖。小孤漢口仙從過。三雅峨眉佛可呼。徐庶論兵尤我畏。古來荆益重基圖。  
惟綠厓不媿此詩

武林宿昭慶寺

寺詩一集 卷之一 吳 枕江堂



宋家宮殿佛爲壇。廊下波斯十字欄。薄暮青絲邀客醉。重湖白紵映人寒。暑逢再閏涼非遠。歸及中途夢未安。仍被信來催轡發。許多幽壑不曾看。

邢州詢李于鱗先生遺蹟

先朝西署盛風流。白雪縱橫不待秋。三輔年年驅五馬。只今人說李邢州。

詩持一集卷之一終

詩持一集目錄

卷之二

林 奎

子林士

二十二首

夏完淳

存古

四首

李 雯

舒章

十首

傅夏器

廷璜

六首

張慎言

藐山

一首

袁懋功

九敘

十一首

顏廷榘

範卿

十首



黃雲 仙裳 一首

洪士銘 畏軒 十首

顧宸 修遠 十首

周令樹 計百 十二首

張一鵠 忍齋 三首

田治 古田 六首

梅清 淵公 十首

陸嗣 仲飛 二首

陳弘緒 士業 九首

袁弘毅 若士 二首

彭孫適 駿孫 九首

閔派魯 伯宗 五首

何采 省齋 九首

詩持一集目錄 卷之二終



詩持一集

卷之二

閩中魏憲惟度評選一

長洲許虬竹隱叅閱

林 奎

子埜

恥齋福清人

春夜有懷適孔碩畫竹成題之

暮春草木明。閒花間空碧。幽人傷離居。悽然怨  
行役。對茲良稱懷。深悲非疇昔。所思天之南。拂  
拂憂勞積。我友同茲感。揮素傳竹石。云是江南  
物。聊將對孤客。森然會羣神。清影動咫尺。寒烟



言一集  
含空淡佳氣自朝夕皓月明窗虛素心與之白  
似有故人來涼風起簟席

舟中懷人

雨餘山自好適在放舟先古木淡虛壑孤村靜  
遠烟懷人落日後搔首數峰前秋葉紛思亂推  
蓬未可眠淡潔可愛

舟中見月懷人

異鄉何事月故故向人光卽此孤清況聊將好  
友方明星天外白流照水中央吟罷蒹葭句蓬  
窗幾片霜

道中和陳開仲別韻

烟樹萬重入帝京天涯是處故人情千山送客  
荒荒亂一劍明心細細評斯意于今成獨賞相  
逢未可說君名平原日暮愁知己浩蕩長歌過  
古城

舉世無人兩心自許情緒凄然

西來之水日漫漫平野荒流出古關霜重小航  
人不渡月明嘶馬客休鞍傷心短夢愁邊斷屈



言  
指交情。關後難。春至塞鴻歸未得。相思何日有新翰。

的是道上贈別且有許多感慨都未說出得風人之致

道中寄同社諸子

古樹城頭接小津。霜天欲暮起黃塵。中原劔短當斜日。故國心長值早春。何事相逢偏憶汝。果然閱世不多人。遙知風雨西窗夜。應有幽吟到此身。

夏日看雙燕安巢未定

入簾雙燕傍人飛。六月安巢意尚違。遠客何妨隨作主。故園無信且相依。驚將鴈影傷辛苦。省得春風又是非。却好曉窗頻對話。吾須秋半始言歸。

借燕發意身世之感良深

送王愧兩民部罷官歸遊武夷

拂衣今日卽雲岑。去國飄然一葉心。恩重死生緣主聖。迹渾清濁信臣深。囊空宦署原無鶴。身被流言已買琴。異節高名非了事。青山那可便投簪。



送蔡元白謁選

每向伊人夢。易疑何當相見亦分岐。一天月好人方去。滿地秋深感可知。無語別君雙執酒。每當思我數看詩。柴門此後仍須閉。寂寂黃花上短籬。

都是別時實情實景結更見別後一番無聊先生真篤于友者

癸未開春四日平湖放舟有作

牢落依然勝事存。花明晴水暖如鴛。東風吹草新詩路異國開顏。好友尊山色漸青來越地。梅花連白到吳門。平流不動迴舟緩。貼岸家家印月痕。

山居

籬成未別隔溪峰。一意低斜逐亂松。竹密偏隨僮子手。花明莫引客行蹤。許僧石上呼看月。近寺風前便聽鐘。記插槿苗無數本。朝朝留取野雲封。

曾聞太古知何色。日白山空別有光。花帶夕陽紅照屋。松同流水碧纏床。樵夫語罷忘留姓。野



老琴終便過岡。苦爲道人求作字。新詩吹去滿  
城忙。塵羅真可繫遊龍。城市居然興味濃。睡起獨看  
溪。夜月坐來孤對隔。江峰巖頭是處勞。遙望谷  
口逢人訊近蹤。杖住斜陽歸去晚。籬門剛到已  
聞鐘。

興言往事卽傷今。觀世情深待入林。永夜有懷  
長掩卷。一春無思未開琴。潭邊閒取吳鈞照夢  
裡。呻咽梁父吟。白笑機心剛欲盡。臨棋法復似

淮陰

先生山居詩二十首哀山東詩十首皆變風也俟別集悉載

北山看梅次韻

霜天日暮好登臺。烟暝空林早月來。淡思唯應  
不語看寒花。未肯盡情開。較量風力深香處。珍  
重詩人好句催。僧磬無聲歸去嬾。立閒雙鶴夢  
初回。

欺風賣老放高臺。摘得繁枝鬢上來。出郭松風  
寒。堞响依城烟水遠。亭開斜陽磬外僧方去。細



雨燈前句漫催。莫負山中高臥意。梅魂收得好詩回。

雪後過仙霞關

十年遇我仙霞雪。短屐孤筇頂上行。亂竹搖光斜壓重。空林落響碎分明。立來平見峰千積。霽處微聞鳥一鳴。敲殺瘦吟清絕句。步危端賴小僮擎。

中二聯定是雪後結出仙霞意真絕構也

登延津明翠閣

載得乾坤未了愁。移舟剛壓老龍頭。古今有語呼雙劍。風雨無端集一樓。此日深思湖海客。他年肯學平津侯。君難出水吾歸也。且作人間冷鐵休。  
雖然過激足見平生

春曉道中和蔡元白

斷橋流水接平堤。古渡城頭月欲低。行盡長原人不見。半邊枯木一鴉啼。

道中

策杖行來日又斜。小橋流水幾人家。深深門巷



言持一集  
無雞犬七十老翁出種麻。

途中夜雪和蔡元白迴文

殘鐘度處數聲烏。白眼雙明雪積途。寒色曉天空。落木漫漫水半一峰孤。

友人寫春山帶雨見遺題以答之

筆底雲烟刪欲殘。浮來墨氣剩高寒。故人應是心如木。移上春山作雨看。

夏完淳

存古

華亭人

擬古

春風動衣袂。縈露含綠滋。十日不啓關。蔓草生  
堦墀。行行馬嘶疾。去去車輪遲。遲遲復遲遲。浮  
雲無還時。南枝越鳥鳴。慰我長相思。

送別

馬秣車已脂。借問君何之。青青山陰柳。是君下  
馬時。我有雙玉環。宛潤好顏色。佩君身上衣。明  
我長相憶。置酒臨江臯。贈君以敝裘。敝裘不爲  
薄。願君思同讐。日落星爭光。行人不知處。前山  
馬首迴。掩涕獨歸去。

古氣回旋極盡錯落



望家園作

流觀窮四野。草木蕩綠滋。漠漠崑山陽。浮雲來  
 間之一葦。不可航。白雲空相思。落霞依故山。落  
 葉依故枝。無知尚思歸。何以慰有知。

觀濤

大海出沒波滔滔。魚龍斲日百丈高。忽蒼茫  
 天地合咫尺。不辨神靈號。江中小艇不敢渡。浮  
 雲漠漠隔江樹。海女霓旌乍有無。雷鼓填填屏  
 翳怒。靈旄冥曼青濛濛。虛無四面浮芙蓉。丹楓

葉落碧波冷。一上一下聲淙淙。須臾風起水勢  
 作。天門乍開秋不落。江如歌舞流佩音。金河錦  
 湍光灼爍。登高極望空翠迷。浩然激灑長天低。  
 涵虛萬頃皆一色。水面隱隱鮫人啼。其中深淺  
 不可測。秋山遠映嵐光白。龍鱗半掛倒青波。茫  
 茫鯉魚尾三尺。嗚呼此水乃是滄溟來。長江如  
 練浮天垓。雪花片片流不盡。北風直到天津臺。

李 斐 舒章 雲間人所著有蓼齋集

古別離



別離何從始。古道雲盤盤。車馬從此敝。君行無  
時還。妾有萬里心。君有萬里道。黃鵠海中分。相  
失何草草。日暮天益高。寒風吹蘿蔦。明月不相  
知。奚爲夜相照。留藕藕根久。種蘂蘂實黃。悲妾  
猶枯冰。思君如朝陽。  
古致橫溢

梅花落

庭中玉樹早知春。霜質先驚繡戶人。香散初疑  
憐袖薄。枝垂只是愛粧新。可惜春風向空度。流  
鶯啄入金波去。如妾朱絃曲未終。知君玉笛聞

何處江南正月正。繁華蕩子遲遲不念家。止應  
蝶粉傷幽夢。未遣金樽唱落花。越使宜逢江上  
客。爲歎梅花淚沾臆。燕子初飛桃李春。枝間楚  
楚應堪摘。  
如讀江文通

文殊院阻雨

日月空山暗。風雲早晚看。石門猿語歇。板屋夜  
鐘寒。鳥雀飛全斷。蛟龍出不難。未辭幽興極。溼  
我鹿皮冠。

羣壑諸峰下。湯湯萬丈流。白雲侵夜湧。昏嶂入



言持一集  
天秋。蕨味苦仍食。松顏翠欲浮。尚思鸞鶴駕風  
雨碧山頭。  
二首極山中雨景之妙

螢

幸與草根別。猶分日月光。星星近相接。耿耿自  
能將。不甚辭。紈扇偏宜隱。竹林諸蟲復何意。荒  
野夜行長。  
得詠物三昧

太平寺聞子規

谿山月出滿清林。杜宇千聲怨碧岑。越國何年  
來。蜀魄離人此。夜發吳吟君爲花鳥羈。愁主余  
有江湖浩蕩心。同在天涯一相遇。太平鐘鼓曉  
沉沉。

春日訪梅玄墓諸山小遇風雨

細雨春風路不迷。琪花玉樹隱禪棲。不辭素袖  
侵香濕。爲趁飛英入帽低。雪浪捲湖風度鴈。梵  
鐘出岫午聞鷄。別來五載籃輿在。依舊冰霜滿  
碧谿。

西隱寺詠聖果

上紅下綠  
兩兩相比

玄圃宮前未有栽。三株樹上不曾開。豈知天女



言持一集  
十  
施花亂悞散同心果一枚。

苜蓿

靡靡碧葉紫花叢。曾伴葡萄入漢宮。宛馬不知何處有。至今猶想貳師功。

蝶

一生花下最分明。弄粉驚香對對行。白玉堂中吹不散。青陵臺上更多情。

傅夏器

廷璜

錦泉溫陵人

清秋

遠遜無高興。清秋伴白雲。辛苦古昔事。沉吟風雅文。霞谷何寂寥。烟景自昕昏。簾幙隣烏鵲。戶牖秀蒹葭。瓊糜和露飲。菊英陪酒餐。飄零已如此。暮蟬豈堪聞。收功功何似。騷騷倚幕門。

冬懷

天際青雲客。寒山抱日歸。故園人接踵。平野鳥孤飛。霧暗錦川色。波洶黃石磯。凌霄如可問。飽食幾時肥。

林居窮歲夢。寢語憶京華。雪看今冬夜。梅思舊



言持一集  
日花老農戀聖節。晚景迫天涯。蒼翠茫茫裏。遙  
瞻北極斜。

積雨哀王粲

身世蕭條弔古悲。淒風吹雨黃昏時。西京烽火  
何堪說。南國湖山未有期。積水平原看浩浩。漏  
光夕照轉遲遲。登樓欲賦添愁緒。不覺片雲暗  
入詩。結有幽致

鏡

勳業無成引鏡羞。影形相弔一雙愁。蕭蕭眼底

江南岸。白盡蘆花滿地秋。

搖曳多姿

秋感

枯桐落葉滿天愁。野眺歸來更上樓。山郭水村  
風月夜。猶疑光景在孤舟。

張慎言 藐山 陽城人

敬亭晴雨

雨奇晴好盡人知。却喜將晴乍雨時。嵐氣欲侵  
風更轉。倦雲半壓岫如欹。情文殊媿酬。玄宰天  
地依稀是。幻師林杪浮烟烟際閣。有人倚閣亦



何思。

附 敬亭晴雨次張藐山前輩韻 魏 憲

山中氣候幾人知。秋杪寒暄不定時。驟雨驚

濤峰欲失殘陽落影。塔增欹情文極變留詩。

史濃淡難分乞畫師。盡撒珠簾看不厭。巫山

何處更相思。

高言集原評云直起一句包舉全神中二聯  
濃烘淡寫總為山中氣候出色結構之妙如  
此

吳星若曰極力描寫奪造化之工覺從來畫  
師都無用處

袁懋功 九敘 淑陽人

歸化寺

寺隱龍宮合山開馬岫分登臨披宿霧杖履度

飛雲滄海波濤撼空堂鐘磬聞大觀不可極浩

渺對斜曛 鍊句精彩

宿板橋

暝色連雲暗荒臺野戍空。舉帷瞻北斗按劍遶

雙虹驚枕宵虛柝依床草蟄蟲長安歸夢覺只

近日瞳矇



丙午七夕是日立秋。余自庚子出都赴滇。迄今七載。借景寫懷。不自知其言之俚也。

七年逢七夕。俱在異鄉時。歲序添潦倒。天心惜別離。鴈來歸夢遠。秋到落梧知。不盡淒其意。星河隱樹枝。

五六寫秋思有淡致

鵲橋何可見。我欲效乘槎。遊子三秋淚。勞臣萬里家。浮雲幽薊去。落日楚黔遮。猶是雙星好。經年別未賒。

### 滇中春日多風

三春無日不狂風。氣候南滇迥不同。倒捲楊花飛翠幄。平翻海浪拍晴空。客懷汗漫青郊外。遊子淒其夕照中。飄粉落紅無限意。如何帆迅大江東。

三四寫景如見

### 滇中無鴈

搖落鄉思寄遠岑。難堪情緒惜分陰。官閒長晝三春擲。夢杳遙天一字沈。金馬北看懷繫帛。衡陽南斷絕知音。自從故國分飛後。冷淡蘆花直



到。今。結意深摯

咏燕

可聽呢喃燕語低。春來猶向舊巢棲。隨風漫掠桃花水。弄日斜啣柳絮泥。寄羽年年思故國。依人歲歲度清閨。相憐惟有梁間月。曾照姚家繫綵題。

月下梨花

春嬌素質鬪輕寒。浩蕩千花映粉團。悄院淡粧如出洗。中天霽色好同看。攀枝冷艷侵銀漢。結

朶流蘇捧玉盤。可是美人乘月到。霓裳新倩倚欄杆。

仲春下浣再遊 王園泛舟登山

春水乘舟天上行。巨鱸斗酒蕩風輕。花間笑語紅欄隱。竹裏笙歌碧院清。瀑布耳邊聽雨落。山巖眼底看雲生。歡遊盡日渾忘醉。莫負芳華金谷情。

春興

元日風光眼倍清。貂蟬濟濟樂逢迎。三分春色



昆池湛萬里和薰太華晴。椒栢隨時消旅况。歌鐘動夜規輿情。自憐鞅掌勞靡盬。長眺雲飛是帝京。

白雲飄渺是吾鄉。帝里春光曉色蒼。七載遠臣心在闕。八旬老父杖怡堂。青絲織手家爲讌。鶴髮期頤歲祝康。只恐主恩深未會。烏私敢望格吾皇。

忠孝深旨大有關係

曩于將樂令公署讀先生佳集已深企仰近于維揚得觀新篇珍刻名家論定中先此問世惜山川修阻日月推遷無繇一觀典型不無悵悵云

顏廷渠

範卿

永春人

雲間鶴篇

一鶴一鶴雲間客。翀霄萬里搏風翮。十洲縹緲天路長。忽向金臺托雙跡。黃金古臺今扶風。太行山西瀛海東。歛翼翬與眾鳥伍。白羽白雪將無同。有時向空一長叫。娟娟松月來相炤。天外曾傳清唳聲。世間何人識高調。我憐此鳥是仙族。悞食縣官一斗粟。便自棲遲不能去。清夢依然。在寥廓。昨宵破殼下新雒。洞府靈胎本自姝。



會看翼長頂珠赤。相將飛入青雲衢。

蕭然高舉不屑時流

與羅近溪先生集從姑山

移席近巖前。清心對冽泉。酒中方見聖。坐處却疑禪。雲片風吹落。苔花墨染鮮。名題在蒼壁。重到是何年。

謁周濂溪先生墓

會謁先生墓。徘徊一整襟。溪清猶故里。風遠共誰吟。秋水芙蓉路。空山雨露深。頻來修歲事。應

有及門心。

古道溪心

雲山半嶺望仙人橋

迢遙出城郭。宛轉得幽尋。瀑布懸晴雨。飛梁度遠岑。仙人如脫屣。宦子已投簪。更入雲深處。碧桃千樹林。

三四如見

遊天目東峰宿昭明寺

天目東峯雲作梯。到來但覺衆山低。葛仙丹穴池長滿。帝子經壇樹盡西。泉落虹霓生鷲嶺。龍歸風雨散茗溪。琳宮直傍青霄畔。夜半陽烏海



底。啼。情。况。無。盡。

遊龍湖寺宿方丈

金碧巖頭青草湖。龍眠水底月明孤。真僧爲塔  
千花壘。曩叟耽山一杖扶。白日凌空遊自遠。清  
宵對榻夢應無。妙香不斷青蓮淨。倒浸星辰在  
玉壺。如見李禿翁當年揮麈。

望海

大海茫茫入望遙。玉虹委宛水中橋。洛陽鳳麟  
十洲彷彿扶桑外。橋鱷奔騰砥柱標。八月槎來

無漢使。一瓢僧渡只秋潮。因嗟人世如漚幻。却  
到庭前百念消。

秦娥

秦女吹簫月滿臺。爲憐蕭史有仙才。簫聲未歇  
彩雲集。跨鳳乘雲去不迴。

明妃

紫臺一去朔風寒。手上琵琶和淚彈。寄語漢宮  
紅粉伴。君王不復按圖看。

韓夫人



言持一集  
涸流葉上一聯詩。腸斷人間是阿誰。那識紅絲先約定。斷腸時是合歡時。

黃雲

仙裳

泰州人

喜傅石漪公祖選刻今詩拈唐句作起賦

呈兼懷魏惟度先生時余將北征

陸家兄弟是州民。別駕文章擅八閩。天庖政成人有暇。石倉選後道重新。關河雪色方長路。峰泐風光又早春。竹箭東南羅欲盡。魏收木藻更無倫。  
盡題之致作律詩宗匠

洪士銘

日新

畏軒南安人

恭讀御製表忠錄紀事步王恥古韻

天文開聖藻。前紀感螭章。有意標鳴馬。先聲集羽凰。埋輪衣繡使。抗疏筦樞郎。當道櫻豺虎。披襟凌雪霜。時聞丹碧煒。今閱汗青琅。英士綸生靄。昌朝使激芳。十行勤表冊。千載特銘常。漫例綸絲拙。爭如瀟袞長。豸冠殊濟濟。蟬縷曷茫茫。輦止隨環受。花迎拂劔香。報恩胥效蓋。際盛悉爲良。樸斷方營廈。蓼荼重茹薑。弼違匡帝



言持一集  
德補闕。肅官方。正氣乾坤永。休風日月光。賈生  
空事漢。魏相徒規唐。臣節從茲礪。王言矢不  
忘。氣象雄渾

王允侯南旋以詩言別賦答

豈乏丘園趣。嚴霜競聽珂。流光駒隙苒。浩氣鶴  
鳴過。禹甸風雲合。堯天雨露多。金城方獻策。遂  
此作饒歌。

送友顏紫巖之任無爲

金臺倏爾來。高人萬里晨。昏重此身楚。水謾吟  
時。互答燕山劍。鳥日相親。張羅欲拔雲中履。拆  
角頻誇雨後巾。願借匡廬竿許竹。層梯百尺上  
星辰。第二句見交情鄭重

答張復我勳丞見寄

拊翼相需奈典何。侯君滯此兩年過。七刀臣職  
心。恒疚紆縞朋情話。豈多棘寺鷄鳴應。視草秋  
曹。犴戢勿與波。丁寧告語真吾黨。祝爾烏臺蚤  
擁珂。語多真切

武闈卽事



萍蹤倘徃任虛舟。載菊浮觴亦汎流。結駟長楊無委徑。遷鶯上苑有崇丘。冬烘應覺披裘早。歲籥猶看轉律優。子舍擎盃何到晚。風光正滿曲江頭。

和蔡梅人水中鴈字詩

翩翩秋高萬瀨低。參差濯影畫鈎齊。客心蓬倚長勞慕。詩思囊開半未題。杳渺何能娛故壑。慙猶憶諗前溪。黃雲時戒浮沉侶。尚有迴封帶紫泥。

全無俗調

元宵索坐感懷

天家火樹競豪華。院裏春光度轉賒。虎嘯初搖中坐草。鶯聲晏落上林花。書成欲寄憑雙鯉。韻拙羞呈只片鴉。莫訝斑衣猶曳袖。萱堂藉此祝年華。

門人彭贊侯以金吾將軍初徵夏稅

五馬雙旌遇豈常。君王偏倚少年郎。金吾舊號因人重。笳鼓新吹夾路忙。好。悉。民。瘼。勤。報。國。徐。收。士。氣。振。來。王。頻。年。辟。咄。應。何。事。願。爾。當。官。且。



勿念。

新正馬上作

窮鄉節屋即春城。斗酒雙柑便聽鶯。短笛鬪從牛背出。輕衫不向馬蹄行。寒暄未愜三冬志。僂倻寧忘太室盟。自是風光催歲急。陽春一曲和難成。  
有瀟灑出塵之致

匪好鳴珂繞禁城。金臺景色已遷鶯。門前長者車逾織。郊外鯁生馬憚行。雪滿長安應有臥。景占太史豈虛盟。閒看小小輕佻侶。俏語蘼孫競

速成。

顧宸

修遠

無錫人所著有辟疆園諸集

遊江漢石紫微山館

去家纔咫尺。山徑自君開。築室奇峰外。尋泉古麓隈。興高松鶴下。坐久洞雲來。我亦登臨者。陪風直上臺。

蔣逕多幽竹。園門客到開。層樓凡數上。老樹有千枚。黃菊齊書幌。青山落酒盃。主人意疎豁。相對坐莓苔。  
多新雋之句與王孟爭席



芭蕉

孤根盤地百千叢。庭際離披剝不窮。摩詰畫中常帶雪。僧懷紙上欲追風。曉窗颯颯開涼扇。夜雨瀟瀟掩翠桐。羞似御溝題落葉。一風斜捲字都空。  
結更飄逸

荔枝

仙果偏從海上芳。龍牙鳳爪盡堪嘗。宮中笑壓三千女。樹上甜留十八娘。夜月常春紅錦落。麥秋五嶺紫囊香。不須子午重開谷。臨武唐羌有

諫章

如見十八娘臨風獨盼

龍眼

玄圃移根上苑無。左思自錯賦三都。婆娑琪樹輕魚目。磊落瑤盤似海珠。幸免楊環催驛騎。曾如石蟹醉髯蘇。側生旁挺原同祖。不信甘為荔子奴。

橄欖

忠果由來藥石砭。天涯斥逐口難箝。紅鹽一夕催青子。南苦多年傲北甜。魚骨下腸聊茹汁。雞



香含舌莫吞尖。東坡山谷爭題句。蜜味何如諫  
味嚴。

### 佛手柑

祇樹森森百寶林。五輪真妄衆難尋。化身便可  
分。千手徵實何曾現。一心美女柔荑香。乍盥仙  
人露。掌色銷金天生異果全。香色好伴蓮花檀  
越陰。

予離閩久諸土產之妙者悉從夢中紙上得  
之近修遠先生郵致詠物詩百章見示無一  
不原本出處卽物賦形并其精神氣味俱出  
予悉載別集先以閩果數首問世欲使舟車

朱遍三山者盡登案頭共領香色亦猶然鄉  
人之見也一笑

### 贈醫士周鏡夫八十瞽復開

八年面壁笑無端。夢久方知一覺歡。昨日鶯啼  
窗外聽。今朝花色樹頭看。俄驚城郭時時變。莫  
愴江山處處殘。憶昔懸壺青白眼。老來眼底轉  
波瀾。  
寫來如見

石床  
從邵文莊墓上移來有點易臺并皮  
日休題句

尚書墓上離離草。此石墮頽別作床。疑是飛來  
蝴蝶夢。誰爲剪去薜蘿裳。多年點易承朝露。往



言持一集  
代題詩有斷章。幸遇生公能說法。黑甜一枕免  
淒涼。

玄水泉

徐飛錫杖卽祇林。更向真源處處尋。九仞不教  
翻地軸。一泓便可發龍吟。銀床閒掃松花落。寒  
甃斜窺月影沉。豈獨十方香乳供。山留海眼照  
禪心。

修遠同公郎天石過訪余贈以詩云相思江  
水濶秋艇破烟來慷慨平生話嶙峋蓋代才  
黃山詩裏得碧甕月中開况共佳公子登樓  
臨八垓附此以志交情

周令樹

詩百

河南人

青樓怨

青樓誰家女。窈窕出南州。自言好顏色。秋水上  
雙眸。結髮歸夫偕。夫偕白且修。堂上列姬媵。廡  
中餘驩騶。華筵張七夕。雙雙笑牽牛。一朝兵渡  
江。鐵馬嘶沙洲。黃雲起西北。赤日照戈矛。軍令  
赦紅顏。倉皇易臂鞬。逐隊據花鞦。千里任沉浮。  
深閨聞我來。詰語聲嘲啁。將軍聞我來。戲指衾  
與裯。同儕聞我來。悲喜各含愁。相顧色慘澹。知



我委青樓。豈不惜傾城。主人愛明珠。古叶  
寄陳士業徵君

槎牙何代松。乃在西山陲。斧斤無相侵。蒼天雨露之。山間桃李華。穠艷何離離。羲和鞭日月。霜雪難爲姿。劫盡兩儀朽。盛衰固有時。偃仰老松下。松光生我衣。上有盤古藤。下有廣成芝。寂寞殿元化。古道終無違。

渡漳水

怒馬誰家少年子。揮鞭爭渡漳河水。手挽烏號

問高臺。舟人指點說香履。臺上主人安在哉。日  
夜。河流蛟龍。歷碧甃。鴛瓦埋廣野。少年落淚發  
清哀。少年何須悲千古。英雄從來一抔土。魏武  
虎視營八極。寧知大物屬典午。揚颿競渡客停  
車。應是五侯七貴家。古岸月明行人盡。萬樹垂  
楊噪飢鴉。  
寫淒涼處令人雄心冰冷

百泉夜

秋老芙蓉夜。漁歌隔岸聞。天流千頃碧。月破萬  
峰雲。楓樹鳴晴雨。鳥聲噪落暉。樓船何處客。簫



言持一集  
鼓動河濱。

七月朔值先嚴初度

風木仍千里。河山遂九秋。可憐空客夢。不得到荒丘。朱戶獨黃卷。青衫自白頭。當年筵上月。夜夜照松楸。  
字字有淚

題畫

乾坤不可極。尺練起滄洲。旭日浮元氣。高天下亂流。蒼茫沒島嶼。浩瀚失龍鯨。四海生平志。堪從壁上求。  
語語逼肖如見丹青

晚晴

晚涼聊獨坐。無事閉關宜。木屐聞聲處。草蟲止響時。殘雲歸岫急。疎竹受風欹。散髮成吾嬾。飛花落杜詩。

飲程箕山半野園

白眼綠樽學閉關。仙原移向帝城間。雨霏曲徑烟生屐。天接危樓青看山。老樹光侵人影重。幽窗坐送暮雲閒。遙知客邸三更夢。定訪松筠踏月還。



謁光武祠

長途立馬望斜陽。塵土征衫拜畫廊。一代謳吟歸白水。中興事業類高皇。雲迎仙仗松千樹。風送山峯鴈幾行。北去滹沱多異跡。何須石丈臥垂楊。

岳忠武廟

高秋古廟陣雲多。血戰勤王事若何。揚燾幾年鳴鐵騎。班師一夜弔銅駝。檻盤老樹流青影。雨歇長河捲白波。痛飲黃龍成往事。碑陰苔滿賀

蘭歌

不盡悲歌武穆心歎

長安月

酒對長安月色新。長安月送鴈聲頻。閨中亦看長安月。不見長安月下人。

因孫棐臣寄曹石霞

南雲萬里隔瀟湘。鴈度衡陽碧水長。聞道桃花紅樹樹。夢隨小艇問漁郎。

張一鵠

忍齋

雲間人所著有滇黔詩

壬午秋贈黃石齋先生還朝



束髮抱耿介。讀書機山旁。所好當世賢。夫子爲  
珪璋。姬情復孔思。玉潔而日光。想望佐太平。日  
晚垂衣裳。何期十年來。烏啄海內瘡。細人詭逆  
節。烈士無柔腸。孤臣實九歎。痛哭留綱常。未知  
罪是非。但使世感傷。大哉聖主恩。生殺兩不妨。  
情甘禦魑魅。不忍學豺狼。我得拜圮橋。乃在白  
雲鄉。盎然坐春風。忽復忘秋霜。益歎大賢姿。世  
眼非所量。賦詩慰夙昔。淚落何浪浪。

無一語涉世人期望悲歌慷慨遂成絕唱

### 平糞衛

山路偏窄雨來急。僕夫况瘁馬蹄澁。椎髻雙刀  
旁車趨。自言糶糶官世襲。自從兵燹撼日南。土  
司聚衆人爭集。漢唐自古各分疆。交趾土番雄  
一方。我國居中號強大。小者爲長大者王。卽今  
版圖歸王會。身爲輿卒日倉皇。我聞斯言長歎  
息。從來拓土須財力。轉輸八百萬金錢。服此無  
知之蠻貊。豈爲好事制遐荒。君王遠略自難釋。  
但使飛檄一統成。絕域不見刁斗鳴。何須更縛



夜郎歸縱有持節莫縱橫。萬里咸祝太平日。有苗不用干戈戢。

懷飛熊大阮大將軍

夜郎不知漢大久。阻山塹澤屹相守。蒙段山河叛不歸。朝廷議定誅小醜。武侯翊漢七縱擒。赫哉功業成唾手。千年復有英雄出。黃石家風親授受。曾備西羌振六師。威名韓范稱前後。天子赫然大一統。非公孰與開細柳。六詔烽煙白日昏。稱王竊號猛赳赳。填山寨。隘事縱橫公。

來羽扇登高阜。壯士摧堅振臂呼。憑高拔劍如龍繆。廓清直抵磨崖碑。昆明勒功永不朽。余也驅馳萬里來。感公意氣非徒才。公開大廈遺餘館。千金不惜酬龍媒。曾記元宵侍華宴。清歌妙舞汎瓊盃。坐施蜀錦光騰璨。戶列鰲燈羽舞毰。酒至數巡重作樂。胡笳漢鏡相擊搏。輕裘緩帶話平生。笑語春容藏偉略。廓然大度容千人。爽氣直與雲霄薄。我來客況本蕭然。一坐春風消寂寞。人生聚散亦何常。與公輕別歸故鄉。義重



恩高無報稱。清宵獨坐自難忘。從來知己不易得。迴思感慨紆中腸。黃冠自老亦已矣。有懷不遂空星霜。君不見淮陰一飯傳千古。馮讎挾策傾儕伍。又不見長孺揖客氣如雲。衛青枉作大將軍。丈夫投分非偶爾。此意悠悠向誰語。

首敘大將軍英略中末道情極繆綢款淡之致

田治古田棠邑人所著有嵐扉遺詩

### 蛺蝶花

蛺蝶多香慧。寢食與花俱。動久思翕寂。託命依

榛蕪。見者花如蝶。形分情豈殊。蝶似蛻為花。神幻理不誣。綽約秋檻姿。宛載滕王圖。栩栩青碧影。恍翼莊周趁。風鬚狂若舞。雲衣翮可呼。曉溼清露閒。雙飛倦欲扶。化身無定質。靈頑天所奴。物役結光惟。妙悟歸模糊。

### 秋夜不寐

披衣出門望。河影淡不濃。好夢來匪易。佳人見何從。前村後村月。東寺西寺鐘。詩思益清絕。繞堦語寒蟲。  
五六是不寐真景



詩集一  
謁太白先生祠

高擁先生坐古龕。維舟長揖面相譚。雄風直使  
太真役。狂態曾令天子堪。酒力注成千樹碧。詩  
魂飛作一江嵐。曉磯亦是青蓮色。衣肅蒼涼磬  
遠。揆。不。可。猶。人。真。空。作。者。

九日村居

重陽非雨卽多風。此日晴開望不窮。野閣孤騫  
秋水外。遠山位置夕陽中。古狂癡對黃花瘦。老  
衲閒參霜落紅。破帽無煩追咏眺。閉門殘醉數

歸鴻

梅花

幾灣枯樹寫晴沙。根傍奇巖榦亦斜。恥受雲霞  
已後色。朔開天地以前花。遙隣綽約仙媛籍。恍  
遇單寒處士家。莫羨成蹊桃李事。西窗冷落不  
堪嗟。

虞美人草

羣芳零亂綠苗新。十色離離獨有神。足慰重瞳  
千古氣。爭妍不入漢宮春。爲項王出色妙妙



附虞美人草

魏憲

垓下歌殘翠黛休。美人名逐草名留。隨風還作軍中舞。泣露猶含帳裏愁。楚水蕭條迷古廟。霸圖寂寞鎖荒丘。戚姬亦有千年恨。不見遺芳古墅頭。

梅清 淵公宣城人所著有稼園草

感懷

含愁上高閣。張我綠綺琴。一彈再三歎。當風揚其音。孤音隨風吹。直至天南濱。安知聽者誰。此

意終未伸。長跼裂其絃。雅奏勿復陳。三年置塵

壁無絃。忽自鳴。相思豈能達。棄置終難任。

天津行

四月四日春風殘。天津麗人心未安。五五十一聚成團。風飄密語聲。一攢羣招小艇遊。盤桓凌波競欲生。飛翰早潮奔。漭暮潮寬。波心絕不愁。風湍自是不解深。閨難無愁那得不為歡。中有少婦凭短闌。脈脈流盼生波瀾。鬢絲宛轉烏雲蟠。若有所思臨眉端。衆人被綺繡。伊素純。新晴欲



暖伊仍寒。娉婷不是羅衣。單照耀一簇花枝繁。  
行人誰不矜相看。誰解行人着意歎。

舟月

此際情何極。親人月滿舟。無波難辨木未冷。竟  
宜秋。猿嘯懷空谷。烏棲夢故樓。誰憐天外客。歌  
罷寄東流。

東嶽

古嶽巖崿插浩旻。東方千嶂盡稱臣。峰頭縹緲  
疑江練。海底沉浮貯日輪。遺狩到今仍載舜。封

碑猶在不知秦。平陽孫復真難侶。揮手蓮崖早

置身。

三四幻化爲峰爲江爲海爲日不可摸捉

東西門向星辰列。霄漢遊常汗漫逢。劈野只餘  
天一半。盤空却有路千重。蒼茫不散青齊氣。繚  
繞驚傳南楚峰。側首浮雲蔽秦觀。長安何處上  
三峰。

燕子磯

石翼何年水面浮。飛來獨立大江流。波沈臺榭  
三吳夢。烟鎖艤舫六代愁。隱峽笳聲驚過鴈。翻



言  
空。鼉影散。羣鷗。鍾山日落秋風急。野老何當獨倚樓。

武林重晤徐世臣

相逢各自淚縱橫。十八年中此日情。剩有鬚眉耐霜雪。更無舟楫問蓬瀛。空齋繡佛琴心冷。高枕丹書鶴夢輕。恠我驅馳向塵世。酒盃潦倒共愁傾。

五六寫世臣高潔

九華山

太古以前生氣足。石精化作蓮花開。磐根直壓滄江立。吐蕊爭叅碧漢迴。俯世誰能辭瘴癘。置身莫更泥蓬萊。梵王深處香雲滿。白晝諸天拱法臺。

三四新特且貼九華

久擬靈巖尋憩息。恠來鳥道得追攀。峰高應識雷霆鬪。山古能邀日月閒。兩眼懸將青嶂外。一心扶在白雲間。何當呼出王喬伴。雙鶴高飛任往還。

送春

關情今夜那能禁。着眼紛紛何處尋。人道東風



收拾盡最難收拾是春心

妙以留春作送春妙

陸 翻 件飛 吳郡人

題陳古白所奉髮繡大士

髮靈含佛性。入指現圓通。超想金針外。凝神水  
月中。花鬟吹海氣。珠縠動雲容。龕火時相對。維  
摩相久空。

送宋比玉還閩

多病憶榕鄉。携來海夢涼。硯離雖有淚。冊束竹  
啼霜。自念車云軹。深期葦再航。路無妃子驛。荔

熟宋家香 二詩俱新舊惜不多見

陳弘緒 士業 新建人所著有石莊集

舟中雜詩

子皮薦鄭相。鮑叔進夷吾。低徊千載間。知己詎  
可無。不見虞仲翔。青蠅迺為徒。人生寡契合。典  
鼎形影孤。五上明光殿。挾策返舊廬。息機良暇  
豫。晨炊安所儲。日暮空江寒。老僕伴殘書。

漁父倚灘爨。牧子抱犢眠。橫舟青葱林。對之久  
流連。我有芙蓉劍。騰光牛斗邊。時艱苦未試。去



種南山田。

一停棹之頃便留心民生羨漁牧之安閒愈惜劍光未試士業是何胸懷

少小好遊俠。糞土視黃金。結交布衣雉。焉知貴  
華簪。蹉跎三十年。筋皮疲虛名。炎寒紛世態。黑  
白變衆心。囊篋無復餘。睚眦遂相撻。諒哉陶公  
言。意氣能傾人。

丈夫應會有知己。世上悠悠何足論。先生何激烈乃爾。

高皇驅僞漢。茲地曾橫戈。回看豫章城。形勢何  
嗟峨。城上峙危譙。城下揚洪波。凌空侈甲第。連

雲盛笙歌。吳榜與越檣。日夕相經過。險阻不足  
恃。固國在人和。

撫今追昔人情乎末有探本之言非草草下筆

積翠浮烟雲。山川澹迴互。晨飈漾縠紋。柔艣驚  
鷗鷺。層巒俯長隄。微見採樵路。或有避秦人。遙  
隔桃花渡。冉冉勞征途。搔首空矜慕。

是舟中徘徊舉世無徒真景

李小封。冒雨過門。招之不至。

孤鶴戛然鳴。似識山前影。蓑笠來兀兀。緩屐見



幽靜好雨堪薄醉。倚樹苦延頸。却喜石泉添。歸  
煮寒崖笋。呼之掉臂去。隨雲上重嶺。

高士行徑令人景仰不盡

城中故居

廟社已如此。一塵何足營。入戶昏似夕。蛛絲遍  
縱橫。蔓草刺床瓣。古苔染頽楹。蝙蝠白晝飛。蟋  
蟀作隊鳴。日月亦云邁。乍至疑旅人。登堂抱木  
主。迺往無餘情。桑下聊夷猶。臥聽落木聲。

補寫荒涼光景至登堂抱主桑下夷猶真令人讀不得矣

劔江媒

驚詞起妙外

咄咄還咄咄。怪事古所無。縣官催錢糧。太馬遍

都圖。獰卒驅保甲。跨刀兼執殳。路逢力農者。束

縛儼獻俘。鶉衣既百結。倉廩豈復餘。清晨鈺鼓

震。縣官入其廬。嘯呼一何故。裁縫木工俱。錫匠

牙行屠。纍纍立繩樞。中有華巖婦。隸以官媒呼。

左鄰逃。亾盡筭。篋留敗襦。破屋尚可拆。盥器尚

可沾。指使衆匠作。各去貿通衢。右鄰寂無聲。惟

有牢筴猪。呼屠速操刀。揮霍筌蹄殊。茲廬既已



毀器具亦已。虛無豕無雞犬。又無笥篋儲哀哀。  
結髮身鬻汝。償夙逋。縣官大呵叱。鬻婦安用柴。  
諭使官媒前。急驅辭故夫。官賣價可昂。夫賣價  
不敷。可憐如花貌。數貫青銅祛。嬌兒猶索乳。血  
滿故夫祛。讀此而不歎息者非夫也。

賣書

我買又我賣。刻印還銷印。我賣不復買。墮甌甑。  
顧甌少年濡。我首歲月易。幾閨飢。使室人詈寒。  
使僕夫擯。或者告我云。書須遇時命。一卷二兩

卷坐執北斗柄。鼓吹喧華庭。輿馬趨列郡。紛黛

伺後寢。旗旄耀前徑。是宜縹緗藏。亦可琪璧敬。  
子書但助餒。子書不佐運。萬軸安有成。祇足增  
孤憤。與其飽鼠蠹。何如自濟賑。多謝或者云。瘳  
此生平病。我有一法存。借子為盟證。不似往日  
癡。不遺後日慍。驅我舊所略。留我新所靳。暫飽  
風蟬腹。琅琅倚短檠。讀至末段風韻依然

附 寄新建陳士業

魏憲

先生天下士。托契在義皇。軫念民物情。散見



有。文。章。不。材。掄。風。雅。匡。廬。鬱。相。望。尺。素。既。莫。來。欲。濟。復。無。梁。空。此。停。雲。心。悠。悠。江。水。長。

袁弘毅

若士

六合人所著有深柳堂遺詩

春日諸友雨集深柳堂

掃。室。寬。良。晤。獨。當。風。雨。過。莫。言。花。未。見。且。對。酒。如。何。檻。溼。空。香。至。莓。生。藉。綠。多。再。來。尋。處。所。坐。聽。好。鶯。歌。

燈下松影

晚。風。搖。燭。下。階。蕪。宛。見。懸。崖。掛。一。株。堅。瘦。不。須。

泉。上。寫。高。清。已。向。靜。中。圖。濤。聲。咫尺。疑。神。往。寒。影。蕭。疎。倩。月。扶。祇。恐。酒。闌。人。散。去。虬。龍。深。向。海。天。孤。

畢竟是燈下與月中水上不同是松影與梅魂柳魄不同詠物至此可稱絕構矣予曾敘若士遺詩欲為行世先此以見一斑云

彭孫通

駿孫

海鹽人所著有柏悅堂集

秦箏歌送顧翊南之鄜州同貽上作

君。不。聞。秦。箏。聲。最。苦。孤。鴈。流。哀。生。極。浦。擘。絃。促。柱。一。再。彈。隴。首。征。夫。淚。如。雨。關。河。迢。遞。山。川。道。



古時蒼茫秦樹老。萬里行人聽暮笳。五原賓從空秋草。故人擁傳向秦城。杜甫山堂月正明。曉參漸落箏聲歇。不見秦城見明月。

五十一司李竹亭

蓋竹成孤亭。蕭疎見高寄。泠泠風露深。日夕生寒吹。中有微吟人。披襟落空翠。

日暮

日暮望鄉國。山深雲萬重。宮鴉橫霽色。陵樹淨霜容。心逐南中鴈。書來海上烽。倦遊空向夕。吟

斷鳳城鐘

香奩詩和西樵貽上

少小風流絕世姿。芳踪頗解定情時。靈芸針刺雙飛鳥。錦水箋題十索詩。趙后身輕思倚袂。衛郎影好愛臨池。蛾眉從古工謠詠。君若相憐只自知。

瑤臺雖好祇單棲。雜糅蘼蘼綴壁泥。美疢難痊心自曉。宿醒初起黛猶低。人同楚峽來如夢。地是隋樓到欲迷。好掩椒園深下鎖。悲秋宋玉在



牆西

語多新艷

無題次貽上韻

西風雙槳帝城遊。憔悴茗華杜若洲。幽夢細尋  
 行雨路。新眉長結晚山愁。珠娘寂寞鮫人泪。簫  
 侶淒涼鳳女樓。小媛輕寒深院裏。懊儂情思是  
 三秋。

夢迴芳草碧迢迢。星渚依稀舊鵲橋。隄外垂楊  
 眠未起。花間戲蝶粉初消。重來畫閣聽春雨。相  
 送蘭舟逐暮潮。兩地心情憔悴老。徐娘顏色沈

耶腰

娟妙幽雅是其筆性

淮角樓

歲暮辭家作遠遊。長途霜霰滿征裘。那堪密雨  
 斜風裏。獨傍淮南古戍樓。

和松陵女子虎丘題壁詩

黃葉驚秋樹影微。天涯羈客苦思歸。松陵江上  
 青峰冷。夢逐行雲一片飛。

似王昌齡

閔派魯

伯宗

群符人所著有曹夕堂集

靈谷詩



山容吐晚秀。月色照空王。簪響人歸夜。風來荷  
通香。素琴聲似鶴。秋苑影兼霜。不待逢僧話。悠  
然已歇狂。

隱居

性僻耽幽勝。從人白眼看。蓬蒿擁仲蔚。歲月臥  
袁安。客至鳥聲亂。竹深盃影寒。羣鷗相習甚。來  
往水西灣。

閒適

雨中詠梅用拈翁韻

閒館月生靜。花開老友過。霧中看不定。雨後落

疑多酒力渾無賴。春愁可奈何。幾回銀燭照。爭  
自放高歌。

人比梅花瘦。幾分可想其靜致。

黃稚曾至自洮河

客從何處至。眉隱碧山峰。遯跡如孤鶴。忘情似  
古松。硯床人自適。蓬戶草長封。瘦骨貧能健。奇  
書讀幾重。

誰憐常寂寂。抱膝掩柴門。雲斂千峰碧。詩成一  
字尊。鳥聲侵客夢。日影上苔痕。世事難相訊。閒  
窗自討論。



何采 省齋 桐城人所著有讓村集

三十初度屏跡蘭若用韻

顧此小兒女。牽連繞吾膝。不聞阿母呼。豈尚記。生日。拭淚沾衣裳。含悽與棗栗。但願識。柘。椿。不。復計。巾。櫛。五岳詎難期。安得婚嫁畢。萬緒如絲。紛欲理。轉不一。吾生亦有涯。大半送歌泣。况乃六時中。頻使百端集。蒙吏何栩栩。魯叟何汲汲。懷抱將無同。棄取各自給。歲月忽以馳。修名苦不立。記得入洛

年。草草已三十。

料絲寶鼎燈歌

奕奕復奕奕。照見滿堂客。七襄緯出天孫機。五色煉同女媧石。鎔將香粳凝。綵液九華一枝黍。千粒君不見。老農停鋤望離畢。 大有關係

僻園

草堂傳盛事。不數讓東西。月裏秋無限。花前路欲迷。樂遊中岳近。招隱小山齊。自顧非逋客。清香許共携。 桂嶺



言  
一  
集  
瑶華宮裏植。移向辟疆園。雨際雲辭岫。春時雪滿村。高人閒共對。芳意淡常存。玉樹枝枝好。由來屬謝墩。  
玉蘭叢

茵萑隨時種。池塘任意營。盤中織舞動。鏡裏曉粧明。色借仙人掌。歌隣相府聲。因知清淨理。香氣入殘更。  
蕊香津

小帘花外拂。到卽倚繩床。莫遣愁爲府。應知醉是鄉。蘭生迎上巳。菊落就重陽。幸對公榮飲。長

年  
一  
集  
鷓鴣  
釀野

遂初雨中出訪郊寺  
枉詩見投和韻謝之

蕭蕭木落衆峰齊。別有年光在竹西。遙見孤筇尋舊雨。却叅半偈到幽棲。心情莫漫疑鷗渚。人物依稀似虎溪。秋葉拾將秋果熟。爲君燒芋更蒸梨。  
澹雅

清明出宿郊寺次杜韻

朝朝積雨起荒烟。竹外茅齋岸上船。多病忽驚三月節。乍晴難了萬山緣。花雖早落看猶惜。春欲遲歸意可憐。苦棟風吹鶯舌老。高榆火就客



詩持一集  
心然青畦曲折開蔬甲。碧草逶迤藉紙錢。寺裏  
打鐘僧問訊。虎溪到處是新年。

詩持一集卷之二終

詩持一集目錄

卷之三

戴明說 道默 十首

李 蔚 坦園 四首

宋 琬 荔裳 九首

胡國柱 擎天 十二首

許 虬 竹隱 六首

徐乾學 原一 六首

陸世楷 孝山 六首



鄭日奎 次公 六首

呂師濂 黍字 五首

許之漸 青嶼 四首

吳光 長庚 九首

趙承旭 旭野 五首

趙吉士 天羽 九首

黎際皞 何有 五首

計東 甫草 六首

許煥 堯文 五首

黃之翰 太宗 四首

馬駿 西樵 四首

王錫琯 玉叔 五首

申繼揆 維志 十三首

吳穎 見末 五首

魏麟徵 蒼石 六首

朱鶴齡 長孺 四首

陳維崧 其年 三首

陳萃 聚正 一首



陳寶鑰 綠厓 十首

程可則 周量 二首

蔡兆豐 雪餘 五首

詩持一集 卷之三

閩中魏 憲惟度評選

清河吳興祚伯成參閱

戴明說 道默 滄洲人

樵詞

澤峰媚。初日出。霧動。嵯峨。翩狀起。樵思。寄行向  
遠。蘿。睽。彼。繁。樹。枝。剪。取。未。云。多。汎。愛。懼。狗。物。所  
志。茂。大。柯。分。雲。尋。山。性。緩。步。無。曲。阿。雨。來。風。在  
林。烟。泉。震。寒。簑。此。地。無。人。事。可。以。為。詠。歌。



農詞

西照敞青原。林韻深。石榴籬下。指雲忙來去。山如舊。場秉恰冬。畚茅索。敦宵晝。耳目既寡。營無意。餘朴壽。閱世孰晴陰。感我皇天厚。

袁安故里

北風刷黃河。大雪空山鳴。所有高山骨。臥與山川撐。瑕疵捐內視。寂凝毛髮明。日月終亦老。峴岿安足驚。

別友有事遠剿

憂國鳴鞭急。悠朕捲友聲。交心真水淡。勉語待河清。道在天。應念山隣礪。可盟重言各。努力相報一生平。

二月友同醫至

焚香不礙睡。斂迹對熙春。猶有憐貧藥。來依善病人。心深通草木。命薄慎親隣。日上慵窺鏡。余顏可是真。  
詩真則忌俗。此獨清峭。

畫成傅掌雷太史以詩贈酬之

久欲休閒墨。聊將盪野魂。雲成隨氣動。水潔有



神。存。放。鶴。衝。河。照。潛。龍。定。海。痕。前。身。非。畫。史。敢  
與。朝。川。論。

春藹讀王梅和小司農九華詩悠朕有懷

卽事

情。深。雲。水。什。閉。目。是。潺。湲。移。得。山。當。戶。携。來。月。  
滿。關。魚。吹。林。絮。出。鳥。破。嶺。烟。還。解。駐。江。春。意。微。  
風。相。與。閒。

忽步

惜。花。忽。步。是。籬。頭。滿。眼。霜。英。破。晚。秋。痕。照。青。衫。

昨。夜。酒。吟。成。紅。葉。此。生。愁。潮。聲。夾。雨。燈。留。夢。海。  
氣。吞。林。月。入。樓。莫。使。雁。聲。來。獨。坐。山。光。隨。意。自。  
悠。悠。  
落想措詞俱非恒徑

尊存

屋。就。幸。依。青。嶂。好。家。貧。猶。有。綠。尊。存。雲。枯。海。燕。  
欺。潮。信。風。勁。江。豚。耗。水。痕。半。世。著。龜。天。損。益。千。  
秋。管。鮑。古。寒。溫。蓮。峰。自。昔。通。羣。帝。何。日。高。尋。扣。  
嶽。門。

擬閒



言持一集  
中宵夢到方醒後。何處人能未老閒。石枕竹簾  
通藥氣。鶯聲鹿跡隱花關。白雲記就歸司馬。綠  
水調成教小蠻。無限神僊不可見。空憐年鬢爲  
誰斑。

李 蔚 坦園 高陽人

感秋雜詠

砧

林聲非一感。砧杵亦年年。歎息鄰家子。低徊擣  
練篇。明河樓角注。暗露竹梢懸。欲待虛窻月。勞

君伴夜絃。

詠物詩全不棘手

晴

秋陰欲爲夕。少霽尚殘陽。曝篋承餘景。鈞簾識  
晚涼。遠霞留雁鶩。寒草慰牛羊。舊臆出家樂。幽  
期近滌場。

葉

撼撼不相宜。迢迢望故枝。憶君風雨夕。愁倍落  
花時。餘綠爭苔色。新黃與菊期。空階幸堪託。藥  
竈亦安辭。



螢

微光惜自隱。辛苦度疎簾。近扇風相借。當階月不嫌。莫因名熠燿。漫欲鬪輕纖。秋盡年年別。寒叢憶爾潛。

宋

堽

荔裳

萊陽人

剡溪道中作

昔人乘雪往。而我溯風行。萬壑穿雲轉。孤舟與石爭。魚遊寒水見。鷗立夕陽明。安道留遺宅。寥寥千載名。

榜人牽百丈。沿岸涉橫塘。波影疑爲月。山容曉作妝。寒花開杜若。飛瀑下篔簹。欲向天台去。尋源到石梁。

盪漿烟初破。迴橈雨未收。樵歸梅半斧。候暖麥將秋。雲氣藏山寺。江聲抱郡樓。客懷俱拓落。不但爲依劉。

三月上旬酷熱如暑。望後忽寒。雨雪不止。

河畔復冰臥。病感異賦呈吉士。

窮居漫解子雲嘲。乞得醫方手自抄。一雨人分



言持一  
今舊感三。春天似夏。秋交雪隨飛絮。霑鶯領冰。  
帶輕泥冷燕巢。已負桃花花欲笑。何時驅馬到  
西郊。三四約而盡

乙巳初春同仲昭斗涵鄴仙諸子看梅永  
興寺信步造訪陸元見卷阿隱居歡狀  
命酌是夜遂宿齋中賦詩俾諸子和兼  
訂再遊之約

久從甫里羨遺民。避地甘同虎豹隣。竹裏維舟  
朝出釣籬邊。劔筍夜留賓。一簾松影元堪臥。百  
樹梅花自不貧。已被馬蹄知野徑。看山莫厭往  
來頻。

高人應有栽花福。客子原因踏月來。明月欲出  
不肯出。梅花已開猶未開。戶庭雖朴能容榻。名  
姓纔通輒舉杯。閒逐邨童競簫鼓。呼兒更爲發  
新醅。

幽篁裊裊覆清渠。安道何年此卜居。棋局移來  
驚樾鳥。盤餐供罷減溪魚。尋僧老入蓮華徑。課  
子家傳耒耜書。鐘梵隔林清夢接。果肱高枕似



吾廬。

高話繩床列宿移。曉看雲氣繞茅茨。入山似爾  
真能勇。學道憐余願已遲。新曆且將迎燕至。後  
遊須及聽鶯時。浣花溪畔饒餘地。肯許求羊借  
一枝。

涂塘口曉發

舟過十六間。快如脫深井。篙師喜不眠。鳴榔夜  
相警。暉暉星欲稀。獵獵風初猛。登艫一長望。澄  
波浩千頃。樹杪見黃河。蛟龍得所騁。上下白雲

光凌亂。蘆花影宿鷺。浴還飛。驚鴻斷復整。孤棹  
破寒烟。荷衣不知冷。

胡國柱

擊天

關東人

玉照山房

羣玉拱山居。不假斧斤鑿。奇豈覓他山。自朕成  
丘壑。嵐光互吐吞。雲氣常相薄。恍近赤城邊。神  
秀堪錯落。坐來萬念清。靜裏塵囂却。漫道十二  
樓。堪同松風閣。不聞喧車馬。惟見舞蒼鶴。何意  
蓬萊峰。依朕在城郭。



題語石圖贈與朱漁公

從來不羈士。各自具奇癖。性有山水殊。好則無  
今昔。石丈南宮呼。木山老泉惜。吾友朱漁公。清  
心喜畫石。五嶽起筆端。千峰來咫尺。空靈風雨  
寒。曲折蒼苔碧。呼丈固名顛。假借猶拘迹。何如  
舉目間。磊落隨我適。

簾影

東壁臨晴日。湘簾近暮垂。空中光欲碎。座上影  
頻移。駒隙間相過。清暉偶一窺。隔烟看遠樹。鬢

鬢動花枝

三句有妙理

送宋天臺齋詔還長安

駢駢四牡騁。驂騑異國相逢動。客愁曉破棧雲  
穿鳥道。暮連峽水。繫扁舟。輕車擁節君歸去。旅  
舍殘燈我獨留。鄉夢茫茫何處是。空瞻劔履五  
雲頭。

新柳

柔風初動柳絲長。池畔霏霏色漸黃。帶雨新條  
爭杏萼。含烟秀致鬪花香。輕陰半拂危樓外。疎



影時移。畫閣傷物候。驚看人易老。無端送月到。  
藤床。

九日侍宴

金英爭放滿江濱。九日筵開酌酒頻。塞外秋光  
增皎潔。蠻中山勢更嶙峋。行幃落帽風應少。異  
域登高賦不貧。宴罷猶聞笙管沸。共拈佩筆頌  
王仁。

侍宴泛昆明池步九敘袁撫軍韻

畫舫從辰發。昆池擬快遊。曉風飄雉尾。殘月掛

城樓。霜落山容老。晴開水色幽。依稀來閨苑。顧  
盼近華洲。樂奏牙樯動。歌行錦纜收。旌旗搖遠  
碧。劔戟滿中流。雲影沉波底。天光接海浮。妖氛  
歸掃蕩。渠道早虔劉。凱唱方闌宴。檻車又獻囚。  
閭閻同有慶。宵旰應無憂。奇績誰堪共。神機孰  
與儔。鳥飛疑作舞。魚躍似忘愁。獻頌才偏盛。稱  
觴醉不休。夕陽傳返棹。簫鼓擁蘭舟。

中梁寺

早上中梁寺。晚臨漠水溪。回看登臨處。山半落



霞低

雪中桃花

不解餘寒在天桃依舊開分明花入雪獨少暗香來

古木寒鴉圖

不見村烟處惟聞古木鴉回峰藏小徑疑是有人家  
五絕近人不解先生有獨得處

趵突泉

清波穩處噴珠璣直上青雲映翠微彷彿寒梅

飄雪萼搖搖不定逐風飛

仙音洞

層巒積翠山疑合逕轉初聞鼓吹聲不道洞天

多異致恍如身世在蓬瀛

許虬

竹隱

長洲人

贈李侍御

三仕期年內埋輪御史風九重容白簡四海識青驄  
宦跡冰霜後臣心社稷中可憐吳父老流涕望山東



中秋漫興

金風來幾日。把酒復中秋。萬馬邊聲壯。千山木葉愁。月華沉北闕。鳳吹出南樓。客子登臨暮。長歌看剡綉。

虎丘觀雪

雪滿疑無路。山深忽有蹤。故携高士屐。來聽上方鐘。一夜生珠樹。諸天鬪玉龍。冷然塵世外。獨賞倚孤峰。

起處縹緲是看雪真景

旅雁

旅雁年年事。天邊跡跡沉。沙灘蘆月淺。霜磧塞雲深。白首陽關夢。青燈少婦心。從軍何日返。腸斷向南音。

不即不離旅雁絕唱

和宋荔裳觀察寓練川侯記原秬園韻

秬園仍澤畔。花竹翳清軒。長嘯呼新釀。含情問舊言。箕裘高士傳。俎豆大招魂。紫氣來何晚。蒼苔破屐痕。

市城聊物外。卜築四虛間。池冷龍堪臥。月明鶴獨還。車騎停竹徑。巾幘掩松關。倘有招尋客。相



期賦小山

徐乾學

原一

崑山人

隴山歌送天玉之官安道

隴山高高隴水流。隴西六月如清秋。蕭關朝那  
近北地。酒泉張掖連涼州。諸葛戰爭餘故壘。隗  
囂宮殿成荒丘。繡衣按部求名馬。都護行營耀  
錦裘。數聲羌笛落梅怨。一曲秦箏邊月愁。許侯  
分符萬里去。曉發清門擁騶御。虞詡成名律此  
時。王尊叱馭看前路。京華故人折楊柳。欲行不

行日漸暮。我歌爲作隴山詞。目極輪臺鳥飛處。

桃源

行過黃河古木稀。朝朝霜色上征衣。桃源城似  
荒村寂。驛岸帆如亂馬飛。雁叫遙天寒雨斂。馬  
嘶空棧夕陽微。遺黎猶道徵求亟。早晚征南鐵  
騎歸。

結有關係感慨不獨在一邑也

獻縣商家林哭同年黃愛九

寂寞金塘蕙草枯。故交三徑滿榛蕪。可憐風雨  
淒蒿里。却憶鶯花別帝都。橋似斷虹縈亂渚。門



言持一集  
多衰柳向通衢。那堪倦客遊京洛。更過黃公舊酒壚。

贈李研齋太史

十載江河穩釣磯。跨鞍絕塞欲誰依。草荒白帝家何在。瓜熟青門事已非。著作千秋身未老。悲歌萬里客將歸。并州風勁霜如雪。送爾離亭淚滿衣。  
三四確是研齋知己

廣州雜興

破冢荒烟春草萋。相傳此地葬嬰齊。珠襦玉匣

辭黃土。唯有年年越鳥啼。

分明隋苑玉鈎斜。零落金鈿惜內家。欲問離宮

何處是。年年長發素馨花。

陸世楷

孝山 平湖人所著有嶺外初集

彈子磯

滇水東北來。其源僅涓澮。南流會三瀧。勢乃漸  
湧沛。奔騰赴海王。千里無縈帶。翻狀見迴龍。障  
瀾功亦大。茲山具神力。一卷砥湍瀨。翠屏削千  
尋。暮色何幽靄。上若垂珠纓。下若編綺貝。斧鑿



豈人工。石斷盡陶汰。淵。渟。水。無。聲。嵌。空。谷。有。籟。  
泛。舟。傍。陰。崖。渺。與。風。雨。會。仰。睇。窮。青。冥。浩。歌。出。  
雲外。

珠江午日歌

庚子之歲夏五月。我來正值天中節。晴江十里  
曉烟收。微風明浪光。圓折切蒲。裹黍逐嬉遊。彩  
鷁飛。鳧湧碧流。榴花照席珠。還吐荔子。堆筵玉  
正浮。霹靂一聲吼。鼉鼓千人萬人聚。江滸銀。哪  
開時水馬騰。錦標動處。雕龍舞。蠻部諸兒結束

新。吉。花。簪。帽。腰。紅。巾。就。中。擊。奏。能。按。節。拍。歌。踏。  
浪。如。飛。輪。衝。波。急。棹。鼓。將。闕。鼓。聲。人。聲。何。闐。噓。  
須。臾。鼓。罷。棹。亦。迴。曼。聲。忽。起。歸。雲。過。仙。城。少。年  
意。氣。豪。玉。簫。金。管。恣。遊。遨。蔗。漿。爲。醴。虬。作。脯。與。  
酣。直。欲。凌。飛。濤。船。頭。張。錦。旗。船。尾。圍。繡。絹。繒。檻。  
樓。亭。巧。製。成。輕。橈。柔。槳。隨。波。轉。隨。波。傍。岸。入。前。  
溪。綺。戶。珠。簾。望。欲。迷。桃。花。照。水。亭。亭。倩。燕。語。臨。  
風。故。故。低。溪。上。鸚。花。最。繚。繞。綠。陰。未。老。梅。還。小。  
隣。舟。三。五。正。盈。盈。素。馨。滿。髻。香。風。嫋。香。氣。吹。來



言一集  
晚袂涼。哀絲急管亂人腸。不知越水同吳水。翻  
覺他鄉勝故鄉。是時嶺表方全定。東西二府侈  
華競。尚父功成歌舞多。西平年少威名盛。海島  
諸夷重譯通。五都三市咸殷克。王家步障千尋  
紫。石氏珊瑚四尺紅。每逢令節開嘉宴。甘瓜朱  
李冰盤薦。避暑初傳河朔杯。競舟兼習昆明戰。  
妙選新聲自廣陵。梨園小部仿秦青。已聽歌鐘  
傳內府。更聞鼓瑟接江亭。內府歌鐘日。酺噱江  
亭亦自娛。觴酌習棹迎神處。處處同閭閻。似此果

和樂。雄師移鎮越王山。百萬輜裝轉徙艱。樓船  
自駐甘棠港。珠舶誰來黃木灣。從此東南民力  
竭。萬井笙歌半銷歇。麋鹿朝銜苑裏花。杜鵑夜  
叫橋邊月。昨歲來羊城。画舫猶晨星。今丞遊珠  
海。滿目徒烽壘。鱗魚可煮梅可羹。自邀親串醉  
杯觥。清波泛泛逐鷗鷺。孤舟盡日無逢迎。棹舟  
更入前溪去。竹扉晝掩人何處。塚畔開殘雨後  
花。堤頭落盡風中絮。惆悵歸來落日催。酒酣携  
手上高臺。高臺向晚轉蕭瑟。海天一望橫氛埃。



老兵從旁為予說。去秋此地曾流血。中宵風火  
 逼江城。巨艦連檣盡灰滅。海濱民物本晏然。於  
 今蕩析無人煙。長鯨曳尾不受餌。網魚感感誰  
 為隣。盧餘嘯黨揭竿起。詔旨三遷仍不已。橫海  
 將軍阿未還。射潮壯士身先死。我聞聖德昭海  
 隅。一夫不獲猶咨吁。吞舟雖大力可制。闢國何  
 乃無良圖。廟堂勝算豈易測。但對佳辰心愴惻。  
 人生何必閱滄桑。五年變態曾無極。鶴去西山  
 雲影稠。菖蒲澗低碧悠悠。穗城佳氣有時聚。再

見龍圖出大州。

從極盛處說到淒涼為國為民始終如見

泊英德

江上蕭蕭夜。孤舟有戒心。宿雲連雉暗。驚浪逐  
 鷗沈。不寐聽殘柝。終宵倚素琴。愁看三峽近。明  
 發正高深。

同融谷宿雞籠灘

泛泛身如葉。輕舟信處安。豈知今夜月。得與故  
 人看。明滅沙中火。高低雨後灘。深閨空有夢。不  
 識到江干。  
交情閨思藹狀紙上



言才一集  
六  
午日遊海珠寺和壁間韻

玉簫金管任遨遊。乘興還登海上洲。遠客偶來  
張樂地。故鄉曾有弄珠樓。佛廊翠碧當年遶。戍  
壘雲煙此日浮。可惜鏡臺明月好。淒涼竟夕析  
聲秋。

送孫鳳儀郡丞赴補

綠波芳草正春風。極目僊舟去遠空。白鷺棠  
懷召父。新傳啓事屬山公。風塵劔佩他年聚。寂  
寞琴樽此夕同。烟樹幾重連北闕。思君應在五

雲中

鄭日奎

次公 貴溪人

讀少陵集

三百已遠王迹熄。詩事大成誰爲集。天恐風雅  
遽中微。特生杜陵老布衣。真宰含悲洩太古。元  
氣茫茫恣所取。盪除塵翳斬荆榛。爲經爲騷復  
爲史。河山日月本平平。一觸此老奇趣生。心計  
驅使從毫變。淋漓墨汁皆崢嶸。饑貧百折氣不  
沮。猶託微詞存國是。忠愛居朕三百遺。豈特宗



風。紹。迺。祖。古。今。作。者。代。不。同。都。來。涵。孕。神。明。中。  
一。語。縱。橫。散。屢。足。得。其。爪。距。皆。稱。雄。嘆。我。研。尋。  
猶。未。得。蟲。魚。瑣。瑣。粉。空。積。擬。焚。灰。燼。副。以。膏。頻。  
飲。令。吾。腸。胃。易。未。處。結。想。甚。奇。

讀青蓮集

青。蓮。詩。負。一。代。豪。橫。掃。六。宇。無。前。矛。英。雄。心。魄。  
神。仙。骨。溟。渤。爲。濶。天。爲。高。興。酣。染。翰。恣。狂。逸。獨。  
任。天。機。摧。格。律。筆。峰。縹。緲。生。雲。烟。墨。騎。縱。橫。飛。  
霹。靂。有。如。懷。素。作。草。書。崩。騰。歷。亂。龍。蛇。撼。更。如。  
公。孫。舞。劍。器。渾。脫。瀏。離。雷。電。避。冥。心。一。往。搜。微。  
茫。乾。端。坤。倪。失。伏。藏。佛。子。嵌。空。鬼。母。泣。千。秋。詞。  
客。孰。雁。行。我。讀。君。詩。起。我。意。飄。狀。如。有。凌。雲。思。  
便。欲。麾。手。謝。塵。緣。相。從。飲。酒。學。仙。去。

讀長吉詩

客。言。東。海。有。海。市。靈。奇。怪。譎。不。可。窮。每。際。春。夏。  
陰。雨。斂。水。面。忽。起。高。城。墉。參。差。雉。堞。隱。隱。露。中。  
有。樓。臺。千。萬。重。仰。凌。太。虛。俯。無。極。飛。鼙。複。道。雕。  
玲。瓏。高。下。曲。折。不。可。紀。千。靈。百。怪。棲。爲。宮。車。馬。



出沒空明際。蜺旌翠旗相映紅。壯哉細看看。未  
定靈變倏忽態不同。或爲小榭臨幽澗。或爲古  
刹懸危峰。或爲長橋橫臥波。或爲孤塔高撐空。  
天者喬者飛走者。縱橫歷亂何憧憧。僧坐將落  
未。落石鬼掣欲收不收虹。兩丸跳擲魚龍劇。天  
地黯淡收雷風。直從窅冥開活畫。荆浩關同那  
得通。環巧不畏造物忌。汗流真宰僵鬼工。俄頃  
萬象隱無跡。洗海天青濛濛光怪悉。歸有無  
際智者莫測誰。始終我聞客言覺有異。耳目森  
爽神爲聰。菁華恐竭天帝寶。何當褰裳一往從。  
昨宵檢書滿奇典。無端靈幻羅心胷。告客蜃樓  
不在遠。余已遇之長吉歌詩中。

徐文長詩

唐詩奇者首長吉。異響峻嶒破空出。才寧作鬼  
仙。千載名流恂朕失。山陰狂士遠能擬。不肯一  
字不奇詭。怪光樸筆筆難馴。蛟螭驚吼雷雨起。  
有如穆天子遊騁。駮雲馭霧飛電影。東躡蓬島  
西瑤池。指顧八荒失窈冥。又如女媧氏鍊石雷



伯風姨各努力。煅成五彩填。虛空餘礫猶能化。  
金錫有明詩事已。因陳如此卓爍誰其倫。眼光  
不能匿奇士。賞音何必中郎氏。我欲手抄三百  
章。呼付雪兒記莫忘。夜堂銀燭光搖席。為歌一  
章浮一白。

### 竟陵詩

詩境本靈曠。性情為之原。所以古作者言無枝  
葉繁。竟陵探其要。孤遙成幽尊。遂令楮墨間。如  
有真氣存。低頭恣檢閱。舉頭見明月。寒光一片

秋知從何處發

以上諸作純是一片精神相  
為映發

### 鷺湖山

一徑踏來幽意增。山嵐迎客快攀登。宛逢好友  
嗟遲莫。似讀奇書得未曾。溪流落花仍片片。雲  
封古寺一層層。去留此際渾嘗事。相較余深媿  
老僧。

呂師濂

黍字

山陰人

### 夏日臨漪草堂有詠

林臯晝靜翠襟啼。宛轉朱欄去欲迷。隔岸蕉陰



晴滴露沿橋花亂踏成泥賞心玉腕偏難醉射  
水銀蟾不易低碧簟沈沈全却著看山還約上  
丹梯

逼水高臺欲倚天振衣極望思悠然城頭山色  
烟輕抹樹杪浮圖月並懸北指殘紅留苑壁低  
看新綠潤書毡秋來聞說栽松竹卽得携琴枕  
石眠

楊用潛自滇如京擬還餘姚

昆明池浸藕花涼去馬頻嘶欲斷腸京國昔年

遊俠過夢魂還殢綺羅香扁舟若掛黃河席滿  
眼歸看紫柏霜定有吾宗問消息阿蒙學業更  
荒唐

滇南送春辭

五華寺上散斜暉怕向江頭看翠微多事莫如  
雙燕子還銜春色故宮飛

冷妙

山郭雲樓枕碧雞銅駝蒿莢與人齊此時杜宇  
愁雖切白晝何曾敢浪啼

許之漸 青嶼 武進人



言打一集  
出長寧驛乘桴渡黃河感夢而作

渡處去積石十里

許里

擬向葱山溯合流。禹功首造奠方州。歸雲氣湧。千峰動。驅石靈。開萬壑。愁槎影。浪分天上座。雁聲風入塞垣秋。白沙黃草今驚見。二十年前夢裏遊。

按部湟中賞諭諸番畢示官吏

霜戈日麗耀龍沙。弭節臨營靜不譁。贊普懷音。胥海國。樓蘭回。而向天家。為勤遠策。尊居正敢。

負危冠。有觸邪。旅貢自來重。九譯尋源何事賈。星槎。

長雲黯黯接祈連。毳帳尾羅直野烟。偃革承風。皆雨露。停車聚米盡山川。氣清瀚海。蘼蕪滿。恩遍流沙。駉駉還無外。只今歌怙。冒懷柔。行著止。戈篇。

過回中西王母宮 涇州郭外一里許

咫尺涇原物外遊。東溟清淺見方州。歌傳黃竹。千山暮。秘受玄霜。七夕秋。細草葳蕤。侵過輦。靈



言持一集  
三  
芸冥冥厭疑旒。柏間無復來青鳥。二水沿洄自合流。

吳光 長庚 歸安人所著有使交集

榕樹歌

橫江三月炎霧愁。高榕迴立枝撐幽。虧蔽白日不得下。志變天地行清秋。蒼皮剝落苔蘚濕。柯葉扶疎半空黑。聲拔浩洶波濤翻。氣昏靄靄雷雨入。相傳此樹二百年。烈風盡日鳴高巔。上遊虺蝮朽株據。下啄螻螳根穴穿。羃蔓罨藤莫爲

顧。山鬼啾啾巖竹暮。徘徊佇立逋客悲。蕭撼哀吟羈魂訴。千尋巨圍埋翳蒼。吁嗟棄捐江嶠外。慘澹如覩精靈泣。礪砢空蟠后土。大榕也偃蹇荒山涯。落落樗散全槎枒。未蒙威垂鸞鳳集。且辭剪伐斤斧加。君不見徂徠之松嶧。陽桐摧折中路徒歎嗟。  
寫出榕樹離奇處不可名狀

藤縣江中石

藤江山石森嶮嶮。排列霜鏗稜齒齒。江流直下勢驅石。石撼江聲驚急駛。峰嶼林立江中央。歷



言一集  
三  
芸冥冥厭凝旒。柏間無復來青鳥。二水沿洄自合流。

吳光 長庚 歸安人所著有使交集

### 榕樹歌

橫江三月炎霧愁。高榕迴立枝撐幽。虧蔽白日不得下。志變天地行清秋。蒼皮剝落苔蘚濕。柯葉扶疎半空黑。聲拔浩洶波濤翻。氣昏霑霽雷雨入。相傳此樹二百年。烈風盡日鳴高巔。上遊虺蝮朽株據。下啄螻螳根穴穿。羃蔓罨藤莫爲

顧。山鬼啾啾巖竹暮。徘徊佇立逋客悲。蕭撼哀吟羈魂訴。千尋巨圍埋翳蒼。吁嗟棄捐江嶠外。慘澹如覩精靈泣。礪砢空蟠后土大。榕也偃蹇荒山涯。落落樗散全槎枒。未蒙威垂鸞鳳集。且辭剪伐斤斧加。君不見徂徠之松嶧。陽桐摧折中路徒歎嗟。  
寫出榕樹離奇處不可名狀

### 藤縣江中石

藤江山石森嶮岨。排列霜鏗稜齒齒。江流直下勢驅石。石撼江聲驚急駛。峰嶼林立江中央。歷



言一集  
落嶽峯皆特起。復如小山盤沼供。巧匠位置有  
思。理鯨魚。掣吞鼉鼉。臥猛獸。突攫熊兕。倚長年  
捩。挖如有神。萬里奔騰不可止。君不見岷峨長  
江天上來。蛟螭奮鬣山爲摧。秦時蜀守鑿離堆。  
犀牛紀功何壯哉。此石萬古誰爲開。蕩割坤軸  
波濤。歷白日空江。喧怒雷。

獨秀山

秀拔羣山外。嵯峨體勢尊。嵌空剗地脉。舊峭逼  
天門。樓閣輕烟淡。藤蘿白日昏。虛嵐朝夕望。清

興坐飛翻。

奉使安南出都別館中諸年丈

天書朝捧鳳凰城。把袂題詩壯我行。敢擬張騫  
通博望。寧如嚴助出承明。戍樓煙合津帆遠。嶺  
嶂雲連驛樹平。去到衡陽無過雁。遙思京國共  
含情。

幾載過從鄴下才。將離折柳獨徘徊。掖門花底  
長聯珮。燕市風前數舉杯。一統自依朱鳥外。諸  
蠻期擁白狼來。天南夜倚三辰望。賸有文星接



上台

沙外千家靜夕暉。津邊風起過帆稀。天清雷雨  
奔濤壯。日落星河湧浪微。孤岸似隨浮棹動。雙  
鷗遙指背人飛。權歌明月洪波裏。何處滄洲問  
釣磯。

八公山

八公遺跡有仙山。嶺色崢嶸自躋攀。盡日白雲  
行樹杪。千年丹井出人間。空天月靜聞雞唱。絕  
頂秋清見鶴還。長擬携筇煙霧裏。獨尋芝朮駐

蒼顏

黃鶴樓

黃鶴登臨思壯哉。樓前往跡重徘徊。青山江上  
無今古。玉笛人間有去來。睥睨遠分寒霧色。帆  
檣低指暮雲開。層欄更倚尋題句。極浦蕭條急  
雨催。

晴川樓

萬古山樓對黃鶴。一聲楚塞吟清秋。星河平向  
牕中出。江漢低迴檻外流。深窟鼃鼃時隱見。盤



言一集  
五  
渦鷗鷺靜沈浮。彌衡李白今何處。日暮空悲芳  
草洲。

趙承旭

旭野

錢塘人

宿洞庭

日暮征帆歇。孤舟雜雁羣。湖平洲水盡。雲斷楚  
天分。江露生荒戍。漁燈映夕曛。朦朧今夜月。疊  
浪捲波紋。

鐵索橋

壁立峰峰湧。龍從儼画工。臨江山欲斷。隔岸霧

偏濛。落照迎征轡。澄波漾碧空。南天何處是。一  
徑百蠻通。

中秋同呂黍字許爛石聚飲山村是夜無

月

山館清樽共唱酬。欲携明鏡挂滄洲。空傳玉笛  
鳴天上。誰使冰輪隱戍樓。紫霧重遮新雁影。白  
雲深鎖故園愁。且將逸興酬佳節。莫負嫦娥此  
夜秋。

送友人還江南

卷之三

枕江堂



羨今客路已登程。正直春宵動遠征。同在天涯君去早。何時方見石頭城。

中秋夜半待月感懷

淡月斜穿素影低。一簾秋露積花堤。相逢未幾難為別。來歲今宵候玉溪。

趙吉士

天羽

錢塘人所著有恒夫詩草

南王湖

湖光四望平。雲嵐連遠岫。岸柳淡於烟。無山亦自秀。急湍飛作雨。怒濤如雷吼。一水南北分。朝

夕不停溜。胡朕流不窮。黃河在其右。澤藪化為田。無人耕與耨。我行甫浦上。惟見青草茂。村落自蕭蕭。古戍誰相守。長林樹聲悲。荒郊泣野狖。欲歸尚逡巡。西風冷衣袖。

自南陵至新嶺凡三日余坐兜輿采臣策

羸馬山川所歷是處成勝漫賦紀事時

己亥冬陽月也

竹柏參差出短垣。籃輿次第渡烟村。亂雲處處迷樵路。荒草叢叢閉墓門。小子三年疎菽水。野



人一飯具雞豚。新經殘破無遺物。剩有溪流浸石根。

點點烟橫接大荒。短簑牛背笛聲長。隔林溪響千山雨。近墅梅開十畝霜。何處高原封馬鬣。幾人岐路泣羊腸。行逢故友遊譙郡。爲道當年舊酒狂。

山。峰。逐。馬。隔。溪。奔。斷。續。禽。聲。靜。客。魂。夾。路。松。杉。閒。回。障。避。人。雞。犬。入。花。源。水。痕。漸。減。魚。梁。落。雲。氣。平。吞。雪。浪。昏。聞。道。萑。苻。今。已。戢。行。人。猶。自。束。

秦鞞

鄉關漸近不勝情。愁思還因家累生。夢趁寒鐘來舊榻。泉經夜雨換新聲。五更燈火催人去。十里霜華伴客行。曉發頻遷村店路。一灣烟樹小橋橫。

三四是中唐妙句

題汪彥升女俠圖

不是吳宮教戰時。風流步伐亦堪師。願携劔氣從軍去。斬盡當年薄倖兒。

客有過西子湖者作十無詩撫今追昔感



慨係之踵和不一家余偶狀次及

亭

放眼西湖不可論。已無亭榭坐開尊。原非送別傷心處。何事勞勞斷客魂。

梅

天寒鶴影帶煙霞。冷落孤山處士家。樓外有人三弄笛。只餘清夢到梅花。

媛

窈窕春風集翠裾。烟波渺渺正愁余。浣花溪上

風流靜不見當年舊校書。

黎際皞

何有 乾州人

初秋泛舟南湖包公錫太守分韻

不盡湖山興。疎狂襟帶收。霞明千浪曉。露白二江秋。合劍移星漢。乘槎失斗牛。登臨諸子賦。空際結重樓。

飲李瑞公莊看瓶中梅花

一灣流水抱孤村。荆作籬垣石作門。出岫晴嵐如碧落。到牕明月正黃昏。疎豪不減狂奴故。風



詩林一集  
雅方知古道尊。遙憶江南天際外。梅花何處返春溫。

客中醉歌

斗酒無須羨李白。有客亦醉長安陌。不從醉裏賦離騷。擊劍酣歌天地窄。狂來潦倒入平康。斜日停車臥綠楊。胭脂處處飛紅雨。髣髴當時秦女妝。欲聽琴聲碧窓裏。問誰云是金陵子。

秋日偶吟

園林雨過暑初清。閒折秋葵帶露烹。自笑黃堂

生事拙。月明琴靜鶴無聲。

閒看雁字過疎櫺。葉落梧桐月滿庭。莫道臣門真似水。蒼苔雨過早青青。

計東

甫草 吳江人

過滄溟先生墓作寄嵇爾遐明府

嵇時謫 歷城丞

怪石嵯峨若相觸。黑豕紛紛下來牧。中有大字滿碑題。下馬摩娑幾迴讀。云是滄溟古墓道。一片黃塵蔽春草。揮鞭爲驅羣豕開。我愛先生意氣好。文人自古相輕薄。七子論交俱不惡。同時



詩集  
逸興凌九烟。身後高吟留五嶽。我今羈旅嘆無  
朋。欲與嵇生話蕭索。嵇生磊落真吾徒。長篇汗  
漫歌嗚嗚。微官大隱歷城下。不愧虬髯一丈夫。  
白楊  
三月交河畔。森森見白楊。悲風搖曉日。倒影泣  
斜陽。似柳難爲折。非花不受香。齋前如可植。我  
意欲千章。

秋興

憑欄日日望新秋。秋至炎威尚未休。侶側一身

迷。去住艱難雙屐屐。結窮愁。瓜田屢報東陵熟。菰  
米頻看北苑浮。見說侯嬴方伏軾。心隨飛鳥到

廬州。

遲遲殘暑復旬餘。力疾慙登油壁車。千古葵丘  
誇劍佩。一鞭秋色渡河渠。茫茫不解征人恨。落  
落難安窮巷居。何日俸錢營負郭。斑衣觀穫愛  
吾廬。

兩河輪輓下飛符。憲府乘秋指汴都。攬轡看山  
仍拄頰。從遊稽古只披圖。天清野滌收秔稻。日



言持一集  
落沙深。叫蟪蛄。夜靜洪流聲。轉急同行畏。虎劍相呼。

鄴城弔謝茂秦山人

鄴中懷古正秋風。詞賦深慙謝氏工。生欲移家辭白雪。歿隨疑塚對青楓。諸王禮數何常絕。七子交期竟不終。自是貴游多薄倖。布衣未必歎飄蓬。  
是茂秦知已

許煥

堯文

太倉人所著有鴻雲園詩集

仲夏入青原山

炎風拂蒼雲。駕輶指山麓。長松響深蹊。幽涼鳴峭谷。維時夏林清。扶筇敞心目。夕陽照錦湓。晴霞映秀竹。初陟待月橋。奔流泛叢綠。近澗巉石拳。遠山羣繡簇。再登疑翠亭。屏嵐爛層曲。或疑靈鷲峰。移來巖際宿。中有丹桂芳。金粟瑩如玉。臨嶠攬崇蘭。靈雨驟飛瀑。徑轉倚寒潭。干霄植灌木。舍南水碓聲。溪光靜如沐。到此身世忘。嵐煙自迴洑。空山一笠寒。投老入茅屋。

玉山舟次



危灘急漿喧。停楫雲山曉。聖濶漁火殘。沙迴孤峰小。天高寒露清。空翠浮樹杪。石繡苔自文。徑轉波仍繞。余亦倦遊人。紅葉時吟少。抗手挹煙嵐。僻性耽魚鳥。夕霽映林深。列嶂皆可了。颯颯御風行。愴怳心神峭。

鐘山

秣陵佳麗鬱嵯峨。王氣銷沉白石坡。疊巘千雲笳吹遠。層城倒景戍烟多。春來椒薦銅駝泣。雨後樵耕鐵笛歌。惆悵松杉馳道改。空傳園寢散

鳴珂。

臺城

繞郭青山廢壘斜。當年形勝帝圖誇。針樓簫鼓空流水。簾幕胭脂散綺霞。楊柳烟籠江總宅。野棠花瘦莫愁家。故園邸第巡遊少。瓦落垣牆噪暮鴉。

玄武湖

澄湖如掌接巒波。勢入鍾山轉透迤。浪激淺灘鷗未宿。月明寒夜笛孤吹。臨春閣畔秋波湧。帝



言打一集  
子橋邊烟艇移。爲問當年圖籍在。沈寥空悵影  
迷離。

黃之翰 大宗 山陽人所著有止園集

雨後書懷

山牆梅子熟。高閣雨晴時。水淺含峯影。窗虛冷  
竹枝。披襟頻散帙。洗硯得臨池。畏客幽棲慣。臨  
軒動遠思。

張大雲子歸自東浙喜過止園坐月有作

向晚微風起。兼之月倍明。湖山淹夜話。風雅得

君情。畱酌侵花露。方秋辨樹聲。東溪來往處。曾  
似六橋行。

對雨

絕頂烟霞秀色多。環山空翠覆藤蘿。小橋花落  
春風盡。畫閣簾開燕子過。三徑陰雲迷岸柳。一  
泓新水漾池荷。暫從茅屋觀書罷。常羨東湖着  
短蓑。

止園席上再限韻送虞山

柳外離樽倒綠溪。送君愁聽水禽啼。烟花兩岸



春如洗。誰把風琴晚更攜。

馬駿

西樵山陽人所著有聽山堂集

喜楊鄂州使君回信至

樓船恰可當樓居。蝸舍衝波沒有餘。念我漫湖浮草樹。勞君着意繫琴書。哀鳴中澤嗟鴻雁。消息秋江問鯉魚。醉後相思醒後笑。空園枯臥馬相如。

庚戌八月望日鞠存張吏部東溪獨坐雜

詠掃徑憶雲子西湖漫去

半秋落草濕階生。鶴踏方殘着我行。水去湖平園改色。花枯石墜竹猶聲。閒敲八詠風樓靜。夢遶孤航月岸清。盡夕思君緣底事。當年今夜最關情。

秋晨移棹

柔櫓輕鷗去住同。碧天吹起鯉魚風。誰來半頃清涼地。放眼尋秋野寺東。

紅花埠

小埠春風逐客行。山邊楊柳雨初晴。幾番回首



京華望。曾否芳菲九陌生。

王錫珩 玉叔 永嘉人

登甘露寺玩江樓

大江流不極。廻帶有金焦。足練連吳會。寒砧入  
廣潮。雲歸村樹暗。月上海天遙。咫尺通霄漢。何  
人教弄簫。

過于園

泊舟隱瓜步。偶爾訪名園。覆檻花嘗笑。當軒石  
欲言。深情窮麗構。遊目散春原。念爾先人澤。能

無歎負恩。花石一聯別有領畧

重遊陽湖

愁來長日愛山行。重到陽湖百感生。水漾寒流  
猶樹影。林昏落葉自松聲。山中且躡康公屐。石  
上還聞子晉笙。俯仰便成今昔恨。獨教明月落  
前楹。

望湖亭

鷄鳴山上望湖光。耿耿湖光入望長。梁帝不歸  
城欲沒。誌公如在塔生涼。遠山蘸水魚紋亂。深



岸平沙鷺影翔為問蒼生存幾許版圖鱗集正  
堪傷一登臨間便已留心民物胸中眼中所  
關甚大

夜過虔州

夜度虔南第一關心驚帆律去途艱中峯影暗  
天疑樹分水寒飛礮是山封火遙催歸騎疾柴  
門半掩暮烟閉明朝得到孤臺上粵嶺章川詩  
卷間

申繼揆維志 勅巷吳縣人

芙蓉江

江以芙蓉名一望烟瀰瀰徒令往來人搔首頻  
延佇一來往芙蓉江相思每晨夕豈是為秋深  
零落不堪摘二正想芙蓉花遙聞呼阿姊顏色  
却如何芙蓉新出水三不見芙蓉花但見江上  
水江水自東流芙蓉為誰歎

廬墓志感有引

墓田丙舍榜曰吾廬先君子命不肖讀  
書其中已二十餘年矣挑燈夜坐不勝  
悲感漫成二律



讀書曾此地。幽思托烟蘿。彈指廿年後。傷心百感多。烽烟驚未定。霜露悵如何。依舊篝燈坐。今宵廢蓼莪。

閒庭方悄悄。木葉又辭柯。夢易因風覺。愁難對酒歌。一燈光黯澹。四壁影婆娑。往事堪追憶。書聲繞礪阿。

雨窓

山堂烟雨夜。風木轉蕭蕭。展卷悲遺蹟。挑燈咏大招。寒依愁緒結。淚滴漏聲遙。最是傷心處。孤

鴻度沈寥。

晚度謝宴嶺

不識前邨路。逢人問所之。樵溪無徑入。磴仄有筇支。鳥倦投林急。僧閒啟戶遲。何時重蠟屐。莫負聽鶯時。

句句是晚度真景所以當家

同熊紫珍憲副探梅玄墓有懷孟登內兄

漸見春光上柳絲。梅花應訝客來遲。因貪最勝疲雙屐。但選方開折一枝。隨路香光侵笑語。入林冰雪映鬚眉。夜深月照懷人夢。疑是窗前忽



到時。一片神行可十日靜對。

病中憶先恭人

多病迴思少小時。殷勤空負北堂慈。手調藥餌心先苦。身試寒暄候自知。不以晏安遺鳩毒。時於行住寓箴規。只今徒灑終天淚。孱弱誰為更護持。  
第六句見賢母慈教

暮春遊瞿稼軒先生東臯

百畝為園水國中。畫橋宛轉綠楊通。西山過雨添朝翠。南浦飛花綴晚紅。麥隴乍翻三月浪。松

窗頻灑一天風。層層樓閣丹霞上。知是蓬萊第幾宮。

咏並蒂蓮

山池秋晚淨無苔。冉冉芙蓉忽並開。秦虢雙姨連袂度。瀟湘二女弄珠來。臨風蛺蝶交相妬。照水鴛鴦暗自猜。玉井浪傳花十丈。輸他清影對徘徊。

卜寓太平門

路接長堤木落時。其門如水白鷗知。官無私謁



逢迎少。政有餘閒。臥起遲。山翠迴環。當戶牖。詩筒絡繹。遞塤箎。雪泥鴻爪。原無意。敢擬鷦鷯寄一枝。

贈魏惟度

閩海詞壇自昔聞。於今領袖獨推君。握中輝映蠲珠色。篋裏光騰寶劍文。寄託自諧山水性。招尋偏狎鷺鷗羣。國門早識懸書貴。嚮往私心敢不勤。

九月望石湖看月坐有歌者

纔過中秋月又圓。蒹葭一水送輕寒。不知此際生公石。誰共歌聲度夜闌。

素豔亭亭比內家。鶯聲花底勝琵琶。聽來半字魂消盡。天亦開顏放月華。

吳穎

見末

溧陽人

郁光伯湖舫招集

一艇寺門前。湖光何澹然。常將尊酒意。看到畫圖邊。魚樂空虛際。花香長養天。與僧話興廢。不覺夕陽偏。



言持一集  
題三生石

客有微生悟。三生石上成。笑人來路遠。自歎此  
身輕。轉徑逢僧話。隔山聞鳥鳴。秋聲處處好。泉  
引萬山清。

過林鐵崖湖亭有贈

偉節關天意。迴看海國塵。全身推鐵漢。敬口對  
金人。客向秋光老。山驚夕影新。相逢文字飲。惜  
別此湖濱。  
新脫

吳興寒夜讀黃陶菴集

細誦陶菴集。知君志節人。談經具師友。咏史識  
君臣。一从文章貴。此生理學真。自慙敝帚業。終  
自讓深醇。  
字字真實陶菴可不朽矣

寄陳康侯靈隱寺

送子入山去。與僧同樹林。近湖秋氣澹。沿路雨  
光深。一榻于時策。千巖懷古心。老人杖屨健。黃  
葉寺門尋。

魏麟徵

蒼石

溧陽人

同友人渡濟橋看月次韻



言持一集  
千古。人。同。月。同。人。此。夜。清。野。橋。來。十。里。滄。海。出。  
三。更。塔。影。懸。波。靜。星。光。浸。地。明。悲。歌。風。露。裏。擊。  
筑。想。高。荆。  
起有異想

蒼雲石二首

抱。笏。所。當。拜。森。然。此。丈。人。羣。看。形。嶭。萃。我。愛。氣。  
嶙。峩。飽。領。風。霜。古。生。耽。丘。壑。真。趙。家。南。圃。在。訪。  
舊。半。荆。榛。  
嶙峩在氣上看妙不可言

何。年。風。雨。後。天。外。結。雲。根。片。石。森。如。嶽。諸。峯。儼。  
若。孫。縱。經。溪。谷。變。猶。憶。上。方。恩。客。至。依。蒼。蘚。貞。

盟許共論

看敬亭山懷孔以齋先生

先生有平生未識宣州路山色

何緣似敬亭之句蓋夢中作也

敬。亭。山。色。好。况。復。謫。仙。存。雲。臥。多。幽。處。天。荒。自。  
閉。門。不。知。誰。是。夢。勝。賞。得。俱。論。欲。問。君。來。路。前。  
谿。月。滿。村。

過迸石上人山房

秋。氣。不。出。戶。幽。禽。時。與。還。偶。然。臨。止。水。趺。坐。卽。  
空。山。瘦。竹。從。雲。過。荒。畦。待。客。剛。得。聞。清。淨。理。歸。



去息重關。

予。以。目。疾。煮。泉。和。菊。而。飲。久。而。甘。之。遂。以。飲。菊。代。茗。因。自。號。曰。飲。菊。

放眼猶嫌天地小。慧光自向靜中存。從今飽領東籬味。細嚼寒泉漱石根。

朱鶴齡

長孺

吳江人所著有杜少陵李義山箋註

寄章兩生

弱歲論交早。頻年遯跡同。狂歌仍潦倒。短鬢已衰翁。菊露浮香冷。楓霜映曉空。終期載甌酒。轟

飲破籬東。

村居漫興三首

綠樹隱柴荆。圖書對案清。將泥看乳燕。陰柳聽啼鶯。碧漲新流細。丹霞晚照明。攜樽初泛蟻。鄰叟可同傾。

麥隴飛翬出。桑畦戴勝鳴。荷鋤招北叟。把卷就南榮。退谷安吾老。愚公謚此生。任人稱爾汝。一笑失愁城。

世事遣沈冥。閒鷗共淺汀。燒分檉葉赤。烟合柳



詩林一集  
梢青。孰過牆頭酒。從乾案底螢。灌花行藥外。終日注元經。

陳維崧

其年 宜興人

小飲巢民先生齋頭。瓶花爐篆楚楚襲人。與諸子暢談竟夕用賦。

雖非年少日。狂態幾曾殊。獨把雙銀燭。何來數酒徒。乾坤高士傳。花月輞川圖。喪亂吾全飽。今宵不可無。

冬日過雉臯訪巢民先生讌集出歌童

演劇卽席限韻

當年燈火隔江繁。回首南朝合斷冤。十隊寶刀春結客。三更銀甲夜開尊。亂餘城郭雕龍散。愁裏江山戰馬屯。今日淒涼依父執。烏衣子弟幾家存。

羸馬單衫泣數奇。狂歌痛飲只相宜。新歡王粲樓頭得。舊事何戡曲裏知。四海行藏聊復爾。極天兵甲竟如斯。年來多少留髡地。此會揚州倍可思。

其年詩每以氣魄奪人吾爲之避舍



陳萃

聚正 湖州人

春日懷徐臞菴

去歲春淡庭院時。江城飛鷁過東籬。簾開芳樹  
花爭發。雨霽橫塘柳正垂。策杖夜歸同醉月。尋  
雲曉起共題詩。於今風物仍如舊。一榻空懸係  
所思。

陳寶鑰

綠厓

晉江人所著有藜山堂陶陶  
亭諸集

巫山高

巫山高峰頭十二。真峩峩楚王之魂不憚遠。乃

赴高堂起。夢濤試問神女何姓名。笑而不答若  
有情。巫山朝朝暮暮雨。遂令楚王神不寧。叶但  
恐良緣不偶。奇遇難成。赤甲為之關。白帝為之  
營。鐵牛鑱斷其精英。遂令宋玉之徒招魂水渚。  
以瞿塘為相思之城。

妾薄命

一曰蓋人面

妾薄命。命薄于秋雲。生具窈窕質。寵愛蚤期君。  
君王非不愛。溫存百其態。宮中多蛾眉。讒口日  
以喙。初時尚不疑。漸而見其槩。念來正芳年。三



十。遂。遣。退。妾。曾。習。詩。書。寧。敢。以。色。漁。當。熊。何。其  
猛。君。側。不。蚤。除。妾。貌。卽。花。枝。芳。菲。能。幾。時。得。序  
者。自。進。失。勢。枉。圖。維。長。門。不。復。見。但。自。掩。秋。扇。  
恐。令。君。王。知。一。召。羞。人。面。

秋胡行

取。妾。纔。三。月。出。門。遠。仕。陳。三。月。相。識。而。夢。寐。自  
相。親。胡。爲。五。載。歸。視。爲。陌。路。人。儂。雖。不。識。歡。歡  
合。審。笑。嘔。兩。兩。不。相。辨。寧。獨。儂。可。嗔。安。知。聊。試  
子。原。非。我。圖。新。此。意。未。旣。質。入。門。大。義。申。桑。間

尚。如。此。睢。水。豈。無。瑱。男。兒。有。疑。行。苦。口。何。所。伸。  
誰。知。貞。烈。性。一。死。以。自。殉。石。尤。至。今。惡。遂。名。如  
婦。津。願。言。魯。男。子。長。此。守。家。貧。

寓意甚深莫  
作秋胡行讀

琵琶行

妾。辭。君。王。出。昭。陽。君。王。恐。妾。路。悲。傷。盛。選。樂。工  
馬。上。將。琵。琶。哀。怨。聲。尤。長。彈。工。不。解。妾。心。腸。下  
馬。取。來。自。鏗。鏘。塞。馬。聞。之。亦。迴。翔。一。時。從。人。盡  
思。鄉。誰。將。妾。心。達。君。王。君。王。宮。裏。天。一。方。况。今  
妾。身。在。疆。場。此。曲。本。是。彼。中。良。單。于。知。音。喜。欲



狂馬前相慰。仔細商。獻爾闕氏瓔珞粧。勝在漢宮下。陣行一時攜手入涼房。強開笑語暫相忘。

京口卽事

秋聲瑟瑟捲風沙。巨浸殘村有幾家。鷺立莎洲。雙點白豚吹水面。一江花鵲頭倚棹。人長嘯。牛渚凌波佩自遐。極眺無堪頻注目。落紅倒挂半

天斜。

新翠欲流

遠際吁喚作泊聲。心忙路隔暫舟停。荻蘆有火知漁聚。星漢無邊見岸平。水淨沙洲栖倦雁。煙

深草屋宿流螢。無端攪斷三更夢。日色漸高古澗城。

白鸚鵡自海澄公署中見之

未寒偏耐雪。爲裘頭插葵花一朵秋。髻有黃毛十數根

嗔作覓人花舞片。怒則展身上羽歡同羽士髻爲琉。喜則

頭上白維摩。舌本音難譯。能作蒼頡書中跡。不

猶足似人掌。一自沱洄初貢後。白毛黃耆總難求。唐陀

洄國貢白鸚鵡

雅禽原以白爲珍。雄者旣來雌自臻。質雪寧疑



偏妒雪畏人未免且依人。闌干立遍頻呼侶。黃  
白渾成肯著塵。物入中州孤潔貴。西方定不好  
麒麟。

紅鸚鵡

同來選就改粧新。多買臙脂染作神。慧性寧專  
言艷耳。紅顏自以色媚人。娥眉不讓入宮寵。絳  
袖偏工掩袂嘔。曾記當年袁謝賦。標題每許獨  
能真。

結伴乘槎海外來。一從中土便相猜。非貪繡戶

爭雙倚。却恨朱顏忍自理。展轉孤生青草夢。時

則綠鞦韆獨打石榴開。倒垂則只今隻影深藏

獨多後相費鷹心展鷲才。

程可則 周量 南海人

送別曹顧庵學士

秋風吹斷鬢毛稀。兄弟天涯酒屢揮。何事忽隨  
南鴈去。知君不為鱖魚肥。迷陽道路無安轍。回  
首烟波欲息機。我亦江臯顛顛者。每逢落木苦

思歸。



居然天外作閒身。大笑東華十丈塵。既有門生

能抗疏。謂廬陵學士不妨夫子獨垂綸。伯牙臺上誰

千古范蠡湖中又一人。祇是故交憐話別。菊花

時節淚沾巾。蘇足天賦

蔡兆豐 雪餘 金谿人所著有楚州吟

早發任丘

古道起黃沙。風吹掩曙霞。鷄聲驚客夢。馬足踏

楊花草色沿波長。炊烟入望斜。朝來飢渴思。前

路有人家。

詩持一集目錄

卷之四

嚴曾架 方貽 七首

王士祿 西樵 六首

吳嘉禎 源長 十首

嚴胤肇 修人 七首

徐惺 子星 九首

程封 石門 九首

林嗣環 鐵崖 六首



宋端元方 四首

葉方藹子吉 四首

高一珩念東 二首

季振空滄葦 六首

米壽都吉土 三首

宋德空右之 七首

鄧漢儀孝威 二首

梁鋹子遠 七首

錢朝鼎黍谷 六首

張幼學詞臣 四首

丘象升曙戒 三首

張養重虞山 四首

陸求可密菴 七首

宮家璧百朋 十一首

秦汧吉生 五首

鄭樹珪桐山 七首

黃周星九烟 一首

劉檝岸先 六首



唐景宋 默齋 七首

沈玠 兼菴 六首

瞿涵 止虛 三首

許振光 起文 十首

夏 宛來 二首

詩持一集 卷之四

閩中魏 憲惟度評選

吳門宋實穎既庭叅閱

嚴曾槩 方貽 杭州人所著有燕臺詩草

慈仁寺松歌

慈仁古刹迴臨街。入門老樹根相排。撐拏聳拔皆  
有態。槐枝栢刺無不佳。新松五六各異狀。有  
時相亞或相讓。欽崙總非百年物。盤踞况逼諸  
天上。及見雙松叫奇絕。不與凡樹同霜雪。千載



言持一集  
根盤勢若龍。雙株幹老色如鉄。其一最短石磴  
齊。一株稍欲青天躋。盡攬長柯耐雨露。不須高  
頂干雲霓。老材豈必枝葉好。秃幹自護神靈棲。  
古來奇物不貴妍。獨標異骨元氣全。盤礴自有  
真意。在剝蝕縱使霜皮穿。其餘樹木兩傍立。非  
不突兀思參天。柯條扶疎神氣少。側身不敢跨  
連蜷。我行更上石磴坐。俯看雙松失松大。毘盧  
閣上日欲沉。金粟宮中春已破。眼前古物誰尚  
存。周鼓商彝有幾個。君不見階前人散松樹青。

月出誰聞野狐過。

同吳天朗翁用公天街看月

酒罷風初起。橋平月共看。照人聯壁樹。走馬並  
銀鞍。街闊飛沙合。河深瀉水寒。夜中垂轡返。城  
角已吹殘。

刻劃少陵

閒居漫興

昔共金閨彥。題詩玉殿間。揮毫來禁苑。如堵看  
朝班。天語知名熟。公車報罷還。漸離吾愛汝。  
擊筑共燕山。



言一集  
蕭瑟此登臺。西山爽氣開。千峰黃葉落。萬里素  
書來。憫藉慚知己。飄零自不才。南征舊同學。一  
一棄繻回。每多沉摯

懷陸左城

三年不見平原令。著就長楊賦幾篇。解識酒同  
高士飲。肯將玄借富人傳。月明千里江南夢。木  
落三秋薊北天。遙想西陵楓樹下。賓朋滿座菊  
花筵。

侍家大人同項眉山年伯韋公祠看海棠

命賦

古祠青甸起芳塵。紫陌朱欄集廣輪。雙樹久分  
仙掌露。繁花猶發帝城春。枝間接葉。宜鳥殿  
外。浮香欲送人。奉命靈光爲賦拙。將軍捧杖托  
荀陳。

上元口號十首次米子來同年韻

玉漏將殘曙色遲。燈微人散曉風吹。同遊多有  
西陵客。回首吳山月落時。

王士祿

西樵

新城人所著有十笏草堂上  
浮集



紫雲洞歌

錕鍮割雲鬼夜哭。墮向空山結靈屋。紫光暉暉  
蒸神砂。覆釜哈呀壓坤軸。倒懸兩笏支崩騫。互  
起雙門納光煜。我來正當赤馭翔。踏蘚捫苔失  
炎燠。颯沓居然靈異棲。幽深恐有蛟龍伏。垂垂  
玉乳金壺傾。神漢天漿恣滲漉。飯泥定可敵商  
芝。煮石何須然楚竹。公和自昔愛幽棲。叔夜由  
來少仙福。振衣迴策縈心魂。長嘯適然響林木。

湖心亭大風雨歌吳香爲葉子肅席上

湖心夢破朝徘徊。吳君葉君折簡催。欲以勝遊  
盪羈思。金樽蘭漿容趨陪。一醉湖亭好風日。四  
山靜綠如春苔。忽忽殷雷起山脊。黑雲壓檻聲  
焯焯。夔牛鼓震日月歿。驅山鐸掣陵巒摧。急雨  
注射激萬弩。層波黝黝爭喧阗。迴風雲旗颯出  
沒。鼉鼉鼓沫江妃哀。恍如軒轅張樂洞庭野。蛟  
龍雜遝纏樽罍。又如神禹行水過桐柏。巫支騰  
踔羣靈猜山脇。乍穿怒濤涌危橋。欲圻神鞭迴  
狂生顧視臆才豁。奴子屏息顏如灰。須臾勢過



萬態息。翠屏玉鑑。亭亭開湘。靈鼓瑟九。疑靜李。  
暮吹笛。清風來。我醉湖山。亦已屢。大抵好女臨。  
粧臺。久對令人少志意。茲來壯觀真奇哉。山川  
情狀出明晦。丈夫意氣生風雷。歌成長嘯興未  
已。好呼山月浮深盃。

由黃鶴山尋竹林寺

黃鶴山南路。紆迴石徑斜。委蛇美林壑。窈窕足  
烟霞。古寺藏深竹。春風拂磻花。孤筇將霽景。吟  
望浩無涯。

娟秀

丹徒鎮阻風

不耐迴帆急。天風聽轉驕。夜雲兼雨重。河水近。  
江潮。旅跡尋常滯。歸程咫尺遙。驚鳥將客思。歷  
亂向溪宵。

如石邀遊八公洞

櫻桃花似雪。遙映夕陽幽。向背春山路。蕭疎蠟  
屐遊。潭邊逢鹿跡。竹杪見僧樓。一道泉聲細。隨  
人幾曲流。

七夕立秋

卷之四

枕江堂



詩持一集  
棲烏渺渺月悠悠。井幹新涼一葉投。期是黃姑  
還卜夜節當白帝。恰迎秋孤蹤已憚成都問九  
辯。徒增郢路愁。羈旅又逢天廓落。明河那爲浣  
離憂。

吳嘉禎

源長

江浦人所著有蓼蓼園詩

江上閉關贈鄧叔奇

靜氣依江渚。雲波入戶深。晝閒人跡杳。耳目息  
空陰。性與水相照。天光虛欲沉。魚龍各寂默。何  
處寄孤心。寂寞風雨內。微吟送古今。

仲秋登平山閣偕德卿念卿亭玄天儀

高立眺秋江。江流浩以長。秋空與秋木。淡淡一  
虛光。虛中懸白日。幾點見帆檣。隔江山翠滴。雲  
影相低昂。遠心天水外。望盡思微茫。寥落無鴻  
鴈。蒹葭徧蒼蒼。氣凋毛髮肅。慷慨勸揮觴。聚散  
情何極。西風綵客裳。

遊石洞菴

綠愛山行深。溪流微且清。探幽不覺遠。聞隨山  
鹿行。初疑迷所適。樵子笑相迎。紆路石巉巖。長



言一集  
松亂柏橫崩巖觸怪石別有日月生華洞通山  
腹藤蘿掛倒楹千蕊繡窠闢丹砂照佛明鴻濛  
誰鑿破峰墮一拳撐枯僧頑似石顧問不知名  
到此息塵慮萬壑寂無聲  
起處變化桃源記

望鍾山

運候瞻山氣高皇在此中風雷時怒發日月有  
靈通拱衡峰皆俯朝宗水自東飄零亡國泪翹  
首問蒼穹

登吸江亭

閒眺忽高步蕭條登廢臺隔江山翠落夕照浦  
帆回幾點鴉啼樹頽然石臥苔荒城烟爨少感  
慨獨徘徊

賦得行藏獨倚樓爲張復旦作

天地今如此躊躇何所須視高心自遠侶少影  
恒孤月出看圓缺雲飛任有無千秋誰獨立俯  
仰漫歌呼

秋夜聽蟲

秋陰寂寞抱幽情獨對殘燈聽暗聲露冷草根



吟似訴月昏籬落響何爭喧無節奏縈疎夢韻  
有同羣訂細盟酒醒空窗風散籜淒淒疑雨灑  
寒更有情無情聞者自別

垂楊秋月

溪邊碧浪颺清秋光動千絲繫一鈎素影綠牽  
天不夢斜暉青縮樹交浮烟迷晴夜魚歸浦風  
弄空明笛倚樓捲盡微雲輕絮舞棲鳥驚曙遶  
枝頭

小西湖春雨草堂爲宮鶯隣賦

別有幽遐春水間荷衣香汎小舸閑一汀積雨  
流春冷半岸餘花濯夢還人坐烟波心自止鷗  
吟蘭芷淡無關仙源識得漁來路漫漫湖西更  
幾灣

西湖觀競渡

綵幟盈湖陣戲陳凌風鼓棹絕無倫雲開綺閣  
花臨水木繪遊龍舞借六白日不知霓霧障蒼  
波猶見柳蒲新遐思皓皓湘江潔酬向汀湄采  
一蘋



嚴胤肇

修人

吳興人所著有宜雅堂集

長干行

妾本長干女。高樓對江渚。嫁與長干人。玉顏愛  
 青春。自謂歡娛始。豈曉別離新。四月君辭妾。西  
 行汎舟楫。破浪乘長風。楊帆上三峽。五月金沙  
 頭。瞿塘不可流。林猿與山鳥。聲聲喚客愁。客愁  
 不可數。况乃妾心苦。七月蟋蟀鳴。哀聲近牕戶。  
 索居聞此音。思君淚如雨。去去隔瀟湘。滄江一  
 水長。誰憐蕩子婦。日夜守空房。

白頭吟

青青女蘿枝。繚繞松與柏。下有雙飛禽。遊戲不  
 相逆。人生富貴豈足多。但願貞心比金石。蜀國  
 相如賦子虛。君王坐恨不同時。一朝召拜中郎  
 將。片言可當十萬師。臨邛富人盛供帳。大車駟  
 馬來。何遲。丈夫得志厭糟糠。將聘茂林之美姬。  
 茂林之姬美如玉。文君此日傷心曲。行緩香羅  
 帶。手揮綠綺琴。鳴絃激哀響。長歌白頭吟。吟未  
 絕。淚已傾。悲妾意訴君情。妾意亂如冬月雪。君



情薄於春月。冰愁看錦江水。東流不西逝。昔日  
 芙蓉花。今朝苦瓜蒂。有便還將金錯刀。為君剪  
 下同心髻。雨落終朝不上天。蟾蜍已缺難重圓。  
 還君秦珠玳瑁釵。不忍對此心悽然。  
 深婉剗摯怨而不怒

登金山

奔濤何浩蕩。孤嶼砥中流。氣潤魚龍聚。天空日  
 月浮。江聲連楚蜀。山色變春秋。無限登臨意。難  
 為薄暮留。

送張僧持之金陵

白下稱佳麗。金陵昔建都。花明桃葉渡。春暖莫  
 愁湖。山色還今古。江聲乍有無。君行思往事。憑  
 弔獨長吁。

五六奇妙得江山之神

玉蘭

凌空玉樹倚雲端。濯露金莖夜不寒。開處每知  
 春欲半。飛來却訝雪初殘。瑤華日暖生香易。湘  
 水風高入佩難。一自天隨佳詠後。木蘭舟上幾  
 人看。



玉河堤看白燕二首

翠幙紅襟各競時。獨憐清影上瑤池。凌空不染  
風塵色。映水遙添冰雪姿。團扇歌回春漸老。霓  
裳舞罷月相窺。昭陽姊妹新承寵。一顧傾城祇  
自知。

水濱仙子試新粧。不數人間珠翠行。雪裏銜泥  
雲度影。花間振羽玉生香。離羣祇合棲銀海。避  
暑還應繞畫梁。羞說六宮多粉黛。蛾眉曾耐九  
秋霜。

詠物詩至此可謂精工。竟使袁白燕失色。

徐惺

子星

江寧人所著有西山詩

山中

遙哉蒼澗人。名山夙所卜。澗水護柴門。築室山  
之谷。我來一至止。幽寒觸心目。細雪來空濛。飄  
飄如飛瀑。忽聞中林聲。麋鹿相與逐。落日餞西  
嶺。寒風散樵牧。徘徊立空陰。窅然生肅穆。

別成青翁座主入西山

官路沙塵中。走馬日不暇。落落老誰子。歐門人  
無迓。坐我春風中立我。圖書下衆壑。注江海。羣



峰仰岱華。遙遙千里身。晨夕欣有藉。今夕復何  
夕。踟躕驚歲蜡。松火羅庭除。黃流傾玉竿。為我  
啓曙扉。明燈坐深夜。再三慰且勗。為勸西山駕。

署中種蔬

愛看畦邊綠。閒消永日愁。不嫌滋味薄。且使性  
情幽。官舍如僧定。名心逐水流。托身天地外。此  
際更何求。  
不知新雨後。一夕已盈眸。向曉露初滴。臨風翠  
欲流。茶瓜憑手摘。茗椀任情收。莫謂無真趣。心

神自在遊

只此滋培易。生生總不窮。全消名利氣。盡在澹  
寧中。口腹緣難淺。天人心與通。非關愛禪寂。幽  
意許誰通。

夙有為農志。如今學圃工。一枝渾是寄。萬念已  
皆空。得暇消殘日。尋幽立晚風。荷鋤同爾笑。頭  
白總成翁。  
四詩足見清署樂地無矯情之苦

入直御河見柳

昨夜春風入禁闈。重來繫馬舊平津。已知孤絮



空依水。豈意長條又拂輪。一片宮雲棲宿鳥。三年鄉月憶愁人。相看總是青青色。薊北江南幾處新。

宿趙州隱者家

風雨前溪問晚津。石橋秋水正粼粼。掛瓢何處無高士。荷篠空山有丈人。鷄犬一宵天外意。鴈鴻千里客中親。喜看種玉庭前樹。遠屋森森映碧筠。

有懷

春光搖落在長安。獨影蕭蕭古樹寒。自信文章徒擊筑。豈期朋輩附彈冠。登樓明月悲千里。立馬堅冰強一餐。却笑十年燈火意。貂裘羸作布袍看。

程封伯建石門江夏人所著有蒼螺集

七月初八日墜馬

我來市中騎羸馬。道逢高官十迴下。城南城北屢招邀。傍晚揮鞭愁犯夜。况當秋雨踐成泥。街頭滑滑沒雙蹄。老夫被跌不折臂。猶自穿花過。



言林一集  
小谿

真朴入古結句風韻不失

涇陽驛蚤行

畏起頻驚曙。荒鷄太不情。房櫳餘夜氣。馬駱帶寒聲。茅店人初語。沙邨路欲明。草堂林澗在。高臥足生平。

望嶽

不到青齊路。無由見嶽尊。亂雲披古木。平野接孤邨。絕巘從何入。諸峰總勿論。至今封禪事。只

合問啼猿。

從大別山望鸚鵡洲

不。歿。曹。公。手。其。名。卽。可。傳。半。黃。洲。上。日。亂。綠。草。邊。天。獨。我。全。無。涕。之。人。豈。受。憐。何。須。怨。殺。者。狂。了。或。歸。仙。別。有。心。眼。結。爲。才。人。出。脫。得。妙。

雪

忽對空庭雪。繁聲靜裡聞。逕迷人不出。巢失鳥難分。向夜疑明月。看山似白雲。此時京洛客。應自惜離羣。



詠三玉兒

愛此丈夫質。嘗攜懷袖間。得生玄圃上。難老楚  
王前。當長先留髮。同行共拍肩。都言宮裡物。時  
代不曾鑿。

輓曹石霞先輩

絕代奇人歿亦奇。蠻鄉孤視總堪悲。波瀾學海  
東西漢。魄礪詞場大小兒。老去詩名原不惡。生  
來狂病本難醫。夜棋春酒情無限。何處招魂入

夢時

情之也

別馬

南行期爾踏羊腸。忍負殘年共雪霜。為易主人  
恩已薄。終慚良友贈難忘。絡頭更有黃金在。棧  
下空餘青草香。聞說過門猶竚立。待予着屐上  
輕航。  
結出馬之有情處使人魂消

群。荆南去費蹄輪。暫向艤艫憇此身。薄俗憑誰  
能換妾。孤懷偏我似離人。重逢五嶺期前路。獨  
出空衙借比隣。忍看竹鞭猶在壁。幽燕蹀躞走  
風塵。



言一集  
林嗣環 鐵崖 晉江人

蠶婦詞

日出東南隅。採桑不盈銖。少小父母憐。各擇夫  
壻殊。三日爲君婦。晝夜與蠶俱。雙鬟尚垂頸。膏  
沐棄不敷。今歲三春早。梅雨乃霑濡。蠶性嬌惡。  
寒。冰肌熾紅爐。新婚非不樂。葉綠已催租。濛濛  
零雨晨。飢鴉風叫呼。立馬狹斜道。自稱大金吾。  
驕意盤眼睫。蒼茫遮我襦。青絲絡馬韁。白絲約  
烏笄。黃絲刺襦襦。紫絲濯翟毬。所指無一實。蹠

踐復踟躕。言語原土腔。板舌故函胡。桑婦前致  
詞。家政有丈夫。狐狸認故穴。犬豕認故墟。妾不  
識官長。毋乃云云乎。夫壻從門來。此理亦甚枯。  
人家有帷簿。天河縱於菟。隣舍獨機警。急遽收  
雞雛。申申詈者誰。回頭是小姑。

尋花

酴醿寶相壓枝低。出架穿籬曉望迷。魏紫姚黃  
無覓得。梅花冷處是西谿。

杜鵑花好類情癡。夜夜啼春客夢時。少嬾聰明



扶看月照他新影。畫雙眉。拾得朱櫻兒女唇。花魂直是老夫身。落紅未忍輕拋掃。留與歌兒。疊坐茵。

招燕

念汝秋霜去路難。鴻來無字報平安。沙鷗澹得。正風慣。猶貼殘荷。賦苦寒。

穿花落水慎風塵。弱柳閒搖陌上春。孔雀猶逢牛抵觸。不知誰是有心人。

每有別致

宋 端 元方 銅陽人

初啖荔枝歌

少時知有荔枝名。荔枝在南我在北。譬若曾聞天下士。未交蚤已心相識。人閩遙望荔枝林。荔枝青青未落實。又如初晤意中人。其人可望不可。卽時及朱明。易絳衣。樹下流涎趾如織。色未艷兮味未濃。交歡恨晚情何逼。一時握手若平生。如飢如渴開胸臆。君子之交非醴甘。英雄邊幅不修飾。我愛其氣香。以清不在區區味與色。



再啖荔枝歌

初食荔枝生。再食荔枝熟。生時落落然。可近不可瀆。久之告熟時。令人更依依。庭前垂一樹。四座香馥馥。或遠如星毬。爍爍光無定。或近如驪珠顆顆。能照乘。或紅如鶴頂。或紫如鷄冠。或紋如玳瑁。或理如珊瑚。一顧城國傾。那堪頻回盼。採入水晶盤。北人勞不慣。撒穀一堂中。微塵皆欲紅。不夜疑剪燭。非秋似落楓。或皺如繒堆。或爛如錦疊。或彩如霞興。或光如電燁。素肌瑩如

○酬古大家者

以文為詩

玉隔膜猶未開。如銀綃輕引。如白練乍裁。仙人掌上承。無以方其潔。對之雖流涎。珍之不下咽。如峩眉積雪。如龍門層冰。如天漿倒瀉。如明月初升。我讀荔枝譜。其種不勝數。於中誰最佳。狀元紅獨步。將軍十八娘。氣色差相當。荔枝雖已盡。衣裙有餘香。際此炎暑侵。爾真清涼散。熱客啖數枚。胸中如水澣。

黯淡灘

扁舟下南澗。溪光看不厭。忽聞黯淡名。厥嶮如



天塹誰將嶽嶽物。遍布滿山巘。水迅石激怒石。峻水滌奇濤。飛風捲雪楫。過地起雷。婉轉蛟龍窟。巉巖虎豹窟。江河雖日下。乾坤多砥柱。長風許破浪。夷嶮胸有主。

烟花三月下揚州

芳草王程幾度烟。碧山無際翠微連。舟經揚子人如醉。水盡桃花望欲仙。萬里江聲橫鐵鎖。三春嶽色緩金鞭。遙知綵幔亭中叟。垂釣相遲九曲邊。

葉方藹

子吉

崑山人

揚州

繁華自古說揚州。我亦乘閒作浪遊。漫道烽煙招舊恨。忽驚花鳥亂新愁。雲連綺帳將軍第。霞結珠簾帝子樓。落日西風重回首。夾城香霧半空浮。  
秀麗可奪隨州之席

上巳虎丘禊集詩

春水晴生杜若洲。爲修禊禊得佳游。永和景物當三月。王謝才名第一流。百里星輝占夕聚。千



言  
秋風雅仗人收。谿山觸目分今古。莫遣移文到客舟。

卽事示九來

毛錐一寸那相關。馬上功成掌握間。學士朝朝趨北府。將軍夜夜獵南山。燕齊賓客風塵滿。豐沛勛名日月攀。投筆出門還自笑。封侯骨相是天慳。

贈支鍊師

金簡標名在絳宸。玉皇香案五雲親。休嫌弱水

飄舟客。曾作蓬山罵座人。桃實偷殘天上樹。榴皮書破壁間塵。思量只合華陽睡。搗藥吹笙一夢陳。

高珩 念東 淄川人

七夕

閉門疎雨暗空牀。坐久簾幃裊斷香。蟋蟀西堂秋有夢。芙蓉南浦夜初霜。金微過雁懷人遠。銀甲調箏咽夜長。白帝黃姑期有數。也應天上怨清商。

娟秀



新秋

芭蕉酣綠雨初收。剪剪風來小院幽。山色乍迎新序爽。砧聲全似故園秋。關心錦字催鴻雁。欵枕天街待女牛。今古年光原逝水。陰蟲切切莫深愁。  
結意悲愴

季振宜

滄葦

泰興人

西曹得家書

涼風蕭瑟日三竿。奴子持書墨未乾。但有數行須檢點。猶能一字報平安。瑯瑤早閉蝸牛舍。刀

劔偏防獬廌冠。為問故鄉秋稼好。半年霖雨水漫漫。

秋病

茂陵多病入秋深。蟋蟀聲連細草陰。枕上聽雞詩欲就。夢中擁鼻句難尋。蠟銷暗續行行淚。酒薄空降夜夜心。斗轉月斜纖影落。魂來魂去黑

楓林

三四說病雅極

望代者不來

豈是明廷乏雁臣。行行驄馬尚逡巡。河東不必



言才一集  
需良吏丞相由來慢故人。得句偶逢花照眼。攻  
愁聊命酒沾唇。自嗤桑下成三宿。啼笑何難舊  
對新。

洪洞

鳧雁不知春欲盡。方塘拍拍水融融。天翻石燕  
連朝雨。地到陶唐五日風。白板橋鋪楊柳下。青  
裙女踏菜花中。山城擊鼓生煙火。遮莫疎林一  
閃紅。

和梁玉立先生見贈

水在河中泛泛流。知誰爲楫復爲舟。杞人但看  
郊雲密。野老還圖夏麥收。愁至不須登北固。樂  
將何處唱西洲。分明此是歸鄉路。不住鄉心更  
上樓。

屠門大嚼亦稱豪。誰有相逢便解刀。銅斗擊譟  
江水濶。郵籤報曉岸沙高。季鷹入雒思鱸膾。枚  
乘遊梁賦楚濤。不慮故人書斷絕。紅燈綠酒也  
含毫。

米壽都

吉土

大興人



寄懷陳謫公

聞君家近萬峰青。短榻常懸獨掩扃。誰遣劉蕡  
甘落拓。應知王粲任飄零。貧餘祕閣書堪讀。愁  
覺中山酒易醒。幾夕臨風倍惆悵。何時重與話  
新亭。

送王鐵山先生歸里

南國蓴鱸秋正肥。西風能遣幾人歸。世情久矣  
同操瑟。吾道終焉屬採薇。未盡泥塗憑老馬。猶  
存山月照初衣。憐君易水燕雲外。回首長嗟事

事違

歲暮雜興和王敬哉韻

逢人問策總非宜。躑躅常含失路悲。一徑僅存  
張仲蔚。千秋幾見鄭當時。吟過小檻梅花落。夢  
轉幽窓竹影移。兒女迎年心獨早。屠蘇爭泛酒  
盈卮。

宋德宜

右之

長洲人

留別王貽上

時為揚州司李

半年魂夢繞隋隄。繫轍那關手重攜。東閣開尊



多逸興。選樓高。唱續新題。雙龍氣。挾秋濤。壯一  
笏。霜清夜月低。別後瑤華時。寄問暮雲南望。嘆  
羈栖。

寄送吳錦雯司李肇慶

嘗為我吳司李

名高佐郡舊聲華。分節蠻方道路賒。欲借寇恂  
歸穎上。却憐吳隱及天涯。桃榔亭傍三鷗水。笏  
竹城開五子花。應愛端溪一片石。還朝好載  
鬱林槎。

壽袁重其節母吳太君八十

幔亭新唱萼。趺詞湛母顏。開對壽卮。有子能為  
名下士。何人不識女。中師板輿花。映青瞳日。綵  
袖春來絳帳時。劔佩登堂盈百輩。共將紅雪贈  
袁絲。  
三四句工練

題畫二絕寄袁重其

歲暮京華感鬢絲。秋山一幅慰離思。何時得遂  
尊壚願。柳畔漁磯坐咏詩。

歸鴻別鶴夜鐘殘。徙倚霜庭月滿欄。回憶故園  
梅正發。天涯相向畫中看。



去秋徂冬內母暨內相繼謝世今春王

勤中內兄以暮春百卉圖并題絕句見

寄情見乎詞展卷增悲賦此誌答

生死俄分歲月驚。經年兩哭已無聲。何當一幅

繁花艷。輾轉彌增感舊情。

憶昔華堂燕子飛。滿園花卉鬪芳菲。依稀風景

猶如昨。夢過西州淚染衣。

鄧漢儀 孝威 泰州人

穀雨與芝麓龔公相別江上蒙以三詩贈

別奉酬一章

幾月相隨嶺嶠行。真州斜日此分程。別離翻益

還家苦。飄泊殊深感舊情。兩岸雲帆牽樹色。一

江春雨上潮聲。祇疑今夜邗溝路。猶是清樽對

石城。

曾庭聞自潤州枉顧草堂賦贈

偏是窮途重友生。柴門握手淚縱橫。一時仕隱

分。天地千載存。只弟兄。宅巷久歸狐兔窟。江

湖猶戀鼓鼙聲。與君試話封侯事。慷慨悲風萬



里情。每有真摯語可思惜不多見

梁 鉉 子遠 三原人

望華嶽

幾折層巒上。猶然轟數峯。橫雲迷綠徑。危石挂  
青松。泉水生洪浪。仙居砌九重。亭亭天外峙。一  
片玉芙蓉。結出望意真切

登南寺毘盧閣

肅肅毘盧閣。登臨更一奇。終南連帝際。涇渭繞  
皇陂。古柏吹風迴。經聲帶月遲。慈航誠可渡。寧

為問津疲

邗居懷友

故國三千里。江天數十秋。論交心自健。把酒興  
誰酬。皎月乘清夢。時花攢客愁。華峯何處是。徒  
倚獨登樓。健字乘字俱推敲得妙

登仙籙閣

結樓當勝地。極目更嵯峨。兩岸山光入。一天雲  
氣摩。松風吹白日。澗水泛青波。最是月明夜。開  
樽攄興多。覽景賦情才氣無敵



戊申九日登西窰廠臺和韻

何地堪青眼。登臺卽勝遊。晴雲開疊嶂。麗日耀層樓。擧菊啜香氣。泛杯湔客愁。憐將落帽意。共此賦高秋。

辛丑秋日奉命歸省憇新樂行臺用壁間

韻

取次程途此地偏。荒城猶見起人烟。可知驛路艱難盡。誰惜公家羽檄連。帝里恩隨流水處。道經鄉關望倚紫雲邊。我來面壁問前輩。雨雨

風風又幾年

甲午北上再過華陰廟時風雨大作迴非

曩觀登閣對望奇而賦之

去年謁眺此重逢。兩度山光總異容。風嘯壑間聞豹虎。雲蒸巖半隱蛟龍。閣前有地行人跡。峯外無天覓鳥蹤。搔首西靈真瀨瀨。至今不改舊時封。六句奇幻

錢朝鼎 黍谷 常熟人

荔枝洲



珊瑚島西香浦東。荔枝洲上荔枝紅。罨筵龍艇  
 耀白日。昌華舊苑芳菲同。高枝離離短枝折。珠  
 綴星。排眼明滅。晴欹丹鳳舞新膺。雨滴華龍戰  
 殘血。洞庭火實寒無光。禁苑朱櫻褪絳房。何須  
 摘破白玉顆。始訝天上挹瓊漿。君不見陳家老  
 嫗閉門賣。得錢入手便稱快。又不見香山姻舊  
 干財昧。圖成一幅持歸休。我今倚樹看且啖。老  
 我江瘴夫何尤。  
奇思橫出如見十八娘臨風舞態

清遠峽飛來寺

三年危吏拙。百粵載春還。寺以飛來重。人因歸  
 去閒。朝光初到峽。水氣盡沉山。征棹誰為念。山  
 川情最關。  
警句絕倫

六一泉

居士何年到。東坡為勒銘。曾烹千嶂雪。猿飲一  
 池星。旨水落松色。寒光倒石屏。應招放鶴叟。酌  
 此坐危亭。

詠茉莉

萬木章江泊。千行估客畦。種分西域貴。開



言持一集  
粧齊細。葢水綃薄。繁枝玉樹低。流蘇懸夜夜。香  
國望中迷。

○元夕偕龔芝麓中丞曹秋岳侍郎飲舒日

園用宵字韻

五嶺春回酒力饒。鶯花無計駐征橈。懸燈共照  
金鈿艷。倚曲翻嫌玉樹凋。漲海峯烟晴不斷。嚴  
城鏡鼓曉爭驕。天桃滿地真堪醉。莫動離情負  
此宵。

別杜子濂同年次韻

海門風緊夜初潮。入耳秋聲落葦蕭。別子空懷  
梁有月。留君無計柳垂橋。丹楓逐眼因霜飽。黃  
菊飛香挾雨驕。共約明年湖上醉。擬將白雪破  
淇寥。

張幼學

詞臣

吳陵人所著有雙虹堂詩

秋日過田家

金風動木末。玉粒欣微霜。秋成關萬物。獻幸無  
苗傷。秋日旣明霽。秋雲復蒼涼。牽舟入澤國。曳  
杖過山莊。場圃無稂莠。高庾如茨梁。雞犬有喜



言持一集  
色屋舍皆堂堂。老人藉藁穗。村女縫衣裳。見我不復避。所恃有酒漿。夜飲藏核出。朝飯新禾香。相對但溫厚。所言實平常。衣食有名理。何必思羲皇。幽風至今在。官長母相忘。

次王覺斯宗伯祭告華山詩韻以當臥遊  
屢上危巒禮至尊。兩峯中斷是天門。泉奔石激龍湫冷。雲散烟清鳥道存。花落不驚高臥峽。月來先到洗頭盆。長圻屈曲應愁倦。日永何妨憇草根。

削壁劖苔六月寒。東來風雨幻峯巒。巒龍潭自古藏雷窟。仙掌何須着露盤。敢謂詩篇驚帝座。由來宮闕滿長安。幾時拾級寥陽殿。玉女容顏一借看。  
幻字描風雨入神

### 琴怨

耿耿殘燈惜別離。孤舟婺婦忽低眉。絲難五色司心結。賦有一秋薄命詞。錦字倩誰封雁足。遊絲無那冒花枝。思歸別鶴關心處。自分遙天皓月知。



丘象升

曙戒 淮陰人

移寓客舍

乍覺梅關近。翻愁遠故邦。雨帆辭野戍。雲嶺暗前窓。路濕愁歸夢。傷多厭酒缸。竹樓風欲動。猶似泊荒江。

晚晴同虞山步亂石灘

舟停微雨過。風定暮山晴。散步寒嵐重。低窺亂石橫。峽荒祠不火。樹禿鳥無聲。淡入驚籬犬。人音隔水生。

登望湖亭

亭左有睢陽廟

一上望湖亭。上望亭高倍。覺客心傷。千秋血食空。烟火萬頃波。濤下夕陽廬。嶽氣涵吳地。盡巴丘。流合楚天長。布帆此去飛雲際。目斷沙汀雁幾行。

張養重

虞山 淮陰人

過三山泊芝蔴港望采石烏江

朝揚三山帆。夕望采石道。落日照大江。歷歷羣峯好。皓月從東來。波光澹空森。陰雨久鬱結。見



月舒懷抱。我思古之人。百端情繚繞。風流委逝。波霸業亦衰。草不如飲美酒。一醉乾坤小。

石鐘山逢談長益

石鐘山枕彭蠡口。兩鐘對峙山絕陡。滙合江湖在此間。蛟螭日向山根走。夜深恐懼泊舟人。聲從石出如龍吼。我來尋聲到石穴。水激坎窞虛相受。洪音細響非一狀。大者如屋小盍斗。一聲霹靂起蒼龍。怪石崩雲壓我首。操舟登岸來者誰。京峴山中一老友。他鄉老友邂逅奇。攜手登

峯倒尊酒

寫石泉處奇幻不測

南康縣至大庾

章流僅可涉。細石一泓平。灘淺斷舟澁。山高礙月生。螢光依燭暗。蛩語逼人清。獨傍幽泉宿。孤篷此夜情。

亂石灘微雨復晴

細雨空濛濕。蠻江入暮愁。山寒雲自薄。水淺月仍流。嵐翠千峯捲。灘聲一枕收。不堪前岸柝。徹夜響沙頭。



陸求可 密菴 山陽人

擬古歌

蘇季子。舌無比。不得指。放歸里。饑欲死。妻孥面。目尚如此。范大夫。智傾吳。挾彼姝。掃姑蘇。泛五湖。縱有烏喙焉。噬吾。

得龜山豫章延平三先生集志喜

喜得三子書。淵源本一脉。百年遞相傳。道言互抽繹。著書不為名。務使疑理晰。伊洛映前輝。紫

陽光後席。三子居其中。斯文炯奕奕。莫悵余生晚。遺訓重圭壁。題佳晰理不為名是理學人本領

白鶴嶺

籃輿入溪山。道路多阻梗。峩聳蒼翠。陡峙白鶴嶺。黑雲走其腰。青天壓其頂。寒泉出峽喧。老樹當巖靜。天風常肅肅。海水常冥冥。仰視何寥曠。俯瞰示孤迥。疑從天上來。非復在人境。

龍溪道上

參差石路旅行艱。漠漠寒沙白幾灣。古樹千重



常護嶺蒼波。萬里欲吞山。人隨澤畔烟光去。鳥  
傍巖間竹影還。極目郊圻天際遠。浮雲何處辨  
鄉關。

羅源曉行

山下遙看海日生。幾家烟火出孤城。嵐光初起  
千巖合。松影晨開萬壑清。

湖心亭

偶來湖上扣松關。獨向空林自往還。我愛山僧  
無一事。蒲團常對落花閒。

宮家壁

百朋 關東人

送親籓出兵

一軍趨北勝。祖道出昆明。仁者原無敵。王師  
近有征。彤弓新拜表。沙塞舊知名。好奏昇平凱。  
歸來報帝京。

鄒溪水鳥

我愛溪河淨。天然白鳥依。避人沙磧立。呼伴逐  
羣飛。浴水無妨淺。食魚不揀肥。饒存各得趣。行  
處觸樊機。



乾溪洞

乾溪何處是。倚洞見孤村。滴乳成簾幕。空青聳  
壁門。羣峯昂有勢。一水過無痕。不信神龍隱。頽  
然此地躡。

平溪衛

聽灘聲

平溪溪未平。永夜吼灘聲。喬木危風振。青天急  
雨鳴。旅人難就夢。棲鳥易成驚。獨有東歸者。安  
流一葦輕。

出京口

澤國難留逐客閒。風帆一笑指金山。懸弧自昔  
男兒志。杖策何辭道路艱。北固橫來天作險。東  
流盡處海爲關。飛鴻坐看穿雲度。萬里從王鬢  
未班。  
不似穿鑿自然中節詩才信有天授

關嶺

蜒道橫雲不可攀。漢家從此遠征蠻。枸漿寧慰  
戍兵渴。筇杖難扶過客艱。天險雖開原在德。洞  
苗已格尚多頑。武侯歸去無餘事。留得將軍嶺  
姓關。



歸來志喜

涉遠慙非破浪才。輕舟萬里又東回。二泉酒應  
春前熟。小閣梅還雪後催。節近歲除歸興切。聽  
多鄉語喜顏開。錫山無恙頻相顧。好待幽人着  
展來。

咏牡丹

春暮留春春未央。芳筵銀燭對花王。玉盤高舉  
承仙露。紅袖輕搖散異香。西子宿醒開笑靨。阿  
環新浴試霓裳。小園卉譜閒重檢。名貴須知冠

洛陽

穀雨初晴錦幔陳。名花灼爛倚清樽。綠雲碧  
呈嬌倩。紅萼雕欄暈粉痕。奇艷乍逢還奪目。濃  
香不嗅已銷魂。芳根只在培來厚。看汝何妨到  
子孫。

刻劃精微

咏薔薇

江南春盡夏來時。淺白輕紅到竹籬。蜂爲香分  
常探蕊。鳥因芒聚不依枝。酡顏似笑名山醉。彩  
袂聯裙見月姨。記取詩人意興好。綠陰風動盡



言一集  
三  
簾垂

偶感

灘上重灘山上山。水供陸輓總成艱。漢家籌策誰居要。光武當年曾閉關。

秦

汧

吉生

無錫人

皖城夜棹

揚舲爭短景。日沒方前征。烟入月光半。水向沙面明。浩蕩迷近遠。篙師問行程。聽聲得前灘。隨漏覓高城。夜深造江舸。徒似喧歌盈。所奉上宮

令。忘勞心能平。上下有報施。何以酬其誠。

閩中鼓山

雲中朋鳥齊喚我。縱意選奇揚遠眸。澗水勢衝日月動。珠宮夜耀龍蛇幽。有天青松無不到。無寺白石亦可遊。咫尺相呼人相失。一灣洞壑谷暗搜。

矯異之筆不肯因人步趣

泥途赴友召賦得風雨亦來過

昨枉邀予衝霧寒。曉忘如晦促朝餐。不嫌童子扶攜遠。欲比家人語笑寬。接見頻煩主慰勞。



言一集  
濡羣視客衣冠。往來吾輩多乘興。漫說人間行路難。  
寓言甚深

池上卽席限韻

借水作空庭。中浮萬里星。夜闌深閉戶。魚夢恐難醒。

自嘲遠遊

手植茅齋環短牆。平鋪青草愛荒涼。主人自負園中月。却在他鄉思故鄉。

鄭樹珪

桐山

長洲人

贈燕山自悟道人次曹雲材韻

明月石上生。遙嶺吐寒素。聞君有古懷。慷慨動深慕。大道不在書。多爲章句誤。悠然叢桂間。聞香發神悟。美人自西方。寧爲俗所妬。贈以秋水篇。寒花濕零露。

同張鶴民過張曾餘新居次鶴民韻四之

聯袂過幽築。微陽欲動時。抗懷談夙契。扶醉賦新詩。落葉穿蘿幌。閒雲擁墨池。淹留不忍去。握



手慰離思

四六句有秀色

分得美人愁次陳湘曉韻

斜倚雕闌思黯然。鶯聲啼斷奈何天。湘簾晚入  
桃花雨。疎閣朝侵楊柳烟。繡罷鴛鴦燈寂寂。聽  
殘砧杵月娟娟。巫山夢冷人千里。空對粧臺負  
少年。

三四句說愁雅而淡絕無脂粉氣

寄懷張扶九次原韻

十年劔策久關情。漫賦離愁四壁清。春雨半簾  
芳草色。曉風一樹落花聲。洛陽才望蒼生仰。冀

北星霜白叟縈。委珮調羹看揮手。燕鴻相待幾  
回更。

渡錢塘與友人飲別次張曾餘韻

征帆欲挂雨初收。一曲驪歌動客愁。此夕不堪  
江上夢。碧溪明月滿天秋。

題睦陵友人山居次曾餘韻

薜蘿巖畔有人家。半掩柴門石磴斜。林動晚歸  
雙白鶴。綠苔滿徑落松花。

曾次韻



曾去灘頭把釣竿。脩然坐向日初殘。漢家宮闕  
千秋夢。留得江聲。烟雨寒。

黃周星 九烟 江寧人

次韻答贈喻非指

漫說功名薄。漢唐何如六月臥。羲皇連牀野竹。  
千峯翠繞屋。名花萬卷香。詩伯饑寒憐杜曲。酒  
徒落魄怪高陽。相逢且結隆中侶。笑看他年八  
百桑。

先生詩每有奇縱處。絕不由人恨無山多索  
耳。

劉 檝 岸先 信陽人

哭先君 十首選三

逆旅團團共小牕。強將二豎自為降。詎知轉眼  
成長別。夜夜竟應過楚江。

總幃寂寂雪花穿。一盞寒燈澹不燃。旅魄莫啼  
江夜冷。兒身蚤晚傷親前。

百歎酬親總未安。拚將雞骨永憑棺。但憐明日  
炊烟斷。白水清香一縷寒。

居無屋



言持一集  
貧到今年雖也無。一身潦倒任江湖。乾坤許大難容我。戢羽蘆叢羨雁鳧。

食無米

當年臥雪有袁安。我更他鄉何處干。豈是軍行伴減竈。水厨半日已無烟。

寢無牀

七載江南每臥薪。郵亭僧舍覓安身。一龕繩榻烏啼夜。暗雨隨風入戶頻。

先生有十無詩寫其侍尊甫風波日苦景意致蕭然暫登一二以見大概

唐景宋

默齋

蘇州人

宿虞山道中

野艇夕陽下。蒼茫水國中。孤村迷綠樹。殘燭倚斜風。犬吠曉塘月。雞催遠寺鐘。榔應早發已過小橋東。  
是宿道中實景無一虛發

夜坐

入夜境生靜。懸燈寂四鄰。翻書殘滴漏。試茗得先春。星帶草堂近。蟲鳴暗壁新。知希成獨影。不愧抱天真。



鸚鵡夢

露冷風清小院涼。無端倦羽寐初長。應隨蝶翅  
迷鄰苑。猶繞隴山。戀故鄉。忘繫金條雲水曠。憶  
殘稻粒。夢魂香。覺回驚。繫花陰畔。萬里關河暗  
斷腸。

三句夢四句鸚鵡六句情詞飄逸必傳傑作

愁雨感懷和韻

烟迷江樹霧橫空。葉捲芭蕉一夜風。寂寞偏深  
秋雨况窮愁。多得著書中心雉。向隗難封李髮

白初驚易老馮謾說五言城自建偏師還向少

陵攻

起句澹遠

暮春借顧茂倫袁重其登虎丘

落花細數日遲遲。漫陟林丘極日時。綠野遙看  
紋似錦。遠山橫列黛如眉。聞經悟石笙歌老。護  
劔空池歲月移。無限春風吹往事。黍離聲咽柳  
枝詞。

春暮訪周友蓮羽士不遇

啼鶯聲老問東風。攜侶行行訪木公。採藥雲林



言持一集  
隨鶴去。洞門深鎖。落花紅。

新月

嫦娥偷試畫眉粧。無語嬌羞半掩藏。最是傷心離別恨。一鈎鈎取憶蕭郎。

默齋留心性命之業。旁及風雅。與余輩論交。寄經堂中賞奇。晰義無間。晨夕其詩以穩秀恬淡為宗。絕無繁音。縛節。其所得於涵養者深矣。

沈珣 兼菴 嘉善人所著有東臯集

秋月

獨坐楓林下。靜然孤月生。三星微入戶。長漢寂

無聲。霜滿山人屋。寒消秋士觥。夜深猶未寐。惜此故園情。

燈下憶舊

我心今夜長。獨坐與燈商。人去一牀月。夢留半枕香。題詩猶帶睡。醉酒不能狂。再世金花縣。應憐舊沈郎。

三句幽清。四句艷媚。五六真摯。憶舊之極。婉切者。文人信不能無情也。

虞美人

輕盈冠楚宮。歌舞盡成空。留得芳魂在。常將



言持一集  
夢通爲憐錦似血。還憶劔如葱。多少興。亾事。花  
開。花。謝。中。

白蓮講寺

年來思學道。隨意到山房。花氣歸空。月梵音靜。  
野塘是非。忘語默。色相了。蒼黃。此際溪橋斷。門  
前水一方。  
三句入道空色俱泯

歸芳葭舊居夜聞促織

故園秋色好。遠眺黍禾早。河水與隄平。蒹葭隨  
露老。簷低如覆瓶。月上疑浮島。况有機杼聲。經

綸度衰草

看雪

靜看天水杳無聲。素雪層層欲暮晴。一縷爨烟  
荒舍出。孤舟篋笠凍雲平。石橋人老風全急。茅  
店旗斜門半傾。且掩柴扉尋甕語。鄰家忽又粥  
香清。

瞿 涵 止虛 松江人所著有守雌草

有所思

有所思。所思渺渺竟何之。杞棘荆榛充道路。豺



言一集  
狼狐鼠爭驅馳。將欲赴桂林。一水森難尋。將欲赴崆峒。千山杳莫窮。思君子兮不能忘。令我轉輾心徬徨。

獨漉篇

獨漉獨漉。人事反覆。穢者尊。撫潔者局促。不審時機。動履濡足。設欲圖功。進退維谷。當爲居屯守。蹇遇剝期復。我因自命曰弗動。何愆弗爲。何辱。  
見道之言句句斟酌

相逢行

相逢道路俱素友。素友相逢似我否。儘有相逢話。歲寒儘有相逢誇。錦鞍憶昔長安美。少年天街使馬如使船。纓弁百出鳴快意。予獨悲歌復整冠。卽今身世欲何依。東西飄泊總流離。誰當太息不成寐。終夜起舞劉琨雞。

許振光

起文

玉晨吳縣人所著有得閒草

種蘭

羣花多土著。蘭爲異鄉友。遠自閩與贛。近出越中藪。初至神卽親。淡交遂能久。越種來及春。贛



花舒夏後。閩產最為奇。梯航方可有。羅列吾齋中。香氣盈戶牖。靈均是吾師。初佩當瓊玖。安得養閒園。前池後高阜。滋蘭既九畹。樹蕙又百畝。

數語括盡一部蘭譜言之真實却自古趣紛披

蘭為王者香。比德於君子。披披眾草中。未嘗自為美。有德居尊位。眾草自莫比。吾得與之親。芳香染衣履。彼夫蒼葦菴。望望遠將徙。托根盆盎內。所資僅尺土。種蒔非得宜。何如在湘浦。灑濯汲清泉。灌溉有時雨。風日孕靈秀。花

藥如可觀。氣盛養亦和。幽香方得吐。

擢穎務及時。衰老又何取。雅操升金門。天香播紫府。植根既已早。無敗於風雨。勿以栽培力。遂爾不自努。一旦秋霜凝。懼與草同腐。豈復有少年。收我金蘭簿。

燕姬偶徵夢。玉麟遂投懷。蘭蓀久延佇。今始列吾齋。或云葉可愛。媿娜如嬌娃。種蘭有真譜。孕毓在根芽。根深葉自茂。森森玉笋排。人事既已盡。天意當無乖。所以謝車騎。惟願生庭階。子弟



我何預正欲使其佳。

蜂股帶花歸。資糧出採擷。蘭珠獨背負。供御盡  
臣節。始信爲國香。服媚齊一切。環瞻吾階庭。玉  
樹同在列。雷雨正奮盈。新芽倏將茁。一室香風  
吹。炎天氣凜冽。遙憶無人境。紛委如積雪。

芳香本天性。陽和氣常溫。臭味堪永日。如與同  
心言。十步所必有。深林自翩翩。寧以人勿服。而  
遂花不繁。浮靄鬱蒼翠。三徑繞幽軒。種蘭固有  
道。但無使當門。

歲寒相與保。寧必無摧折。蘭蕙有其心。松栢有  
其節。剛脆雖殊姿。正性同堅決。維茲淑德人。護  
持賴上哲。苟非謹護持。能不悲鷓鴣。

幽蘭在空谷。乃與衆草伍。夫子顧見之。停車援  
琴鼓。自傷不得志。窮老愧修脯。念茲感余心。握  
蘭淚如雨。蘭歟。夫何傷芬芳。自終古。

古致錯落直逼漢魏。比物寄興大有風人之遺。王晨讀書嗜古。祛絕塵俗人望之。亦如幽蘭在谷。宜其言之親切有味也。

弔南陽方孝烈篇 有序



孝烈方氏洞庭在明之女丁未嫁葉懋  
功爲妻僅四月而懋功與同里某貿易  
在雲間溺水歿在明往迹之并其尸焚  
之矣有言某告官下在明於獄孝烈密  
縫其衣懷刃登某之堂自刎歿父得釋  
歸於是山中父老爲之徵詩紀事焉

美人盈盈排戶入。霜刃橫飛電光急。頸血注射  
逆柱流。輕軀半日猶屹立。良人旣云喪。江魚何  
罪於骸。遭焚如此時。殉夫志已決。抱妊三月姑

躊躇。父往覓壻亦情理。置之狂狷太甚矣。身歿  
仇家父得歸。停柩華堂輕幕裏。四月于飛十七  
齡。嬌懷怯影尚伶仃。絕勝龐娥行擊刺。竟同曹  
女有神靈。千載荒涼狐兔穴。行人道上空悲咽。  
花磚雨灑與風吹。血漬尸痕終不滅。

急起緩承格調奇突中間平平敘來語不多  
而情事詳悉一結更斬絕有萬鈞之力

夏 駟 宛來 吳興人

### 送趙又呂使君南旋

北風連大漠。之子復南征。客夢兼鄉夢。砧聲足



雁聲山紆齊岱遠江入楚天清無限登臨意陽  
春何處生

寄懷喻非指

時客潞安

風沙並轡渡滹沱。數子郵亭恨若何。一自浮雲  
飛上黨。幾番涼雨漲汾河。寸心獨向尊前折。華  
髮同防鏡裏多。搔首乾坤空寂寞。與君歸隱舊  
烟蘿。



